



हिन्दी-गीत-ग्रन्थमाला—२२वाँ ग्रन्थ

# वीर-सतसई

रचयिता

वियोगी हरि

प्रकाशक

गाँधी-हिन्दी-पुस्तक-भण्डार

प्रयाग

प्रथम संस्करण  
२०००

विजया-दशमी  
संवत् १९८४

मूल्य १॥॥



## उत्तेजन

जाव भलै कुरुराज पै

घारि दूत-वर वरा ।

जइयौ भूलि न कहँ नहौ,

केशर ! द्रौपदि-कण ॥



## विषय-सूची

### पहला शतक

[ पृष्ठ १ से १५ तक ]

१—मंगलाचरण	१
२—वीररस-प्राधान्य	२
३—वीर रसानन्यता	२
४—शूरवीर	२
५—दयावीर	४
६—सत्यवीर	५
७—धर्मवीर	६
८—विग्रह-वीर	८
९—दान-वीर	८
१०—शूर ओर कादर	९
११—युद्ध-वीर	१०
१२—शूर सुपूत	११
१३—क्षत्रिय निरूपण	१२
१४—मंगल प्रयाण	१२
१५—पविल तीर्थ	१३
१६—शीर्ष दान	१४
१७—वीर किस्मान	१५
१८—वीर वैश्य	१५

### दूसरा शतक

[ पृष्ठ १७ से ३१ तक ]

१—विजयराघव ध्यान	१७
२—कवि-कर्तव्य	१८

३—वीर कवि	१९
४—क्रेमरी	२१
५—वीरता ओर कामान्विता	२२
६—वीर-ग्राहु	२३
७—वीर नेत्र	२३
८—खड्ग	२४
९—घनुष-बाण	२६
१०—शिशु-वीरोक्तिर्यो	२६
११—प्रेम ओर वीरत्व	२७
१२—मातृ-शिक्षा	२९
१३—शूर-साधन	३०
१४—रण याता और ज्योतिष	३०
१५—अप्रिय ओर प्रिय	३१
१६—चिलाङ्कण	३१

### तीसरा शतक

[ पृष्ठ ३३ से ४८ तक ]

१—शक्ति-स्तुति	३३
२—राघव प्रतिज्ञा	३४
३—मोमिखि-स्तुति	३४
४—मारुति प्रतिज्ञा	३५
५—भीष्म प्रतिज्ञा	३५
६—अर्जुन प्रतिज्ञा	३६
७—कन्द प्रतिज्ञा	३७
८—यादव-प्रतिज्ञा	३७
९—पूताप-प्रतिज्ञा	३८

गिर-पूतिजा	३८	११—चामुण्ड राय	५३
गिर-विदा	३८	१२—लगरि राय	५४
युद्ध-दर्शन	३९	१३—कहरकठोर और चन्द्रपुण्डीर	५४
भारत-पताका	३९	१४—सयोगिता	५५
भूकृत धीर	४०	१५—जयचन्द्र	५५
स्वदेश-परिचय	४०	१६—आल्हा और ऊदल	५६
-राजस्थान	४०	१७—गोरा और रादल	५६
-चित्तौर	४१	१८—पद्मिनी-जौहर	५८
-मारवाड	४२	१९—महाराणा सांगा	५८
-हृष्टदी घाट	४२	२०—जयमल और पत्ता	५९
-याधव गढ	४३	२१—महाराणा प्रताप	५९
-भरतपुर दुर्ग	४३	२२—महाराणा राजसिंह	६१
-बुन्देलखण्ड	४३	२३—चूडावन का प्रेमोपहार	६१
-पराधीनता	४६	२४—छत्रपति शिवाजी	६१
-स्वाधीनता	४८	२५—महाराजा छत्रसाल	६२
-पराधीन और स्वाधीन	४८	२६—गुरु तेगबहादुर	६४
चौथा शतक		२७—गुरु गोविन्दसिंह	६४
[ पृष्ठ ४९ से ६६ तक ]		२८—सिंह शावर-बलिदान	६५
१—मारति-वन्दना	४९	२९—भार्गव वन्दना	६६
२—लका युद्ध	४९	३०—खालसा	६६
३—रविमणि हरण	५०	पाँचवाँ शतक	
४—अभिमन्यु	५०	[ पृष्ठ ६७ से ८२ तक ]	
५—भीम-भीमता	५१	१—शिव-वन्दना	६७
६—द्रौपदी केश-कर्पण	५१	२—दुर्गादास राठौर	६७
७—चाणक्य	५२	३—धुरमगद	६८
८—चन्द्रगुप्त	५२	४—लोकमान्य तिलक	६८
९—फाकी कन्ह	५२	५—देशबन्धु बाम	६९
०—कमास	५३	६—आर्य देवियों	६९

७—कर्मादेवी	७०	५—धिकार	८५
८—वीरा	७०	६—आज कहाँ ?	८६
९—पद्मा धाय	७०	७—परशुराम-स्मरण	८७
१०—दुर्गावती	७०	८—भावो इतिहास	८७
११—चौद वीथी	७१	९—व्यर्थ युद्ध	८८
१२—नील देवी	७१	१०—फूट	८८
१३—लक्ष्मी बाई	७२	११—विजयादशमी	८९
१४—सिंहबधू	७३	१२—अव समय कहाँ ?	८९
१५—सतीत्व-रक्षा	७३	१३—गीता-रहस्य	९०
१६—सती प्रताप	७३	१४—अयोग्य नरेश	९०
१७—ददता	७४	१५—न्यदेश-विद्रोह	९१
१८—शिकारी	७४	१६—गो-नाश	९२
१९—वीरता और सुकुमारता	७५	१७—क्या मे क्या ?	९२
२०—वीरता और त्रिलासिता	७७	१८—जगत् का अभिप्राय	९३
२१—कवि-पतन	७९	१९—कादर साधु-सत	९३
२२—व्यर्थ चेष्टा	८१	२०—त्याग और आत्मानुभूति	९४
२३—अनहोनी	८१	२१—अछूत	९४
२४—दुर्लभ पदार्थ	८२	२२—मगला और अमगला	९५
		२३—घाल विधवा	९५
		२४—श्वेत और श्याम	९५
		२५—व्यर्थ गर्ज	९६
		२६—दीन आर दीनबधु शरण	९६
		सातवा शतक	
		[ पृष्ठ ९७ से १०९ तक ]	
		२७—विविध	९७

### छठा शतक

[ पृष्ठ ८३ से ९६ तक ]

- १—नाद-वन्दना
- २—वे और ये !
- ३—किताना भारी अतर !
- ४—निर्जीव राजपूत





श्रीहरि

## वीर-सतसई

### पहला शतक

मंगलाचरण

जयतु कंस-करि-केहरी । मधु-रिपु । केशी-काल ।  
कालिय-मद-मर्दन । हरे । केशव । कृष्ण कृपाल ॥ १ ॥  
गिरिवरु जापै धारिकै<sup>५</sup> राखी ब्रज-जन-लाज ।  
ताही छिगुनी कौ हमैं बल वानो, यदुराज ॥ २ ॥  
काटौ कठिन कलेसु मो मोह-मार-मद वक्र ।  
मथन-भक्त-शिशुपाल करि केहरि केशव-चक्र ॥ ३ ॥  
रह्यौ उरभि रथ-चक्र जो धावत भीषम-ओर ।  
कव गहिहौ<sup>५</sup> रणछोर के वा पटुका कौ छोर ॥ ४ ॥



श्रीहरि

## बीर-सतसई

### पहला शतक

मगलाचरण

जयतु कंस-करि-केहरी । मधु-रिपु । केशी-काल ।  
कालिय-मद-मर्दन । हरे । केशव । कृष्ण कृपाल ॥ १ ॥  
गिरिवरु जापै धारिकै\* राखी ब्रज-जन-लाज ।  
ताही छिगुनी कौ हमै बल वानो, यदुराज ॥ २ ॥  
काटौ कठिन कलेसु मो मोह-मार-मद वक्र ।  
मथन-मत्त-शिशुपाल करि केहरि , केशव-चक्र ॥ ३ ॥  
रहौ उरभि रथ-चक्र जो धावत भीषम-ओर ।  
कव गहिहौ\* रणबोर - के वा पटुका कौ-ओर ॥ ४ ॥

## वीर रस-प्राधान्य

आदि, मध्य, अवसानहुँ जामेँ उदित उद्वाह ।  
 सुरस वीर इकरस सदा सुभग सर्वरम-नाह ॥ ५ ॥  
 परिनामहुँ जो देतु है लोकोत्तर आनन्द ।  
 सुरस वीर रस-राजु सो, सहित उद्वाह अमन्द ॥ ६ ॥  
 वीर-स्थायी भावसोँ सरस सर्वरस आहिँ ।  
 नीकेहुँ फीके सबै विनु जाके जग माहिँ ॥ ७ ॥

## वीररसानन्यता

छाँड़ि वीर रसु अव हमैँ नहिँ भावतु रस आन ।  
 ध्यावतु सावन-आँधरो हरो-हरो हि जहान ॥ ८ ॥  
 री रसना । वस ना कळू, अव तोपै रस-तीर ।  
 चाखति सरस सिँगारु तजि क्यों नीरस रसु वीर ? ॥ ९ ॥  
 कहा करौँ माधुर्य लै मृदुल मजु विनु ओज ।  
 दिपैँ न ज्योति-विकास विनु सुंदर नैन-सरोज ॥ १० ॥

## शूर वीर

खंड-खड है जाय वरु, देतु न पाछेँ पेँड ।  
 लरत सूरमा खेत की भरत न छाँडतु मेँड ॥ ११ ॥

सहजसूर रण-चूर-उर चाहिय चातक-चाह\* ।  
 चाहिय हारिल-हठ† बहै, चाहिय सती-उमाह ॥ १२ ॥  
 खल-खंडन, मडन-सुजन, सरल, सुहृद, सविवेक ।  
 गुण-गंभीर, रण-सूरमा मिलतु लाख में एक ॥ १३ ॥  
 खल-घालक, पालक-सुजन, सुहृद, सदय, गंभीर ।  
 कहूँ एक सत लाख में 'प्रकृत सूर' रण-धीर ॥ १४ ॥  
 सुहमाँगे रण-सूरमा देतु दान परहेतु ।  
 ✓ ॥ सीस-दान हूँ देतु, पै पीठि-दान नहिँ देतु ॥ १५ ॥  
 कहत महादानी उन्हें चाटुकार मतिकूर ।  
 पीठिहुँ कौ नहिँ देत जे कृपण दान रण-सूर ॥ १६ ॥  
 कहतु कौन रणमें तुल्य\* धीर-वीर-सरदार ।  
 ॥ लखि रिपु बिनु हथियार जो देत डारि हथियार ॥ १७ ॥  
 आजु कहूँ तौ कल कहूँ, नाहिँ एक विश्राम ।  
 करतु सिंह-सम सूरमा ठौर-ठौर निज ठाम ॥ १८ ॥

\* रत्न-रत्न रमना लटी, तृपा सुखि गे अग ।

† 'तुलसी' चातक-प्रेम की नितनूतन रुचि रग ॥

'तुलसी' चातक देत सिख, सुतहि बार ही बार ।

तात, न तपन कीजिये जिना बारि घर बार ॥

—तुलसीदास

† गही टेक छूटै नहीं, कोटिन करौ उपाय ।

हारिल घर पग ना घरै, उड़त फित्त मरि जाय ॥

—अज्ञात कवि

## वीर रस-प्राधान्य

आदि, मध्य, अवसानहूँ जामेँ उदित उछाह ।  
 सुरस वीर इकरस सदा सुभग सर्वरस-नाह ॥ ५ ॥  
 परिनामहूँ जो देतु है लोकोत्तर आनन्द ।  
 सुरस वीर रस-राजु सो, सहित उछाह अमन्द ॥ ६ ॥  
 वीर-स्थायी भावसोँ सरस सर्वरस आहिँ ।  
 नीकेहूँ फीके सवै बिनु जाके जग माहिँ ॥ ७ ॥

## वीररसानन्यता

छाँडि वीर रसु अब हमैँ नहिँ भावतु रस आन ।  
 ध्यावतु सावन-आँधरो हरो-हरो हि जहान ॥ ८ ॥  
 री रसना । बस ना कछू, अब तोपै रस-तीर ।  
 चाखति सरस सिँगारु तजि क्यों नीरस रसु वीर ? ॥ ९ ॥  
 कहा करौँ माधुर्य लै मृदुल मजु बिनु ओज ।  
 दिपैँ न ज्योति-विकास बिनु सुदर नेन-सरोज ॥ १० ॥

## शूर वीर

खंड-खंड हूँ जाय बरु, देतु न पाछेँ पेँड ।  
 लरत सूरमा खेत की मरत न छाँडतु मेँड ॥ ११ ॥

सहजसूर रण-चूर-उर चाहिय चातक-चाह<sup>१</sup> ।  
 चाहिय हारिल-हठ<sup>१</sup> वहै, चाहिय सती-उमाह ॥ १२ ॥  
 खल-खंडन, मडन-सुजन, सरल, सुहृद, सविवेक ।  
 गुण-गंभीर, रण-सूरमा मिलतु लाख में एक ॥ १३ ॥  
 खल-पालक, पालक-सुजन, सुहृद, सद्य, गंभीर ।  
 कहूँ एक सत लाख में 'प्रकृत सूर' रण-धीर ॥ १४ ॥  
 सुहमाँगे रण-सूरमा देतु दान परहेतु ।  
 ✓ सीस-दान हूँ देतु, पै पीठि-दान नहिँ देतु ॥ १५ ॥  
 कहत महादानी उन्हें चाटुकार मतिकूर ।  
 पीठिहुँ कौ नहिँ देत जे कृपण दान रण-सूर ॥ १६ ॥  
 कहतु कौन रणमें तुह<sup>२</sup> धीर-वीर-सरदार ।  
 / लखि रिपु बिनु हथियार जो देत डारि हथियार ॥ १७ ॥  
 आजु कहूँ तौ कल कहूँ, नाहिँ एक विश्राम ।  
 करतु सिंह-सम सूरमा ठौर-ठौर निज ठाम ॥ १८ ॥

\* रदन-रदत रसना लट्टी, तृप्ता सुखि ग अग ।

'तुलसी' चातक-प्रेम को नितनूतन रचि रग ॥

'तुलसी' चातक देत सिख, सुतहि बार ही बार ।

तात, न तर्पन कीजिये बिना बारि-घर-घार ॥

—तुलसीदास

✓ † गही टेक छूटै नहीं, कोटिन करी उपाय ।

हारिल घर पग ना धरै, उड़त फितर मरि जाय ॥

—अज्ञात कवि



तंत न तोरत अंतलौ , बचन निबाहत सूर ।  
 कहा प्रतिज्ञा पालिहैं कपटा कादर क्रूर ॥ १९ ॥  
 बचन-सूर केते मिले, करतब-कोरे क्रूर ।  
 साँचो तो कहँ लाख में लख्यौ एक रण-सूर ॥ २० ॥

### दया-वीर

किधौँ त्याग-गिरि-शृङ्ग, कै भाव-जान्हवी-कूल ।  
 किधौ करुण-रस-सिंधु यह दया-वीर मुद-मूल ॥ २१ ॥  
 दया-धर्म जान्यौ तुहीँ, सब धर्मनु कौ सार ।  
 नृप शिवि । तेरे दान पै बलि हूँ बलि सौ बार ॥ २२ ॥  
 तूँहीँ या नर-देह कौ, बलि, पारखी अनूप ।  
 दया-खड्ग-मरमी तुहीँ, दया-सूर शिवि भूप । ॥ २३ ॥  
 दल्यौ अहिंसा-अस्त्र लै दनुज दुःख करि युद्ध ।  
 अजय-मोह-गज-केसरी, जयतु तथागत बुद्ध ॥ २४ ॥  
 रण-थल मूर्छित स्वामि के लीने प्राण बचाय ।  
 । गीधनु निज तनु-माँसु दै, धन्य सजमाराय\* ॥ २५ ॥

\* सयमराय महाराज पृथ्वीराज का एक शूर सामंत था । एक बार युद्ध-स्थल पर महाराज पृथ्वीराज घोड़े पर से मूर्च्छित हो गिर पड़े । पासही सयमराय भी आहत पड़ा था । यह समझ कर कि महाराज मर गये हैं, गीध उन पर मँढ़राने लगे । दो एक ने तो चोच भी बछा दी । सयमराय से यह न देया गया । उठने की चेष्टा की, पर उठ न सका । उधर जरा ही देर करता है, तो गीध महाराज को खाये जाते हैं । सामन्त ने अपने शरीर में मांस काट-काट कर फेंकना शुरू किया । गीधों

फैकि-फैकि निज मॉसु लिय सभरि-राय\* वचाय ।  
हे तूँ शिबि तें घटि कहा, सुभट संजमाराय । ॥ २६ ॥

### सत्य-वीर

सुदर सत्य-सरोजु सुचि बिगस्यौ धर्म-तडाग ।  
सुरभित चहुँ हरिचंद कौ जुग-जुग पुन्य-पराग ॥ २७ ॥  
मृतरोहित†-पट-दानु लै धार्यौ धर्म अमन्द ।  
खड्ग-धार-व्रत-धीर, धनि, सत्य-वीर हरिचन्द ॥ २८ ॥  
फूँकन देतु न मृत सुवन, माँगतु तिय-तनु-चीर ।  
निरखि नृपति-सत-धर्म-धृति धृति हू भई अधीर ॥ २९ ॥  
पद्मा-पति-पटपीत क्यों खस्यौ नीर-निधि-तीर ? ।  
पतिहि‡ फारि जैव्या टियौ निज-अँग-आधो चीर ॥ ३० ॥  
बैचि प्रियै, प्रियपूतहुँ भयौ डोम-गृह-दास ।  
सत्यसंध हरिचंद । तूँ सहज सुसत्य-प्रकास† ॥ ३१ ॥

को और क्या चाहिए । आनन्द से मास खाने लगे । थोड़ी देर बाद महाराज होश में आये । आँख खोलते ही स्वामि भक्त सयमराय की यह छीला देखी । पर, वहाँ सामंत मरण प्राय हो गया था । महाराज उसकी स्वामि भक्ति देख कर गद्गद हो गये । किन्ती तरह उठकर गीधों को भगाने गये, पर सामंत तो स्वर्ग को सिधार चुका था ।

\* महाराज पृथ्वीराज ।

† रोहिताक्ष ।

‡ बैचि देह दारा सुवन, होय दासहू मन्द ।

रखिहै निज उच सत्य करि अभिमानी हरिचन्द ॥ —भारतेन्दु हरिश्चन्द्र ।

जौ न जन्म हरिचन्द कौ होतो या जग माँह ।  
 जुग-जुग रहति असत्य की अमिट अँधेरी छाँह ॥ ३२ ॥  
 इत गाँधी, उत सत्य दोउ मिले परस्पर चाहि ।  
 यह छाँड़तु नहिँ ताहि, त्यों वह छाँड़तु नहिँ याहि ॥ ३३ ॥  
 धनि, तेरी तप-धीरता, धनि, गुण-गण-गंभीर ।  
 या कलि में गाँधी । तुहीँ इक सत्याग्रह-वीर ॥ ३४ ॥  
 नहिँ बिचल्यौ सतपंथ तें सहि असह्य दुख-द्वंद ।  
 कलि में गाँधी-रूप है प्रगट्यौ पुनि हरिचंद ॥ ३५ ॥

### धर्म-वीर

धन्य ओरछो, जहँ भयौ धर्म-वीर हरदौल ।  
 दिये प्राण सत-धर्म पै पालि वीर-व्रत नौल ॥ ३६ ॥

\* “वर्तमान काल में एकमात्र गांधी ही ईश्वर के सामने सत्य के प्रतिनिधि हैं।”

—काउण्ट ल्यू टाल्सटॉय ।

“गांधीजी के सामने जाने पर मनुष्य यही समझता है कि मैं किसी बड़े महान् नैतिक देवता के सामने खड़ा हूँ, जिसकी आत्मा एक शान्त और स्वच्छ झील के समान है, जिस में सत्य का स्पष्ट प्रतिबिम्ब दिखाई पड़ता है।”

—एच० एस० एल० पोलक ।

“निस्संदेह गांधीजी उन्हीं तत्वों में बने हैं, जिन तत्वों से बड़े-बड़े बहादुर और शहीद बनते हैं। वल्कि इससे भी बढ कर एक और गुण उनमें यह है कि वे अपने विलक्षण आरमिक अथवा सत्य-बल से अपने आस पास के साधारण मनुष्यों को भी बहादुर और शहीद बना देते हैं।”

—गोपाल कृष्ण गोखले ।

† बुन्देलखंड में ओडछा एक प्राचीन राज्य है। परमप्रतापी बुन्देलों का सगंय बड़ा और प्रतिष्ठित राज्य यही है। महाराज मधुकर शाह के पुत्र ओडछाधीश जुझारसिंहजी प्रायः दिही में रहा करते

धर्मवीर हरदौलजू । अजहुँ तुम्हारे गीत ।  
 ह्याँ घर-घर तिय गावती<sup>\*</sup> समुझि सनातन रीत ॥ ३७ ॥  
 हँसत-हँसत निज धर्म पै दियौ जु सीसु चढाय ।  
 धर्म-समर में मरि भयो अमर हकीकतराय ॥ ३८ ॥  
 दयानद । आरज-पथिक<sup>\*</sup> । यति-वर श्रद्धानदा ।  
 जगिहै तुम्हारे रुधिर ते<sup>\*</sup> जुग-जुग धर्म अमद ॥ ३९ ॥

थे । राज्य प्रबन्ध का भार, महाराज की अनुपस्थिति में, उनके भाई कुमार हरदाल के सिर पर रहता था । राज्य के अधिकारी न्यायशील कुमार पर जल करते और उनके हाथ से राज्य-प्रबन्ध छीनने की ताक में रहते । राजकुमार पर राजमहिषी का पुत्रवत् चारमल्य रनेह था । कुमार भी उन्हें मातृवत् मानत थे । देवर-भोजाई का यह पवित्र सम्बन्ध दुष्ट ईर्ष्यालु कर्मचारियों से न देखा गया । पड़यत्न रच कर उन्होंने महाराज को लिखा कि कुमार और महारानी के बीच में अश्लील सम्बन्ध है । राजा के शरीर में आग लग गई । अपनी पत्नी के सतीत्व में उन्हें सन्देह हो गया । एक दिन गनी से, महल में जाकर, बोले कि यदि तुम दोनों में विशुद्ध प्रेम है तो अपने हाथ से हरदाल को विप डे दो । राज महिषी ने माणान्त पीड़ा का अनुभव करते हुए भी धर्मरक्षणार्थ पति-देवता की बात मान ली । कुमार को निमन्त्रण दिया गया । भोजाई अपने पुत्रवत् देवर को डगडगाती आँखों से निहारती हुई परोसने लगी । पहले तो छिपाया, पर कुमार के बहुत आग्रह करने पर रानी को सारा रहस्य बोलना ही पड़ा । हरदाल ने हँसकर कहा कि, माता ! आप क्यों दुःख करती हैं ? यदि मेरी हत्या से पितृ-सुख पूज्य भ्राता का सन्देह दूर होता है, आपके सतीत्व की परीक्षा और मेरे धर्म की रक्षा होती है तो मेरा मरण धन्य है । यह कहकर रानी के हाथ से विप मिश्रित वृक्ष छीन कर धर्म-पीर हरदाल हँसते-हँसते पी गये, और श्रीरामचन्द्रजी के मन्दिर के सामने एक चोकी पर बैठ कर ध्यान करते हुए उन्होंने स्वर्गारोहण किया । कहते हैं, उनकी थाली का जहर मिला हुआ भोजन पा कर उनके फई मोकर, घोड़े और हाथी भी उन्हीं के साथ स्वर्गस्थ हुए । हरदाल इस धर्म-बलि के पञ्चाङ्ग बहुत प्रसिद्ध हुए । समस्त बुन्देलखण्ड में उनके नाम के चोतरे अद्यापि बने हुए हैं । आज भी प्रत्येक मागलिक अवसर पर निम्न निवारणार्थ पहले 'हरदौल लाला' के ही गीत गाये जाते हैं ।

<sup>\*</sup> आर्य मुसाफिर पंडित लेखराम, जिन्हें एक कठोर हृदय सुललमान ने छुरी घुसेद कर मार डाला था ।

धर्मवीर स्वामी श्रद्धानन्द, जिन्हें हाल ही में दिहरी के एक घर्मोन्मत्त अन्दुरंसीद नामक

## विरह-वीर\*

तजि सरबसु रस-वसु कियौ गीता-गुरु गोपाल ।  
 भाव-भौन-धुज धन्य वै बिरह-वीर ब्रज-बाल ॥ ४० ॥  
 साध्यौ सहज सुप्रेम-व्रत चढ़ि खाँड़े की धार ।  
 बिरह-वीर ब्रज-बाल हीं रसिक-मेंड़-रखवार ॥ ४१ ॥  
 धन्य, वीर ब्रज-गोपिका, तजी न रसकी मेंड़ ।  
 हेत-खेत तें अंतलौं दियौ न पाछे पेंड ॥ ४२ ॥

## दान-वीर

किधौं उच्च हिम-शृङ्ग-वर, किधौं जलधि गंभीर ।  
 किधौं अटल ध्रुव-धाम, कै दान-वीर मति-धीर ॥ ४३ ॥  
 सुरतरु लै कीजै कहा, अरु चिन्तामणि-ढेर ।  
 इक दधीचि की अस्थि पै वारिय कोटि सुमेर ॥ ४४ ॥

व्यक्ति ने पिस्तौल चला कर मारा है ।

\* साहित्यिकों ने इस नाम का वीरो में कोई विभाग नहीं किया है । पर वीररस का स्थायी भाव 'उत्साह' विशुद्ध विरह में, अच्छी माता में, पाया जाता है । इसी से हमने अद्वितीय विरहिणी व्रजागनाओं को 'विरह-वीर' नाम के नये वीर-विभाग में स्थान देने की छुट्टा की है ।

गोपिन की सरि कोऊ नाहीं ।

जिन तून सम कुल-छाज-निगढ सत्र तोन्यो हरि-रस माही ॥

जिन निज-रस कीने नैदन-दन विहरीं दै गल-बारीं ।

सत्र सतन के सीस रही उन चरन-छल की छाहीं ॥

चिंतामनि सौ लख कहा, कोटिन कनक-पहाड ।  
लिभुवन माहिँ सराहियै ऋषि दधीचि कौ हाड ॥ ४५ ॥

### शूर और कादर

सदय, विवेकी, सत्यव्रत, सुहृद लेखियतु शूर ।  
अविवेकी, क्रोधी, कुटिल, कादर कहियतु क्रूर ॥ ४६ ॥  
कूकरु उदरु खलायकै, घर-घर चाटतु चून ।  
रंगे रहत सद खून सों नित नाहर-नाखून ॥ ४७ ॥  
सूर-चाह-अनचाहहुँ देखिय अगम अथाह ।  
कहा क्रूर-कादरनु की चाह और अनचाह ॥ ४८ ॥  
करि कादर सों मिलता कहा लाभ है, मीत ।  
सबुताहु रण-सूर-प्रति मंगल-मूर्ति पुनीत ॥ ४९ ॥  
कहतु कौन कायर तुम्है, बल-सायर । रण माहिँ ।  
भभरि भाजिबो पीठि दै सब के बस कौ नाहिँ ॥ ५० ॥  
मति मन-मानिक साँपियौ, कुटिल-कादरनु हाथ ।  
हैं वे ही सतजौहरी, नहिँ जिन धर पै माथ ॥ ५१ ॥  
कादर वीरनु सग मिलि, भले अलापहिँ राग ।  
छिपत न अत बसत में, कैसेहुँ कोयल काग ॥ ५२ ॥

बृथा उभय-निरधार में बिनत-उधेरत बेद ।  
खुलि जैहै वा दिन सबै, नकल-असल कौ भेद ॥ ५३ ॥

### युद्ध वीर

केंसरिया बागो पहिरि, कर कंकण, उर माल ।  
रण-दूलह । बरि लाइयौ दुलहिन बिजय-सुबाल ॥ ५४ ॥  
औघट घाट कृपाण कौ, समर-धार बिनु पार ।  
सनमुख जे उतरे, तरे, परे बिमुख मँझधार\* ॥ ५५ ॥  
७ पैरि पार असि-धार कै, नाखि युद्ध-नद-भीर ।  
भेदि भानु-मंडलहिँ अब, चलयौ कहाँ रण-धीर ? ॥ ५६ ॥  
डीठि-बिमुख हूँ डीठ वै गिनत न ईठि-अनीठ ।  
घालत दै-दै पीठि सर, तानि-तानि सर-पीठ ॥ ५७ ॥  
धनि धनि, सो सुकृती ब्रती, सूर-सूर, सतसंध ।  
खड़ खोलि खुलि खेत पै खेलतु जासु कबंध ॥ ५८ ॥  
प्रतिपालक निज पैज के, खल-घालक रिपु-जैत ।  
बल-बाँके बानैतहीं होत बिसद बिरुदैत ॥ ५९ ॥  
लरतु काल सों लाख में कोइ माइ कौ लाल ।  
कहु, केते करबाल कौ करत कंठ-कलमाल ॥ ६० ॥

\* तली-नाद, कवित्त-रस, सरस राग, रति-रग ।

अनबूढ़े बूढ़े तिरे, जे बूढ़े सथ अग ॥

कहाँ सूर समरत्थ, जो समर-दानु बढि लेतु ।  
 कौन काल-करबालकों किलकि कलेऊ देतु ॥ ६१ ॥  
 धन्य, भीम । रण-धीर तूँ, धरि आर-छाती पाव ।  
 भरि अँजुरिनि शोणितु पियौ, इन मूँछनि दै ताव ॥ ६२ ॥  
 धन्य, कर्ण । रिपु-रक्त सों दियौ पूरि रण-कुण्ड ।  
 करि कदुक अति चाव सों, उछरि उछारे मुण्ड ॥ ६३ ॥  
 सहज बजावनु गाल ल्यौ, सहज फुलावनु गाल ।  
 काल-गाल में अरि-दलै कठिन गेरिबो हाल ॥ ६४ ॥  
 प्राण हथेरी पर धरें, किये ओज-मद-पान ।  
 तबर तीर तरवार लै चले जुझिबे ज्वान ॥ ६५ ॥  
 रण-सुभट्ट वै भुट्ट-लौ गहि असि कट्टत मुण्ड ।  
 उठि कबध जुट्टत कहूँ, कहूँ लुट्टत रिपु-रुण्ड ॥ ६६ ॥

### शूर-सुपूत

/ सीस हथेरी पर धरें, ठोंकत भुज मजवूत ।  
 छिति, छत्वानी-गर्भ तें, जनमतु सूर सुपूत ॥ ६७ ॥  
 कादर भये न सूर-सुत, करि देख्यौ निरधार ।  
 / नहिँ सिंहनि के गर्भ तें, उपजे कबहुँ सियार ॥ ६८ ॥



सूर-सुतहिँ जग जन्म-सँग, सहज जंग-जागीर ।  
समर-मरणा मंसब मिल्यौ, अरु खिताब रण-धीर ॥ ६६ ॥

### द्वनिय-निरूपण

‘छलिय छलिय’ कहे तें, छलिय होय न कोय ।  
(सीसु चढावै खड्ग पै, छलिय सोई होय ॥ ७० ॥  
लावै बाजी प्राण की, चढ़ि कृपाण की धार ।  
सोई छलिय-धर्म की मेंड रखावनहार ॥ ७१ ॥  
जोरि नाम सँग ‘सिंह’-पदु, कियौ सिंह बढनाम ।  
हूँहै क्योंकरि सिंह यौँ, करि शृंगाल के काम ॥ ७२ ॥

### संगल प्रयाण

पारथ-सारथि कौ हियें रहौ खचित वह ध्यान ।  
हँसत-हँसत बस बीर-लौ करियौ, प्रान । प्रयाण ॥ ७३ ॥  
वहदिनु, वह छिनु, वह घरी पुनिपुनि आवति नाहिँ ।  
हिलुरि-हिलुरि जब हंस ए समर माहिँ अवगाहिँ ॥ ७४ ॥  
दुवन-दर्प दरि, बिदरि अरि, राखि टेक-अभिमान ।  
निकसत हँसि घमसान में बडभागिनु के प्रान ॥ ७५ ॥  
लोहित-लथपथ देखिकैं, खड-खंड तन-लान ।  
निकसत हुलसत युद्ध में बडभागिनु के प्रान ॥ ७६ ॥

कादर तौ जीवित मरत दिन में बार हजार ।  
 प्राण-पखेरू बीर के उडत एकही\* बार ॥ ७७ ॥  
 श्वान-मीच मरिहै कहुँ, धिक, रण-कादर नीच ।  
 पुण्य-प्रतापनु पाइयतु शुद्ध युद्ध-थल-मीच ॥ ७८ ॥

### पवित्र तीर्थ

अरे, फिरत कत, बावरे । भटकत तीरथ भूरि ।  
 अजौ न धारत सीस पै सहज सूर-पग-धूरि ॥ ७९ ॥  
 बसत सदा ता भूमि पै तीरथ लाख-करोर ।  
 लरत-मरत जहँ बाँकुरे विरुझि बीर वरजोर ॥ ८० ॥  
 जगी जोति जहँ जूझ की, खगी खड्ग खुलि भूमि ।  
 रंगा रुधिर सों बूरि, सो धन्य धन्य रण-भूमि ॥ ८१ ॥  
 तहँ पुष्कर, तहँ सुरसरी, तहँ तीरथ, तप, याग ।  
 उठ्यौ सुवीर-कबंध जहँ, तहँई पुण्य प्रयाग ॥ ८२ ॥  
 सगर-सौहँ मूर जहँ, भये भिरत चकचूरि ।  
 बडभागन तें मिलति वा रण-आँगन की बूरि ॥ ८३ ॥  
 कै कृपाण की धार, कै अनल-कुंड कौ ठाट ।  
 एही वीर-बधून के, द्वै अन्हान के घाट ॥ ८४ ॥  
 अनल-कुंड, असि-धार, कै रक्त-रंग्यौ रण-खेत ।  
 तय तीरथ तारण-तरण, छिति, छलिय-लिय-हेत ॥ ८५ ॥

रण-बेला सतपर्व-सी अभिमत-फल-दातार ।  
 सहस्र जान्हवी-धार-लों सुभट हेतु असि-धार ॥ ८६ ॥  
 सुभट-सीस-सोनित-सनी समर-भूमि । धनि-धन्य ।  
 नहिँ तो सम तारण-तरण त्रिभुवन तीरथ अन्य ॥ ८७ ॥  
 नमो-नमो कुरु-खेत । तुव महिमा अकथ अनूप ।  
 कण-कण तेरो लेखियतु सहस्र-तीर्थ-प्रतिरूप ॥ ८८ ॥

### शीर्ष-दान

जे जन लोभी सीस के, ते अधीन दिन-दीन ।  
 सीसु चढ़ायेँ बिनु भयौ, कहौ, कौन स्वाधीन ? ॥ ८९ ॥  
 एक ओर स्वाधीनता, सीसु दूसरी ओर ।  
 जो दो में भावै तुम्हैं, भरि सो लेहु अँकोर ॥ ९० ॥  
 कांठिन जतन करौ चहै, रचि-पचि लाख बरीस ।  
 मिली न कहुँ स्वाधीनता, बिनु सौँपें निज सीस ॥ ९१ ॥  
 चाहौ जो स्वाधीनता, सुनौ मन्त्र मन लाय ।  
 बलि-बेदी पै निज करनि, निज सिरु देहु चढ़ाय ॥ ९२ ॥  
 दियौ दानु जिन सीस कौ, बहुत न ते ब्रत-बीर ।  
 मुहुँ लगाय केते, कहौ, पियत सिहिनी-छीर ? ॥ ९३ ॥

कोटिनु मधि कोऊ कहूँ कुल-दीपक इक होतु ।  
 नेह-सहित निज सीसु दै दस दिसि करतु उदोतु ॥ ६४ ॥  
 सौँप्यौ स्वामिहिँ कोउ जन, कोउ धन, हय, गय, ठौर ।  
 पै वह सहजै सौँपि सिरु, भयौ सबनु सिरमौर ॥ ६५ ॥  
 देत अजा-बलि देव कों अधम अधर्मी आज ।  
 धन्य धन्य, जिन सीस निज, दियौ ईस-बलि-काज ॥ ६६ ॥

---

### वीर-किसान

लै असि-हलु जोती मही, बोयौ सीस-सुधान ।  
 करि सुचि खेती जसु लुन्यौ, धनिरजपूत-किसान ॥ ६७ ॥  
 बोय सीसु सीँच्यौ सदा हृदय-रक्त रण-खेत ।  
 वीर-कृषक कीरति लही, करी मही जस-सेत ॥ ६८ ॥

---

### वीर वैश्य

धन्य वैश्य-वर वीर, जे मेलि रुड रण-कुड ।  
 खड्ग-तुला पै मत्त हूँ रखि तोले खल-मुड ॥ ६९ ॥  
 धन्य वनिक, जो लै तुला, बैठ्यो समर-बजार ।  
 अरि-मुंडनु कौ धर्मसों कियौ वनिज-व्यौपार ॥ ७० ॥

---



## दूसरा शतक

विजयराघव-ध्यान

मौलि-जटा, धनु-बानकर, मुख प्रसेदु, अंग श्रान्त ।

बसौ विजयराघव हिये<sup>१</sup>, किये<sup>२</sup> रूप रण-क्रान्त\* ॥ १ ॥

/ कलित कध धनु, तून कटि, कर सर, सरजू-तीर ।

संग सखानु बानिक यहै, बसौ दृगनि रघुवीर<sup>३</sup> ॥ २ ॥

\*तिर जटा-मुकुट प्रसून बिच विच अति मनोहर राजहीं ।

जनु नीलगिरि पर तड़ित पटल समेत उडुगन भ्राजहीं ॥

भुजदंड सर फोदड फेरत रुधिर-कन तन अति बने ।

जनु रायमुनी नमाल पर बैठीं विपुल सुप्त आपने ॥

—तुलसी

[निम्नलिखित दोहे के सँचे में—

सीम मुकुट, कटि काछनी, कर मुरली, उर माल ।

या बानिक मो मन बसा, मदा बिहारोएल ॥

यह ध्यान तो गोसाईं जी मे ही अकित करने बना है—

बिहरत अवध बीधिन राम ।

सग अजुज अनेक सिखु, नवनील नीरद स्याम ॥

तहन अरन-सरोज पद बनी कनकमय पद-सान ।

पीतपट कटि तूनवर, कर लखित लघु धनु-यान ॥

लोचननि को लहत फल छवि निरखि पुर-नर-नारि ।

बसत तुलसीदाम उर अवधेम के सुत चारि ॥

—तुलसी

जटा-मुकुट सिर, चाप कर, कलित कलेवर स्याम ।  
 दसमुख-करि-केहरि रमौ दृगनि राम अभिराम ॥ ३ ॥  
 रहौ पूरि श्रवननि सदा, तिजग-प्रकंपनहार ।  
 बंक-लंक-धर-शंक-कर युगल-धनुष-टंकार ॥ ४ ॥

### कवि-कर्त्तव्य

लै बल-विक्रम-चीन, कवि । किन छेड़त वह तान ।  
 उठै\* डोलि जेहि\* सुनतहीं धरा, मेरु, मसि, भान ॥ ५ ॥  
 लै निज तंती छेड़िदै, कवि । वह राग अभंग ।  
 { उठै धरा ते\* ओज की नभ लागि तुंग तरंग' ॥ ६ ॥

\*कवि । तू क्यों न वीर रसु गावै ?

उधल-पुधल करि अखिल लोक में व्यापक गान सुनावै ?  
 जो या मद-निभोर धानी बल विक्रम-सर अन्हवावै ।  
 तौ तू अनायासही कोटिन तीरथ कौ फलु पावै ॥  
 कब ते या फल कुसुम कुज मे रमि रमनी-छवि ध्यावै ?  
 ककण किंकिणि झनक सुनत जहँ, तहँ प्रमत्त हूँ धावै ॥  
 अजहूँ किन गम्भीर नादु कै शक्ति-मूर्ति प्रगटावै ?  
 किन नख-सिख-कुच कटि-वर्नन की कारिख धोय मिटावै ?  
 सुचि पलावलि मलिन मसी सो काहे, निलज ! नसावै ।  
 ओज-जान्हवी-जल ते ताकौ किन अँगारागु करावै ?  
 लोक-प्रकपन शब्द-शक्ति सो जो पे जगत जगावै ।  
 कवि ! तजहीं तू या वसुधा पे, साँचो सुकवि कहावै ॥

वीर कवि

हिन्दू-कवि, हिन्दुवान-कवि, हिन्दी-कवि रसकन्द ।  
 सुकवि, महाकवि, सिद्धकवि, धन्यधन्य, कवि चन्द ॥ ७ ॥  
 भयौ उदित हिन्दुवान-नभ चारुचन्द कविचन्द ।  
 रही बगरि चहुँ जोन्ह-सी रचना रुचिर अमन्द ॥ ८ ॥  
 रचि रासो<sup>†</sup> रस-रासि, अति उद्भट काव्य सुछन्द ।  
 पृथीराजचौहान-जसु अजर अमर किय चन्द ॥ ९ ॥  
 फिरदौसी<sup>‡</sup> किन जाय दुरि देखतहीं कविचन्द ।  
 ॥ जासु प्रभा लखि परि गयौ कवि होमर<sup>§</sup> हूँ मन्द ॥ १० ॥  
 अब नख-सिख-सिगार के पढत कवित कमनीय ।  
 आजु लाल भूषण-सरिस रहे न कवि जातीय ॥ ११ ॥  
 सिवा-सुजस-सरसिज सुरस-मधुकर मत्त अनन्य ।  
 रस-भूषण-भूषण, सुकवि-भूषण, भूषण धन्य ॥ १२ ॥  
 कविभूषण सों सरि, कहौ, करिहे को मति-अध ।  
 जासु पालकी में दियौ छलसालु निज कध<sup>§</sup> ॥ १३ ॥

\*पृथीराज-रासो ।

†फारसी के सुप्रसिद्ध महाकाव्य 'शाहनामा' का रचयिता ।

‡जगद्विख्यात 'इलियट' महाकाव्य का प्रणेता ।

§ एकबार कविभूषण शिवाजी के पात माहुजी के यहाँ भलीभाँति सम्मानित हो

पन्ना-नरेश छलसाल के यहाँ आये । उहाँ भी कवि का यथेष्ट सम्कार किया गया । कवि की विदाई करते समय महाराज ने उनकी पालकी का डहा खुद अपने कंधे पर रख लिया । भूषण यह देग गद्गद हो गये । पालकी से कूद कर कहने लगे, यय, महाराज !



रिपुगण सुनि भूषण-कवितु क्यों न होयँ सर-विद्ध ।  
 जाकी रसना पै सदा रहति चंडिका सिद्ध ॥ १४ ॥  
 किधौ इन्द्र कौ बज्र, कै प्रलय-कृसानु अमन्द ।  
 किधौ रुद्र-रण-चंड-चखु कविभूषण कौ छन्द ॥ १५ ॥  
 कविभूषण सिवराज की जिमि गूँथी गुन-माल ।  
 तिमि चंपत-सुत कौ चरितु किय चितित कविलाल ॥ १६ ॥  
 हेलाहीं कटवाय रिपु, रण-बेला है ढाल ।  
 रघो बुन्देला बीर† सँग अलबेला कविलाल ॥ १७ ॥  
 नितप्रति छल-प्रकाश‡ तें सुकविलाल-कृत छन्द ।  
 पढ़ियौ चंपत§-अंसधर । तुम्हैं खडग-सौगन्द ॥ १८ ॥

राजत अगड तेज, छाजत सुजसु, बढो ,  
 गाजत गयद दिगजन हिय-साल को ।  
 जाहि के प्रताप सो मलीन आफताप होत ,  
 ताप तजि दुज्जन करत बहु ख्याल को ॥  
 साज सजि गज तुरी पैदर कतार दीने ,  
 भूपन भनत, ऐसो दीन प्रतिपाल को ।  
 और राव राजा एक मन म न ल्यालँ अत्र ,  
 साहू को सराहौ कै सराहौ छलसाल को ॥

( छलसाल दशक )

\* कविवर गोरेलाल । यह एक साथ ही महाराज का रमोड्या, सामंत और कवि था ।

† महाराज छलसाल ।

‡ कविवर गोरेलाल का रचा हुआ एक सुन्दर वीरसात्मक काव्य । रोद हं कि यह काव्य अपूर्ण ही प्राप्त हुआ है । इसे काशी-नागरी प्रचारिणी मभा ने मशोधित करा के प्रकाशित किया है । हिन्दी साहित्य में वीररस का ऐसा उत्तम ऐतिहासिक काव्य कदाचित् ही कोई ओर हो ।

§ महाराज छलसाल के पिता चंपतराय ।

ब्रज-जाटनु<sup>१</sup> की रण-कथा गाय सुजान-चरित<sup>१</sup> ।  
 भूषण-लौ, सूदन । तुहूँ रसना कीन पवित ॥ १६ ॥  
 कादरता-सूदन अहैं, कविसूदन । तुव छन्द ।  
 फरकत भट-भुजढड, सुनि धरकत कादर मन्द ॥ २० ॥

### केसरी

एकछल वन कौ अधिप पचाननहीं एक ।  
 गज-शोणित सों आपुहीं कियौ राज-अभिषेक ॥ २१ ॥  
 काँपतु कोपित केहरी मुहुँ बायें बिकराल ।  
 रहे धँधकि अंगार कै प्रलयकाल कं लाल ॥ २२ ॥  
 छिन्न-भिन्न है उडति क्यों मद-भौरनु की भीर ?  
 दार्यौ कुभ करीन्द्र कौ कहूँ केहरी वीर ॥ २३ ॥  
 दति-कुभ-शोणित-सनी लसति सिंह-दड-डाढ़ ।  
 मनु मगल ससि-अग कों दिय आलिगनु गाढ़ ॥ २४ ॥  
 अहे मधुप । गज-गड-मदु पीजौ सोचि-विचारि ।  
 छिनमेंहीं या कुभ कों दैहै सिंह बिदारि ॥ २५ ॥

\* भरतपुर राज्य के गीर जाटों में अभिप्राय है ।

† सुकवि-सूदन-रचित एक सुन्दर युद्ध-काव्य । इस में भरतपुर के सुप्रसिद्ध वीर-यश महाराज सूरजमल, उपनाम सुजानसिंह, की युद्ध-गाथा ओजस्वी पद्यों में चित्रित की गयी है ।

बारबार अँगाराय क्यों सिंह जँभाई लेत ?  
 मद-माते गज-यूथ कों पुनि-पुनि करतु सचेत ॥ २६ ॥  
 भाजि भाजि, गजराय । अब, बारि-बिहार बिहाय ।  
 गरभ गिराय मृगीन के, गयौ आय बनराय ॥ २७ ॥  
 कमल-केलिकरिनीन संग, करत कहा, करिराज ।  
 गिरितें गाजत गाज-लौं रह्यौ उतरि मृगराज ॥ २८ ॥  
 भूपटि सिंह गज-कुंभ ज्यों दपटि बिदार्यौ धाय ।  
 रक्त-रंगी मुकता-कनी रहीं सुकेसर छाय ॥ २९ ॥  
 पराधीन सबु देखियतु, बल-वीरज तें हीन ।  
 या कानन में, केसरी । इक तूहीं स्वाधीन ॥ ३० ॥  
 नहिँ पावसु, नहिँ धन-घटा, भई कितै यह घोर ?  
 करतु मत्त मृगराजु कहूँ, बिसैं बीस बन रोर ॥ ३१ ॥  
 यौ मति कीजौ रोर अब, धन । केहरि-लौं आय ।  
 या गयन्दिनी कौ अरे । गरभु न कहूँ गिरि जाय ॥ ३२ ॥

वीरता और कामान्धता

जहँ नृत्यति नित चंडिका तांडव-नृत्य प्रचंड ।  
 सुमन-वान तहँ काम के होत आपु सतखंड ॥ ३३ ॥  
 अट्टहास करि कालिका जित क्रीडति विनुसक ।  
 कुसुम-वान किमि बेधिहै तित कुसुमायुध रक ॥ ३४ ॥

जा तनु-वारिधि में सदा खेलति अतनु-तरंग ।  
उमगौगी क्योंकरि, कहौ, ता मधि युद्ध-उमग ॥ ३५ ॥

### वीर-बाहु

खल-खंडन, मडन-सुजन, अरि-बिहंड, बरिबंड ।  
सोहत सिंधुर-सुंड-से सुभट-चंड-भुजदंड ॥ ३६ ॥  
कटि-कटि जे रण में गिरे, करि कृपाण व्रत-त्वाण ।  
क्यों न हुलसिकैं बारिये तिन भुजानु पै प्राण ॥ ३७ ॥  
बड़े-बड़े बरबाहु के नहिँ केते बरिबंड ।  
दुवन-दर्प पै दलत जे, ते औँरै भुज-डंड ॥ ३८ ॥

### वीर-नेत्र

होति लाख में एक कहूँ अनल-बर्न वह आँख ।  
देखतहीं दहि करति जो दुवन दीह-दलु राख ॥ ३९ ॥  
नयन कंज, खंजन, मधुप, मद, मृग, मीन समान ।  
तोहितु और अँगारु पै द्वै अनुपम उपमान ॥ ४० ॥  
सुभट-नयन अगारु, पै अचरजु एकु लखातु ।  
ज्यौँ-ज्यौँ परतु उमाह-जलु, ल्यौँ-ल्यौँ धँधकत जातु ॥ ४१ ॥

निम्नलिखित दोहे के साँचे म—

अनियारे, दीरघ दगनु किती न तरनि समान ।  
वह चित्तबनि आरै कट्ट, जिहि बस होत सुजान ॥

—विहारी

जाव फूटि रति-रंग-रली, अलसौहीं वह आँख ।  
 सहज ओज-ज्वाला-ज्वलित चिरजीवौ जुगलाख ॥ ४२ ॥  
 सुरत-रंग कहँ दृगनि में, कहँ रण-ओज-उदोतु ।  
 याते उज्ज्वल होतु मुख, वारें कज्जल होतु ॥ ४३ ॥  
 युद्ध-रक्त-दृग-रक्त की कहा रक्त-सँग लाग ।  
 लागतु यातें दाग, वह मेटतु हियकौ दाग ॥ ४४ ॥  
 सहज सूर-नैननि लख्यौ सील-ओज-संचार ।  
 एकैरस निबसत तहाँ पानिप और अँगार ॥ ४५ ॥  
 जदपि रुद्धबल-तेज कौ कियौ न प्रगटि प्रकासु ।  
 दिपतु तऊ अँखियानि ह्वै अंतर-ओज-उजासु ॥ ४६ ॥

### सङ्ग

परचौ समुझि नहिँ आजु लौ या अचरज कौ हेतु ।  
 फरचौ असित असि-लता तें सुजस-चारु-फलु सेतु ॥ ४७ ॥  
 जदपि इतो पानिप चढ्यौ, अचरजु तदपि महान ।  
 नितप्रति प्यासीही रही, लही न तृप्ति कृपान ॥ ४८ ॥  
 बसति आपु लघु म्यान में वह कृपान लघुगात ।  
 लिभुवनमें न समातु पै सुजसु तासु अवदात ॥ ४९ ॥

प्रलय-कारिनी तुव, छताँ । लपलपाति तरवार ।  
 खात-खात खल-सीस जो लई न अजहुँ डकार ॥ ५० ॥  
 बसै जहाँ करबाल । तूँ, रमै तहाँ किमि बाल ?  
 एकसग निबसति कहुँ ज्वाल मालती-माल ॥ ५१ ॥  
 धारि सील, असि-बालिके । अब तूँ भई सयानि ।  
 अरी हठीली । कित तजी वह इठलाहट-बानि ? ॥ ५२ ॥  
 तडित और तरवार में समता किमि ठहराय ।  
 ज्योंहीं यह चमकति दमकि, त्योंहीं वह दुरि जाय ॥ ५३ ॥  
 लहरति, चमकति चाव सां तुव तरवार अनूप ।  
 धाय डसति, चौधति चखनु, नागिनि दामिनिरूप ॥ ५४ ॥  
 वह नाँगी तरवारहू बनी लजीली नारि ।  
 नहिँ खोल्यौ मुख म्यान तें, है मनु परदावारि ॥ ५५ ॥  
 करति मरम-तर वार जो, सोइ प्रखर तरवार ।  
 जानति कबहुँ कृपा न करि, कहिय कृपान करार ॥ ५६ ॥  
 सुभट लाल । असि-दूतिका ठाढी सहज-सयानि ।  
 मानिनि बसुधा-बाल कौ यही गहावति पानि ॥ ५७ ॥  
 रमति अत नहिँ कत तजि, कुल कामिनि तरवारि ।  
 कहुँ दुहागिन होति है सती सुहागिन नारि ॥ ५८ ॥

रण-नायक-भामिनि तुहीं, कुल-कामिनि करबाल ।  
 अंतहुँ प्रीतम-कंठ तूँ भई लपटि रति-माल ॥ ५९ ॥  
 सोभित नील असीन पै रुधिर-बिन्दु-कृत जाल ।  
 लसे तमाल-लतान पै मनहुँ बधूटी-माल ॥ ६० ॥

### धनुष-बाण

देखतहीं वह कुटिल धनु कुटिल सरल हूँ जात ।  
 लौँ अरि अथिर थिरात, ज्यों बिषम बान लहरात ॥ ६१ ॥  
 बिसिख-भुजंगतुव फुङ्करत, उड़ि नभ-लगि मँडरात ।  
 अरि-अपजसु, तेरो सुजसु संग लपेटि लै जात ॥ ६२ ॥  
 छूटतहीं परचंड सर, मारतंड-लौँ धाय ।  
 भौननि प्रतिपच्छीनु के तिमिर देत चहुँ छाया ॥ ६३ ॥  
 इत सर सारंग पै चढतु, चढ़ि रागतु रण-रागु ।  
 उत अरि-अंगना-अङ्ग तें उतरतु सहज सुहागु ॥ ६४ ॥  
 खँचतु धनु-गुण कर्ण लगि, कर्ण पार्थ-हिय-साल ।  
 स्वर्ण-ज्वाल चित्ततु, किधौँ गुहतु दामिनी-माल ॥ ६५ ॥

### शिशु-वीरोक्तियाँ

वह शकुन्तला-लाडिलो कवतें माँगतु रोय ।  
 “खड्ग-खिलौना खेलिबे अबहिँ लाय दै मोय” ॥ ६६ ॥

७ गो-घातक वा बाघ की, जननि । खँचिहँ पँछ ।  
 तीखन डाढ़ें तोरिहँ, अरु उखारिहँ मँछ ॥ ६७ ॥  
 दै तौ, मैया । नेक तूँ मेलो<sup>१</sup> तील<sup>२</sup>-कमान ।  
 चदै भूमि गिलाउँगो<sup>३</sup>, मालि<sup>४</sup> अचूक निछान<sup>५</sup> ॥ ६८ ॥  
 ऊँ ऊँ, मैं तौ लैउँगो ओई तील-कमान ।  
 मालूँगो<sup>६</sup> म्लगलाज<sup>७</sup> मैं, घालि अचूक निछान ॥ ६९ ॥  
 मति दै चकली<sup>८</sup> तूँ हमैं, मति दै गँद, अजान ।  
 अम<sup>९</sup> तौ ओई लैयँगे लखन-लाम<sup>१०</sup>-धनु-बान ॥ ७० ॥  
 गहि पडुका बलराम कौ रह्यौ मचलि नँदलाल ।  
 “दाऊ । मोय मँगाय दै छोटी-झी<sup>११</sup> तलबाल<sup>१२</sup>” ॥ ७१ ॥  
 भावतु मैया । मोय नहिँ फीको चदन भाल ।  
 दै लगाय तूँ बस वही नीको टीको लाल ॥ ७२ ॥  
 मीय-हरनु लखि स्वप्न में उठ्यौ कान्ह अतुराय ।  
 धनु मेरो, दाऊ । कितै, दै तौ नेक उठाय ॥ ७३ ॥

### प्रेम और वीरत्व

प्रेम-मरमु जानै<sup>१</sup> कहा त्रिषयी कायर कूर ।  
 इक साँचो रणसूरही पहिँचानतु रसमूर ॥ ७४ ॥

१ मेरो । २ तीर । ३ गिलाउँगो । ४ मारि । ५ निसान । ६ मारुँगो । ७ मृगराज ।

८ चकरी । ९ हम । १० राम । ११ छोटी-झी । १२ तलवार ।



हित-जौहर जानै कहा यह मनोज-मद-चूर ?  
 परखि पारखीही सकै प्रेम-रत्न रण-सूर ॥ ७५ ॥  
 और बनाये<sup>५</sup> बनत, पै द्वै न बनत केहुँ बार ।  
 मरजीवा मरमी रसिक, अरु सिरु-सौंपनहार ॥ ७६ ॥  
 सब तौ साँचे में ढरे, ढरे न ए द्वै ढार ।  
 प्रेम-मेंड-रखवार, औ सीसु चढ़ावनहार ॥ ७७ ॥  
 रे बिषयी । प्रेमी बनत, नैक न लागति लाज ।  
 केते कठिन-कपोत-व्रत पालनहारे आज<sup>\*</sup> ? ॥ ७८ ॥  
 निर्विकार, निर्लेप, नित, निखिल-ब्रह्म-सुख-सार ।  
 सोइ प्रेमु बिषयीनु कों भयौ आजु खेलवार<sup>†</sup> ॥ ७९ ॥  
 जनि गनियौ खेलवारु यौँ, कठिन प्रेम-असि-धार ।  
 चातक-भीन-कपोत-व्रत कहँ अब पालनहार ॥ ८० ॥  
 मथि-मथि अच्छर-निधि मरे, कढ्यो न कछुवै सार ।  
 इक प्रेमी, इक सूरमा भये उतरि भव-पार ॥ ८१ ॥  
 सेना-पति सत-सहस्रूँ सकै<sup>५</sup> जाहि नहिँ जीति ।  
 ताहि स्वबस करि लेति है सहज प्रीति की रीति ॥ ८२ ॥

<sup>\*</sup>है इत छाल कपोत-व्रत, कठिन प्रेम की चाल ।  
 मुख तें आह न भाखही, निज सुख करहि हलवल ॥

—हरिश्चन्द्र ।

<sup>†</sup>गिरि तें लेंचै रसिक-मन बूढ़े जहाँ हजार ।  
 वहाँ सदा पसु नरनु को प्रेम पयोधि पगार ॥

—बिहारी ।

और अस्व केहि काम के, प्रेम-अस्व जो साथ ।  
 प्रेम-रथी के हाथ है महारथिनु के माथ ॥ ८३ ॥  
 कृष्ण-प्रेम-रस-भरित, कै पूरित समर-उद्याह ।  
 सुर-सरिताहूते\* परम पावन अश्रु-प्रवाह ॥ ८४ ॥

### मातृ-शिक्षा

क्यों न चढ़ावत सिर-चढ्यौ ललन । बान धनु तानि ।  
 किन खेलत खिन खड्ग सों, जासु खिलौहीं बानि ॥ ८५ ॥  
 खड-खड है जाव, पै धर्म न तजियौ एक ।  
 सपथ, लाल । या खड्ग की, रहियौ गहि कुल-टेक ॥ ८६ ॥  
 कछौ माय, मुख चूमिकै\*, कर गहाय करबाल ।  
 “जनि लजाइयौ दूध मो पयोधरनु कौ लाल ।” ॥ ८७ ॥  
 चूर-चूर है अतलों रखियौ कुल की लाज ।  
 जननि-दूध-पितु-खड्ग की अहै परिच्छा आज ॥ ८८ ॥  
 पाठु पढ़ावति मातु नित, लै उछग निज लाल ।  
 “ललन । धीर-व्रत धारियौ, धरि पछारियौ काल” ॥ ८९ ॥  
 लोटि-लोटि जापै भये धूरि-धूसरित, आज ।  
 वत्स । तुम्हारे हाथ है ता धरनी की लाज ॥ ९० ॥

लिखत मिटावत, लाल । क्यों चक्रव्यूह कौ चित ?  
कबहुँ अघावैही नहीं, सुनि अभिमन्यु-चरित । ॥ ६१ ॥

### शूर-साधन

होत सूर सरनाम करि चूर-चूर निज अङ्ग ।  
पिसत-पिसत ज्यों सिला पै लावति मेंहदी रंग\* ॥ ६२ ॥

### रण-यात्रा और ज्योतिष

अब पला देखत कहा, सोधत सुदिनु, गँवार ।  
परे कूदि रण-कुंड वै, रहे तोरि गढ़-द्वार ॥ ६३ ॥  
मिलतु न पला में सुदिनु, भिरत न कादर मंद ।  
नहिँ सोधत रण-बाँकुरे नखत, बार, तिथि, चंद ॥ ६४ ॥  
चलत कबहुँ दिन सोधि तुम, कबहुँ छींक बचाय ।  
किन इन थोथे टोटकनु दर्ई अनी बिचलाय ? ॥ ६५ ॥  
सुदिनु ज्योतिषी तें कहा सोधवावत रण-हेत ?  
चढि आये वै दुर्ग पै, तुम इत परे अचेत ॥ ६६ ॥

\* ता हमचो हिना सूदह न गरदी तहे संग ।

हरगिज बकफे पाये निगारे न रसी ॥

अर्थात्, जयतरु मेंहदी की तरह पथर के नीचे पिस न जाओ, हरगिज बार के पाँय के तल्लु तक नहीं पहुँच सकते ।

अप्रिय और प्रिय

गावत गायक वीन लै चिरही राग बिहाग ।  
 नाहिँ अलापत, आजु क्यों मङ्गल मारु राग ॥ ६७ ॥  
 फूँकत पीँ-पीँ बाँसुरी, रह्यौ न यामें म्वाद ।  
 है तिलोक में भरि गयौ सगर-सख-सुनाद ॥ ६८ ॥  
 लावत रँगि रँगरेज । क्यों पगियाँ रंग-विरग ?  
 अब तौ, बस, भावतु वहै सुदर रग सुरग ॥ ६९ ॥

चिषाङ्कण

जियत बाध की पीठि पै धनु-धारीनु चढ़ाय ।  
 क्यों न, चितेरे । चित तूँ उमँगि उतारत आय ? ॥ १०० ॥





## तीसरा शतक

### शक्ति-स्तुति

शक्ति-शक्ति। शिव-शक्ति जय, जगत-ज्योति, जगदम्ब ।  
आरत-भारत-आर्ति काँ क्यों न हरति अबिलम्ब ? ॥ १ ॥  
लिभुवनेश्वरी । लयनयनि । जय, लिशूलिनी अम्ब ।  
जन-लिताप-उपशमन में क्यों अब करति बिलम्ब ? ॥ २ ॥  
कर्षतु रवि-रथ-चक्र जो, नित नभ ताण्डव माहँ ।  
रहौ, अम्ब । जन-सीस पै वही बाहँ की छाहँ ॥ ३ ॥  
महिप-शूलिनी । शूलिनी । मौलि-मालिनी । लाहि ।  
जय जगदम्ब, कपालिनी । प्रणत-पालिनी, पाहि ॥ ४ ॥  
प्रलय-हासु जब कालिका करति सुभाय खट्खट ।  
प्रखर-दत्त-दुति-दम्क तें परतु सूर्यशत मन्द ॥ ५ ॥  
या भारत-आरति हरौ सोइ शक्ति द्रुत धाय ।  
जासु प्रलय-पगु परतहीं शवहू शिव है जाय ॥ ६ ॥  
कब कौ ठाढ्यौ पौरि पै, सुनति नाहिँ कछु, अम्ब ।  
कहौ, कहाँ तुव अक तजि सिसुहिँ आन अवलम्ब ? ॥ ७ ॥

निबलनु कों साँसत सबल तुव देखत बसुयाम ।  
 कहा जानि, धारथौ जननि । 'महिष-मर्दिनी' नाम ? ॥ ८ ॥  
 कलपि-कलपि भूखन मरति तुव संतति अभिराम ।  
 कहा जानि, धारथौ जननि । 'अन्नपूरणा' नाम ? ॥ ९ ॥  
 अट्टहासु करि, धारि उर मौलि-माल अविलम्ब ।  
 आदिनटी शिव साँग नटी प्रलय-नाट्य जग-अम्ब ॥ १० ॥

#### राघव-प्रतिज्ञा

जेहि सर मधु-कैटभ हने, किये तिसिर खर खीस ।  
 खल । ताही तें काटिहौ भुजाबीस दससीस ॥ ११ ॥

#### सौमित्रि-प्रतिज्ञा

जौ न घालि घननाद कों यमपुर आजु पठाउँ ।  
 हौ रामानुज मुख कबौं जियत न औध दिखाउँ\* ॥ १२ ॥  
 कह्यौ कोपि सौमित्रि यौ ध्याय राम-युग-पाद ।  
 "कै अब मेरो बानहीं, कै तैहीं, घननाद । ॥ १३ ॥

\*जाँ तेहि आजु बधे विनु आवउँ । तौ रघुपति-सेवक न कहावउँ ॥

जो सत मर करहि सहाई । तदपि हतउँ रघुबीर दुहाई ॥

## मारुति-प्रतिज्ञा

उठि ठाढो हूँ है जवै सधनु सुमिता-नन्द ।  
 तबहिँ पसीना पोंछिहौँ पथ-श्रम कौ, रघुचन्द ॥ १४ ॥  
 जौलगि मूरि न लाउँ मै मारुति तौलगि, तात\* ॥  
 करि सुधि मो सिसु-केलि की मुख न खोलियौ प्रात ॥ १५ ॥

## भीष्म-प्रतिज्ञा

रहिहौ अरु गहाय हरि । रखि निज प्रण की लाज ।  
 कै अब भीषमहीं यहाँ, कै तुमहीं, यदुराज ॥ १६ ॥  
 सरनि ढाँपि रवि-मडलहिँ, शोणित-सरित अन्हाय ।  
 तेरीही सौँ तोहि हरि । रहिहौ अरु गहाय ॥ १७ ॥  
 तेरीही सौ, युद्ध-मधि, तेरेही बल आज ।  
 हौ शान्तनु-सुत मेदिहौँ प्रण तेरो, यदुराज† ॥ १८ ॥  
 इत पारथ-रथ-सारथी, उत भीषम रण-धीर ।  
 तिलहुँ नहिँ टारे टरै, दुहुँ बज्र-प्रण-वीर ॥ १९ ॥

\* सुर्य है तात्पर्य है ।

† आजु जौ हरिहि न शरु गहाऊँ ।

तौ लाजौ गंगा जननी कौ, शान्तनु-सुत न कहाऊँ ॥  
 स्यवन खडि महारथ खडौ, कपिधुज सहित दुहाऊँ ।  
 इती न करा सपथ मोहिँ हरि की, छलिय-गतिहिँ न पाऊँ ॥  
 पादप-दल सनमुख हूँ धाऊँ, शोणित-सरित बहाऊँ ।  
 'सुरदास' रणभूमि निजय विन जियत न पीठि दिपाऊँ ॥



मुख श्रम-सीकर, अरुण दृग, रण-रज-रंजित केश ।  
 फहरतु पटु, गहि चक्र हरि धाये सुभट-सुवेश ॥ २० ॥  
 रज-रंजित कच, रुधिर-मिलि भलकत श्रमकरा अंग ।  
 फहरतु पटु, गहि चक्र हरि धाये करि प्रण-भंग ॥ २१ ॥  
 भक्त-बल्लल पारथ-सखा, धन्य धन्य, यदुराज ।  
 राखी निज प्रण मेंटि जन शान्तनु-सुत की लाज ॥ २२ ॥  
 प्रण कीनों बहु वीर जग, टेकहुँ गही अनेक ।  
 पै भीषम-व्रत आजुलौ है भीषम-व्रत एक ॥ २३ ॥  
 समसरि कासों काजियै, मिल्यौ नाहिँ उपमान ।  
 भीषम-सो भीषम भयौ इक भीषम व्रतवान ॥ २४ ॥

### अर्जुन-प्रतिज्ञा

भानु-अस्तलौ आजु जौ बच्यौ जयद्रथ-जीव ।  
 चित्ता लाय तनु जारिहौ, तोरि-तारि गांडीव ॥ २५ ॥  
 लै न सक्यौ, हरि । आजु जौ अधम जयद्रथ-जीव ।  
 तौ पारथ हौ क्लीव अब नहिँ लैहौ गांडीव ॥ २६ ॥

\* वा पृथ्वी की फहरान ।

फर धरि चक्र चरन की धावनि, नहिँ विसरति यह धान ॥  
 रथ तें उतरि अवनि आतुर है, कचरज की लपटान ।  
 माना सिंह सैल ते निफस्यौ, महामत्त गज जान ॥  
 जिन गुणल मेरो प्रन राख्यौ, मेदि वेद की कान ।

## कन्ह-प्रतिज्ञा

‘तो रक्खों दिहिय तखत, भुजन ठिल्ल कनवज्ज ।’\*

वज्ज-पैज असि कन्ह-लौ करनहार को अज्ज ? ॥ २७ ॥

## बादल-प्रतिज्ञा

जौ न स्वामि निज उद्धरौं, बहल नाम लजाउँ ।

पिऊँ न जल मेवाड कौ, जियत न मूँछ रखाउँ ॥ २८ ॥

इन बाहुन तें बैरि-दल जौ न ठेलि लै जाउँ ।

जीवित मुख न दिखाउँ मैं, बहल नाम लजाउँ ॥ २९ ॥

\* इन भुजन ठेलि जयचौद-दल, हुव रक्खो दिहिय तखत ॥

( पृथिवीराज रासो )

† बादशाह अलाउद्दीन के कारागार से अपने पति महाराज भीमजी ( भीमसिंह ) को मुक्त कराने के लिये जय महारानी पद्मिनी अपने चचेरे भाई बादल की सहायता लेने को उनके पास गई, तब उसने जो वीर-प्रतिज्ञा की उसका वर्णन महाकवि मलिक मुहम्मद जायसी ने क्या कवफता हुआ किया है—

उए अगस्त एस्ति जय गाजा । नीर घटे घर आइहि राजा ॥

ररपा गये, अगस्त जौ वीठिहि । परिहि पलानि दुरगम पीठिहि ॥

येधौ राहु, छोडावहु सूरु । रह न दुस्य कर मूल अंशूरु ॥

अपनी माता से, युद्ध-यात्रा करने समय, बादल कहता है—

मातु ! न जानमि बालक आदी । हौ बादला सिध रनगदी ॥

सुनि गज-जूर अधिकजित तथा । सिध क जाति रह निमि छपा ॥

तीरमि गाज, न गाज सिधेला । सौंह माए सौं जुरी अकेला ॥

को मोहि सौंह होइ मैमता । पारं सुँद, उगारौं दंता ॥

जुरां स्वामि मेकरे जय दारा । पेलं जय, दुरजोघा भारा ॥

भंगद कोपि पौंय जय रागा । टेकौ कए छतीयो रागा ॥

हुणैत सरिम जय घर जेरौं । न्हौं मसुद, स्वामि बँदि छोरौं ॥

[ पद्मावता ]

### प्रताप-प्रतिज्ञा

मूँछ न तौलौं एंठिहौं, हौं प्रताप भुज-हीन ।  
 करि पायौ जौलौं न मैं गढ़ चितौर स्वाधीन ॥ ३० ॥  
 महल नाहिँ पगु धारिहौं, रहिहौं कुटी छ्वाय ।  
 हौं प्रताप जौलौ न ध्वज दर्ई फेरि, फहराय ॥ ३१ ॥

### वीर-प्रतिज्ञा

हौँहूँ सिंह-कुमार, जो वह खलु गज-मदमंत ।  
 कुंभहिँ नखनु बिदारिहौ, अरु उखारिहौं दंत ॥ ३२ ॥  
 हौँहूँ आजु अगस्त्य, जो वह अभिमान-समुद्र ।  
 ताहि अचैहौं अंजुरिनु, सहज सोखिहौं छुद्र ॥ ३३ ॥  
 हौँहूँ मघवा-बज्र, जो वह खलु भूधर-शृङ्ग ।  
 दैहौं खेह मिलाय मैं, चूर-चूर करि अंग ॥ ३४ ॥

### वीर-विदा

मिलियौ तहँ परखति, प्रिये । मिलिहौँ सरबसु बारि ।  
 बिसिख-हारु हौँ पौन्ह, तुम ज्वाल-माल उर धारि ॥ ३५ ॥  
 रहियौ यौँहीँ भेंटिबे, प्रिये । बढ़ायेँ बाहिँ ।  
 भेदि भानु-मंडलहिँ मैँ मिलिहौँ सुर-पुर माहिँ ॥ ३६ ॥  
 हौँ तौ, पिय । प्रथमहिँ चली, भली भाँति रति लालि ।  
 आय भेंटियौ मोहि उत, बेगि वीर-व्रत पालि ॥ ३७ ॥

मजनी । पिउकों भेंटिलै भरि मुज अतिम बार ।  
 हित-वगिया तें पुहुप लै करि साजन-सिगार ॥ ३८ ॥

### पुढ-दर्शन

सुन्यौ प्रलय-धन-घोर-लौँ जब सैनिक रण-सख ।  
 किलकि-किलकि कूदे समर, भरि उडान बिनु पख ॥ ३९ ॥  
 धौल धौरहर ढाय महि, करि शिव बिधि कौ ख्याल ।  
 धूम-धौरहर नौल नभ सृजति तोप विकराल ॥ ४० ॥  
 चली चमाचम चोप सों चकचौधिनि तरवार ।  
 पटी लोथ पै लोथ, त्यौँ बही रक्त-नद-धार ॥ ४१ ॥  
 नहिँ यह भरना गेरु कौ, नाहिँ शृङ्ग यह श्याम ।  
 असि-विदीर्ण-करि-कुभ तें स्रवतु शोण अविराम ॥ ४२ ॥  
 कूदतु अरि-करि-कुभलगि, छुवतु व्यूह कौ छोर ।  
 बरजोरी बरजेहुँ पै करतु तुरंगु मुहँजोर ॥ ४३ ॥  
 तुरंग, तोप, तरवार तहँ निज-निज पूरत काजु ।  
 धूरि-धूम-लोहित-भयी सृजत सृष्टि नव आजु ॥ ४४ ॥

### भारत-पताका

जाहि देखि फहरत गगन गये काँपि जग-राज ।  
 सो भारत की जय-ध्वजा परी धरातल आज ॥ ४५ ॥

रवि-रथांग सों भगारि जो खेलति ही फहराय ।  
वह भारत की जय-ध्वजा लुठित भूमितल हाय ॥ ४६ ॥

### प्रकृत वीर

प्रकृतवीर कौ अंतहूँ परतु मंद नहि<sup>१</sup> तेज ।  
नहि<sup>१</sup> चाहतु चंदन-चिता भीष्म छाँडि सर-सेज ॥ ४७ ॥  
औसर आवत प्राण पै खेलि जाय गहि टेक ।  
लाखनु बीच सराहियै प्रकृतवीर सो एक ॥ ४८ ॥  
सुमृदु सिरीष-प्रसून तें, कठिन बज्र तें होय ।  
प्रकृत-वीर-बर-हीय कौ चित न खींच्यौ कोय ॥ ४९ ॥

### स्वदेश-परिचय

रमा, भारती, कालिका करति कलोल असेस ।  
बिलसति, बोधति, संहरति जहूँ, सोई मम देस ॥ ५० ॥

### राजस्थान

मिली हमै<sup>१</sup> थर्मोपिली ठौर-ठौर चहुँपास ।  
लेखिय राजस्थान मे<sup>१</sup> लाखनु ल्यूनीडास ॥ ५१ ॥

<sup>१</sup> "राजस्थान में कोई ऐसा भी राज्य ऐसा नहीं है, कि जिसमें थर्मोपिली-जैसी रण-भूमि न हो, और कदाचित् ही कोई ऐसा नगर मिले, जहाँ लियोनिडास-जैसा वीरपुरुष पैदा हुआ हो ।"

—जेम्स टॉड ।

मन् ४८० ई० से पूर्व फारम के बादशाह जर्कसीज ने बड़ी भारी सेना लेकर यूनान पर चढ़ाई

## चित्तौर

मनु मेरो चित्तौर पै लखि तेरो जस-थम ।

भ्रमतु, हँसतु, रोवतु अहो । सुभट-मौलि नृप कुम्भ<sup>\*</sup> । ॥ ५२ ॥

तपत बात उर लाय, फिरि सेवहु धीर ममीर ।

प्रथम जाहु चित्तौर-गढ़, पुनि विरमहु कसमीर ॥ ५३ ॥

जनि सुपूत बापा<sup>†</sup> सुभट, साँगा<sup>‡</sup>, कुम्भ<sup>§</sup> प्रताप ।

बीर-जननि चित्तौर । तूँ ढल्यौ दुवन-ढल-ढाप ॥ ५४ ॥

की । उस समय उस देश में अनेक छोटे-छोटे राज्य थे, जिन्होंने मिल कर अपने में से स्पार्टा के वीर राजा लियोनिडास को धर्मपिछी की घाटी में ८००० सैनिकों के साथ ईरानियों का सामना करने को भेजा । ईरानियोंने कई बार उस घाटी को जीत लेने की चेष्टा की, पर हर बार उन्हें हार कर पीछे लौटना पड़ा । अंत में, एक विश्रामघाटी की मदद से शत्रु पीछे से पहाड़ पर चढ़ आये । अपनी फौज में से बहुत से लोगों का ईरानियों की तरफ मिल जाने का शक होने से लियोनिडास ने सिर्फ १००० सैनिकों को पाम रख मेना को निकाल बाहर कर दिया और आप अपूर्व वीरता से लड़ कर यही मारा गया । उसकी मेना में से, कहते हैं, सिर्फ एक ही मनुष्य जीवित बचा था ।

<sup>†</sup> महाराणा कुम्भाने वि० स० १४९७ में मालवे के सुल्तान महमूदशाह खिलजी को प्रथम बार परास्त कर उसकी यादगार में अपने इष्टदेव विष्णु के निमित्त यह कीर्ति स्तम्भ बनवाया था । इसकी प्रतिष्ठा वि० स० १५०५ माघ वदि १० को हुई थी । × × × × यह भारतवर्ष में अपने दश का एक ही स्तम्भ है । वास्तव में, यह हिन्दुओं के पौराणिक देवताओं का एक अमूल्य फोडा है । प्राचीन मूर्तियों का ज्ञान संपादन करनेवालों के लिये यह एक अपूर्व साधन है ।

[ राजपूताने का इतिहास—पहला खंड, ३५५ ]

<sup>‡</sup> चित्तौर का एक महाप्रतापी राजा, जिसका राज्याभिषेक, भाटों की रयातों के अनुसार, सवत् १९१ में हुआ था । श्रीयुक्त पंडित गौरीशंकर हीराचंदजी ओझा ने लिखा है कि बापा किसी राजा का नाम नहीं, किंतु उपनाम था, और पीछे से तो वे यह भी भूल गये कि किस का उपनाम बापा था ।

<sup>§</sup> महाराणा संग्रामसिंह ।

६ महाराणा कुम्भकर्ण, जिन्हें राणा कुम्भा भी कहते हैं ।

वह जौहर\*, रण-रङ्ग वह, वह जूझन जुरि जङ्ग ।  
 अजहुँ चित चितत वहै गिरिअरावली-शृङ्ग ॥ ५५ ॥  
 दहलति ही दिल्ली दलित, सुनि चितौर । तुव धाक ।  
 क्यों न कहै फिरि तोहि हम आजु हिन्द की नाक ॥ ५६ ॥  
 लोहागढ़ त्यों सिंहगढ़, बांधव, रणथंभौर ।  
 औरहुँ गढ़, सिरमौर पै सब मे\* गढ़ चितौर ॥ ५७ ॥

#### मारवाड

सौर्य-सरित-सिंचित जहाँ जूझन-खेत हमेस ।  
 मारवाड-अस देस कों कहत मूढ़ मरुदेस ॥ ५८ ॥

#### हल्दीघाट

अहो सुभट-सोनित-सन्यौ, दृढव्रत हल्दीघाट† ।  
 अजहुँ हठी प्रताप की जोहत ठाढ़ो बाट ॥ ५९ ॥  
 साँचेहुँ, हल्दीघाट-। तुव छाती कुलिस-प्रचंड ।  
 बिछुरत वीरप्रताप के भई न जो सतखंड ॥ ६० ॥

\* एक घट, जिसमें युद्ध के समय राजपूत-वीरागनायक सतीत्व-रक्षा के निमित्त घघघ्नी दुर्ग अग्नि में अपने प्यारे गल-यच्चो महित प्रवेश करती थीं ।

† मेवाड़ की एक सुप्रसिद्ध घाटी और युद्ध-स्थली, जहाँ पर महाराणा प्रतापसिंह आठ या दसह अफगन की सेना में घोर युद्ध हुआ था ।

बाधवगढ़

याही बांधव-दुर्ग\* पै बिरुभे बाध बघेल ।  
यहीं<sup>†</sup> गर्जि रण-कालिका करी किलकि रण-कैल ॥ ६१ ॥

भरतपुर-दुर्ग

एइ भरतपुर-दुर्ग है, दुजय दीह भयकारि ।  
जहँ जट्टन के छोहरे दिये सुभट्ट पछारि ॥ ६२ ॥  
तुम ब्रज-जाटनु-दुर्ग कौ, कहु, को ढाहनहार ?  
जासु आपु रखवार भो श्रीब्रजराज-कुमार ॥ ६३ ॥

बुन्देलखंड

इतहूँ तौ रण-चडिका वैसोइ खेली खेल ।  
राजधान ते<sup>†</sup> घटि कहा हमरो खडबूँ देल ॥ ६४ ॥  
यह सुभूमि सोनित-सनी, यह पहार, यह धार ।  
हम बुँदेल-खंडीनु कां यहँई<sup>†</sup> स्वरग-बिहार ॥ ६५ ॥  
लोटि-लोटि बज्रांग में जहँ चँदेल बुन्देल ।  
जन्म-जन्म वा भूमि पै, प्रभु । खिलाइयौ खेल ॥ ६६ ॥

\* रीवाँ राज्य का सुप्रख्यात 'बाँधवगढ़' नाम का प्राचीन किला । बघेलखंड में हमकी टक्कर का कोई भी किला नहीं है । हमी की बदालन बघेलो ने अपने प्रयत्न शत्रुओं के कई बार होंत पट्टे किये ।

† यह लोकोक्ति प्रसिद्ध है—

भल फिरगी, नाँ गोरा । लड़े जाट के दो छोरा ॥



देखि ओरछा-मौन ए विमल बेतवै-तीर ।  
 सुनि हरदौल-कथा अजौ मनु है जातु अधीर ॥ ६७ ॥  
 भूपति मधुकरसाह-से†, वीरसिंह-से‡वीर ।  
 जहँ बिहरे बिचरे, यहै वही बेतवा-तीर ॥ ६८ ॥  
 ओही तुंगारण्य यह, वही बेतवागंग§ ।  
 वही ओरछा, पै कहाँ गहाँ आजु वह रंग ॥ ६९ ॥  
 भाँसी-दुर्गम-दुर्ग धनि, महिमा अमित अनूप ।  
 जहाँ चंचला॥ अवतरी प्रगट चंडिका-रूप ॥ ७० ॥

\* देखिये टिप्पणी—पहला शतक, ३६ दोहा ।

† इनके शासन-काल में मुगल-सम्राट् अकबरने बुन्देलखण्ड-विजय करने का कई बार प्रयत्न किया, पर उसके सारे उद्योग असफल ही रहे । यह महाराज शूरवीर होने के अतिरिक्त मफल शासक एवं परम भागवत भी थे । महाकवि केशवदासने इनके विषय में लिखा है—

जिनके राज रसा यमे 'केशव' कुशल किमान ।  
 सिधु-दिशा, नहिं पारही पार यजाय-निसान ॥  
 सयल शाह अकबर-अवनि जीति लहै दिसि चारि ।  
 मधुकरसाह नरेश गढ़ तिनके छीने मारि ॥  
 खान गने सुल्तान को राजा रावत वादि ।  
 हारे मधुकरसाह सो आपुन साह मुरादि ॥

‡ वीरसिंह देव महाराज मधुकरशाह के पुत्र थे । इन्होंने बादशाह अकबर के इतिहास प्रसिद्ध मली अबुल फजल को मारा था । इनकी युद्धप्रियता बुन्देलखण्ड में प्रसिद्ध है । 'वीरसिंह-देव चरित' में कविवर केशवदासने इनकी वीर विरदावली का अच्छा वर्णन किया है ।

§ महाकवि केशवदास लिखते हैं—

नदी बेतवै-तीर जहँ तीरथ तुहारन ।  
 नगर ओरछो बहु बसै धरनीनल मे धन ॥

॥ महारानी लक्ष्मीबाई ।

धनि, रण-मत्त गठेवरा\* । गौरव-गरव-निकेत ।  
 हमरे खडबुंदेल कौ साँचेहुँ तँ कुरुखेत ॥ ७१ ॥  
 है यह वही गठेवरा, जहाँ जूमि मंजवूत ।  
 रहे खेत गृह-युद्ध में सवा लाख रजपूत ॥ ७२ ॥  
 है यह वही गठेवरा, जहाँ अखड बलचड ।  
 खड-खंड गृह-युद्ध तें भयौ बुंदेला-खड ॥ ७३ ॥  
 यहिँ आल्हा-ऊदलालरे, भिरे मरद मलखान† ।  
 यही महोबा-भूमि है, उन वीरनु की खान ॥ ७४ ॥

\* बुन्देलखण्डान्तर्गत छत्तपुर राजधानी से ३ मील पूर्व एक सुप्रसिद्ध स्थल ।

नवाब गुजाउद्दौला ने अपन विश्वास-पास आर वीर वर गोसाईं अनूपगिरि, उपनाम हिम्मत बहादुर, को सन् १८३५ के लगभग एक बड़ी सेना देकर बुन्देलखण्ड पर विजय प्राप्त करने को भेजा । हिम्मत बहादुर बुन्देलखण्ड निवासी था, पर था पूरा देशद्रोही । अस्तु, उस समय महाराज गुमानसिंह गौदे में राज्य करते थे । नोने अर्जुनसिंह पँवार गुमानसिंहजी के सेनापति थे । इन्होंने हिम्मतबहादुर की फौज को ऐसा हराया कि उनके पैर उखड़ गये । नवाब के दूसरे सेनापति करामतपों को तो यमुना तरे कर किसी तरह अपने प्राण बचाने पड़े । नोने अर्जुनसिंह ने बुन्देलखण्ड की राज राय ली । पर भारत की चिरसहेली कूट बुन्देलखण्ड की स्वाधीनता न देस सकी । महाराज छत्रसाल के बहाधुरों ने आपस में लड़ना शुरू कर दिया । नोने अर्जुनसिंह पञ्जाबाले भरनेतसिंहजी का पक्ष ग्रहण कर पना के मन्त्री बेनीहुजरी ने, जिसके बहाधुर अज मैहर में राज्य करते हैं, लड़ने को उद्यत हुए । इस युद्ध में ममल बुन्देलखण्ड के बुन्देले एवं अन्य राजपूत किसी न किसी की तरफ से लड़ने को शामिल हुए । गठेवरा के मैदान में युद्ध हुआ । इस युद्ध को 'बुन्देलखण्ड का महाभारत' कहते हैं । बेनीहुजरी इस लड़ाई में मारा गया आर गेत अर्जुनसिंह के हाथ रहा । इस अभाग्य गृह युद्ध में बुन्देलखण्ड-जया अर्ध शक्तिशाली देश भी खंड खंड हो गया ।

† महोने के अधीन छत्रेल परमाल के घनाकर सामन्त । इन दोगे वीर आताओं की विरदावली के ओजस्वी गीत आज भी गाँव-गाँव में 'आल्हा' के नाम से गाये जाते हैं । आल्हाय्यग्य, वास्तव में, अपनी शैली का परमाल वीर काव्य है ।

‡ महोने का एक महान् माहनी आर वीर योद्धा । चँदेलों के इतिहास में यह भी अपना एक विशेष स्थान रखता है । महोने की लड़ाई में वीरवर मलखान काक यह के हाथ से मारा गया था ।

सह प्रताप आरावली, सहित सिवा सह्याद्रि ।  
चंद्र-चंद्रिका इव सदा, छलमाल बिंध्याद्रि ॥ ७५ ॥

### पराधीनता

पराधीनता-दुख-भरी कटति न काटें रात ।  
हा । स्वतंत्रता कौ कबै हैहै पुण्य प्रभात ॥ ७६ ॥  
अथयौ वीर्य-प्रताप-रवि भावन भारत माँझ ।  
अब तौ आई दुखमई अधिक अधेरी साँझ ॥ ७७ ॥  
निजता साँ तौ बैरु अब, है परतासों प्रीति ।  
निज तौ पर, पर निज भये, कहा दर्ई । यह रीति ॥ ७८ ॥  
पर-भाषा, पर-भाव, पर-भूषन, पर-परिधान ।  
पराधीन जन की अहै यह पूरी पहिँचान ॥ ७९ ॥  
पतित वहै, नास्तिक वहै, रोगी वहै मलीन ।  
हीन, दीन, दुर्बल वहै, जो जग अहै अधीन ॥ ८० ॥  
दभ दिखावत धर्म कौ यह अधीन मति-अंध ।  
पराधीन अरु धर्म कौ, कहौ कहा संबध ? ॥ ८१ ॥  
जैहै डूबि घरीक में भारत-सुकृत-समाज ।  
सुदृढ़ सौर्य-बल-वीर्य कौ रखौ न आज जहाज ॥ ८२ ॥  
कत भूल्यौ निज देस, मति भई और तें और ।  
सहज लेत पहिँचानि जत्र पसु-पंछिहुँ निज ठौर ॥ ८३ ॥

जरि अपमान-अंगार तें अजहुँ जियत ज्यौ छार ।  
 क्यों न गर्भ तें गरि गिर्यौ, निलज नीच भू-भार ॥ ८४ ॥  
 लियौ धारि पर-भेष अरु पर-भाषा, पर-भाव ।  
 तुम्हें परायो देखि यौ, क्या न होय हिय घाव ? ॥ ८५ ॥  
 दई छाँडि निज सभ्यता, निज समाज, निज राज ।  
 निज भाषाहूँ त्यागि तुम भये पराये आज ॥ ८६ ॥  
 परता में तुम परि गये, नहिँ निजता कौ लेस ।  
 निज न पराये होयँ क्यों, बसौ जाय परदेस ॥ ८७ ॥  
 हूँ पर अब अपनेनु तें करत कहा तुम आस ।  
 रँगो सियारनु पै कहौ करतु कौन विश्वास ? ॥ ८८ ॥  
 मरनु भलो निज धर्म में, भय-दायक परधर्म ।  
 पराधीन जानेँ कहा, यह निज-पर कौ मर्म ॥ ८९ ॥  
 चाटत नित प्रभु-पद रहौ, दिन काटत बिन लाज ।  
 जूँठ टूकही अब तुम्है, हे तिलोक कौ राज ॥ ९० ॥  
 मनु लागत न स्वदेस में, यातें रमत विदेस ।  
 परपितु सों पितु कहत ए, तजि निज कुल निज देस ॥ ९१ ॥  
 आस देस-हित की हमैं नहिँ तुम तें अब लेस ।  
 जैसे कता घर रहे, तैसे रहे विदेस ॥ ९२ ॥

हम अधीन हिन्दून कों, कहौ, कौन अब काज ?  
पाप-पंक धोवै न क्यों, मिलि रोवै सब आज ॥ ६३ ॥

### स्वाधीनता

निज भाषा, निज भाव, निज असन-बसन, निज चाल ।  
तजि परता, निजता गहूँ, यह लिखियौ, बिधि । भाल ॥ ६४ ॥  
तुच्छ स्वर्गहूँ गिनतु जो इक स्वतंत्रता-काज ।  
बस, बाही के हाथ है आज हिन्द की लाज ॥ ६५ ॥  
भीख-सरिस स्वाधीनता कन-कन जाचत सोधि ।  
अरे, मसक की पाँसुरिनु पाट्यौ कौन पयोधि ? ॥ ६६ ॥  
वही धर्म, वहि कर्म, बल, वहि विद्या, वहि मन्त्र ।  
जासों निज गौरव-सहित होय स्वदेस स्वतंत्र ॥ ६७ ॥

### पराधीन और स्वाधीन

पराधीनु केहि कामकौ, जो सुर-पति-सम होय ।  
सतत सुखी स्वाधीनजनु, धनि, जगतीतल कोय ॥ ६८ ॥  
जौ अधीन, तौ छाँड़ियै स्वर्गहुँ बिभव-बिलास ।  
जौपै हम स्वाधीन, तौ भलो नरक कौ-बास' ॥ ६९ ॥  
पराधीन जौ जनु, नहीं स्वर्ग नरक ता हेतु ।  
पराधीन जौ जनु नहीं, स्वर्ग नरक ता हेतु ॥ १०० ॥

\* जो न जुगुप्ति पिय-मिलन की, धरि मुकुति-मुहँ दीन ।

जौ लहियै मँग मजन, तौ धरक नरकहूँ कीन ॥

## चौथा शतक

मारुति-वन्दना

कनक-कोट-कगूर जो किये धौरहर धूम ।  
सो भारत-आरति हरौ मारुति-लामी-लूम ॥ १ ॥  
लामी लूम घुमायकै<sup>०</sup> कनक-कोट-चहुँओर ।  
करतु केलि किलकारि दै कपि केसरी-किसोर ॥ २ ॥

लका-युद्ध

भिरे अनल-मुख कपिनु सो<sup>०</sup> तम-मुख राकस-पुञ्ज ।  
भयौ युद्ध-थलु लक कौ विनुअत्तु किसुक-कुञ्ज ॥ ३ ॥  
आवतु कज्जल-कूट-लौ<sup>०</sup> प्रलय-रूप, सतमंघ ।  
कुम्भकर्ण दसकध कौ विकट बंध रण-अघ ॥ ४ ॥  
भूलेहुँ याहि न जानियौ वृत्त-सल्लु-पवि-पात ।  
इन्द्रजीत । हे यह वही मारुति-मुष्टि-अघात ॥ ५ ॥

मेघनाद महितल गिर्यौ सुनि मारुति-हुकार ।  
कहूँ तून, कहूँ धनु पर्यौ, कहूँ कृपान, कहूँ ढार\* ॥ ६ ॥

### रुक्मिणि-हरण

सर बरसावतु रिपुन पै रथतें रुक्मिनि-रौन ।  
मुख-प्रसेदु पांछति प्रिया, करि अँचरा सो\* पौन ॥ ७ ॥  
गहि मेरो कर रुक्मिनी । मति काँपै धवराय ।  
दूँगो प्रतिपच्छीनु के पच्छनु काटि गिराय ॥ ८ ॥

### अभिमन्यु

जइयौ चितवत चाव सो\* प्रिया उत्तरा-ओर ।  
ना जानै\*, कब लौटिहौ, प्यारे पार्थ-किसोर । ॥ ९ ॥  
धन्य, उत्तरा-उर-धनी । धन्य, सुभद्रा-नंद ।  
धनि भारत-भट-अग्रनी । पार्थ-पयोनिधि-चंद । ॥ १० ॥  
धन्य, पार्थ-चख-चंद । तूँ, धन्य, सुभद्रा-लाल ।  
सातहुँ महारथीनु सो कियौ युद्ध बिकराल ॥ ११ ॥  
सातहुँ\* महारथीनु सँग संगर जूझनहार ।  
व्यूह-बिदारनु धनुर्धर, बलि-बलि, पार्थ-कुमार ॥ १२ ॥

\* कहा लट्ठते टग करे, परे लाल बेहाल ।

कहुँ सुरली, कहुँ पीतपट्ट, कहुँ मुकुट, वनमाल ॥

## भीम-भीमता

✓ रहौ न केते पांडु-सुत बुधि-बल-विक्रम-सीम ।  
 द्रौपदि-बेनी-बाँधिबो जानतु पै इक भीम ॥ १३ ॥  
 धर्मवीर अंगनित रहौ, युद्धवीर बल-सीम ।  
 पै द्रौपदि-अपमान-हर, भीमकर्म इक भीम ॥ १४ ॥

---

## द्रौपदी-केश-कर्षण

कृष्णा-कच-कर्षण लखत, धिक, पारथ नतग्रीव ।  
 धिक पौरुष, धिक, बाहु-बल, धिक-धिक यह गाडीव ॥ १५ ॥  
 खँचतु खल तिय-पट, तऊ खँचत नाहिँ कृपान ।  
 धर्मराज । धिक धर्म अस, धिक धीरज, धिक ज्ञान ॥ १६ ॥  
 छाँडि, कहा कृष्णा-कचनु करपत माँडि उमाहु ।  
 करिहै केस-कृसानु यह कौरव-कानन-ग्राहु ॥ १७ ॥  
 धिक, दिल्ली दुरभागिनी । अजहुँ खरी बिनुलाज ।  
 कृष्णा-कच-कर्षण लखति, परी न तो सिर गाज ॥ १८ ॥  
 गई न धँसि पाताल तूँ, लखि द्रौपदि-पट-हीन ।  
 धिक, दिल्ली दुरभागिनी । दिन-दिन दीन अधीन ॥ १९ ॥

---



## चाणक्य

दियौ उलटि साम्राज्य तैं करि अशक्यहू शक्य ।  
नीति-वीरता<sup>१</sup> में तुहीं कुशल एक चाणक्य ॥ २० ॥  
राज-मुकुट नवनंदा<sup>२</sup> के, चन्द्रगुप्त सुख-दैन ।  
लखि लुंठित तुव पगनु पै कबै सिरैहौं नैन ॥ २१ ॥

## चंद्रगुप्त

जासु समर-हुंकार तैं काँपतु विश्व विराट ।  
सेल्युकस<sup>३</sup>-गज-सिंह सो जयतु गुप्त सम्राट ॥ २२ ॥

## काका कन्ह

अरि-आँतन की बाँधिकै सुभग सीस पै पाग ।  
चढ़ो अलापतु अश्व पै कन्ह मत्त रण-राग ॥ २३ ॥

<sup>१</sup> नव नन्दन को मूलसहित खोचौ छन भग में ।

चन्द्रगुप्त में श्री राखी, नलिनी जिमि सर में ॥

क्रोध प्रीति सो एक नासिकैं एक बसायी ।

शत्रु मित कौ प्रगटि सबनु फलु लै दिपरायी ॥

[ मुद्राराक्षस ]

[ महाराज महानन्द और उनके आठ पुत्र ।

<sup>२</sup> सिकंदर महान का यह एक सेनापति था । इसने भारत के पूर्वीय प्रदेशों पर अधिकार कर लिया । और ३०५ ई० पूर्व में सिन्धु नदी को पार किया । परन्तु चंद्रगुप्तने उसे खदेड़ दिया । दोनों में संधि हो गई । सेल्युकस ५०० हाथी लेकर सतुष्ट हो गया और उसने अपनी कन्या चंद्रगुप्त को दिया । और अपना दूत मेगास्थनीज भी चंद्रगुप्त के दरबार में भेजा, जिसने तत्कालीन भारत का अपनी आँखों देखा एक सुन्दर वृत्तान्त लिया ।

हैं कहँ काका कन्ह-से आजु सर-सामन्त ॥ २४ ॥

हनि ऐसो कैमास\* अब तुव जीवनु कै मास ? ॥ २५ ॥

संभरीस । साम्राज्य की करत तऊ तैं आस ॥ २६ ॥

गया। मीदि विभाग के दु ख को पृथ्वीराज जमरण नहीं भूल।

| पृथ्वीराज के पुत्र रेशुसिंह और चामुण्डराय म बड़ी मितता थी। चंद्रचुण्डीर दयादि सामंत मामा-भाजे की इस मेखी पर जलते थे। वे चाहत थे कि किसी तरह चामुण्डराय को नीचा दिखाना चाहिये। सयोगवश एक दिन महाराज पृथ्वीराज का हाथी छूट गया। एक लखी में चामुण्डराय और उसका सामना हो गया। हाथी चामुण्डराय पर झपटा। हटने को क्यों स्थान न था। इसलिए धीरे सामतने तलवार का उभ पर मेसा वार किया कि उसकी सूँढ़ बट गट भार पड़ गई। गिर कर मर गया। पृथ्वीराज को वह हाथी प्राणप्रिय था। उधर चामुण्डराय के विरुद्ध गिरायमें भी गिर कर मर गया। पृथ्वीराज को वह हाथी प्राणप्रिय था। उधर चामुण्डराय के विरुद्ध गिरायमें भी पहुँच चुकी थीं। महाराज यह सुन कर आग पड़ना हो गये, आर चामुण्डराय को गिरफ्तार करने के लिये गुराम आर आजानुवाटु की भेजा। परन्तु स्वामिभक्त चामुण्डरायन स्वय ही अपने हाथों भर। पैरों में बंधी डाल ली। चामुण्डराय की गिरफ्तारी से ही पृथ्वीराज के अपमान का भागना हुआ। राहाबुदीन गोरी के कगल आक्रमण में साध्याय की रक्षा करने के लिये पृथ्वीराज के बन्नेद महाराज

उद्धत भट-आहुतिन सों प्ररि युद्ध-मख-कुण्ड ।  
चल्यौ समर तें स्वर्ग कों अमर राय चामुण्ड ॥ २७ ॥

### लगरि राय

है तेरी ही मूँछ, औ तेरी ही तरवार ।  
तुहीं पैज-रखवार है, संयमराय-कुमार ! ॥ २८ ॥  
किन तुव मरन सराहियै, संयमराय-कुमार ।  
जाहि सतु जयचंदहू दियौ अश्रु-उपहार ॥ २९ ॥  
अहैं सूर-सामन्त, तुव औरहु, संभरिराय ।  
पै दूजो नहिँ कन्ह, नहिँ दूजो लंगरिराय ॥ ३० ॥

### कहरकंठीर और चंद्रपुंडीर

दुहूँ मत्त, जयचंद । वै, दुहूँ वीर रण-धीर ।  
यहाँ कहरकंठीर†, तौ वहाँ चंद्रपुंडीर‡ ॥ ३१ ॥

समरसिंहने विलासमग्न चौहान-राज को जब बहुत-कुछ फटकारा और लजित किया, तब कहीं उनके कहने पर वीर-शिरोमणि चामुण्डराय की वेढियाँ काटी गयीं । एकमात्र वीर सामंत चामुण्डराय जिस वीरता और साहस से मुहम्मद गोरी से लड़ा, वह वर्णनातीत है ।

\* देखो टिप्पणी—पहला शतक, २५ दोहा ।

† कन्नौज के महाराज जयचंदने इसी वीर योद्धा को अपनी कन्या सयोगिता का वांग्-दान दिया था ।

‡ महाराज पृथ्वीराज चौहान का एक मुख्य सामंत ।

## संयोगिता

पितु-पति-कुल-कूलनु अरे । देहे बाढ़ि ढहाय ।  
 कलह धार संयोगिता-सरिता, सभगिराय । ॥ ३२ ॥  
 पृथीराज । करिहै कहा उर संयोगिते धारि ।  
 अधरामिय-प्यासी न, वह सोनित-प्यासी नारि ॥ ३३ ॥  
 इत गोरी गर लाय तूँ सोवत, सभरिराय ।  
 भोगतु राज-सिरीहिँ तुव उत गोरी गर लाय ॥ ३४ ॥

## जयचंद

खोलि बिदेसिनु कों दियौ देस-द्वार, मतिमन्द† ।  
 स्वारथ-लुगि कीनें कहा, अरे अधम जयचंद । ॥ ३५ ॥  
 स्वर्ग-देस लुटवाय, सठ । कियौ कनक तें छार ।  
 फूटबीज इत छै गयौ, जयचंद जाति-कुठार । ॥ ३६ ॥  
 दियौ बिदेसिनु अरपि धन-धरती, धरमु स्वच्छंद ।  
 हमैं फूट अत्र देत तूँ, धिक, दानी जयचंद । ॥ ३७ ॥

\* महारानी संयोगिता ।

। शहाबुद्दीन मुहम्मद गोरी ।

† काहे तूँ चाका लगाये, जयचन्दा ।

अपने स्वारथ मूलि लुभाये काहे चोटी-मट्या पुलाये, जयचन्दा ॥

अपने हाथ से अपने कुल के कारे तें जड़वा कलाये, जयचन्दा ।

फूट के फल सब भारत पोये, दैरी के गद गुन्यप, जयचन्दा ॥

ओरो नासि तैं आपा तिलाने निज मुँह पत्ररी पुताये, जयचन्दा ॥

—अरुण, हरिवंश

## आल्हा और ऊदल

आल्हा-ऊदल सत्यही, गही साँग तरवार ।  
 ज्यों साँचे हथियार, त्यों साँचे घालनहार ॥ ३८ ॥  
 कियौ समर-साको सही जूझि महोबावाल ।  
 उमँगि ओजु आवतु अजौ सुनि-सुनि अल्ह-हवाल ॥ ३९ ॥  
 नहिँ आल्हा-ऊदल रहे, नाहिँ मरद मलखान† ।  
 सुजस-जुन्हाई पै अजौ करति जान्हवी-न्हान ॥ ४० ॥

## गोरा और बादल

धनि, गोरा रण-साहसी । धँसी साँग हिय पार ।  
 बाँधि आँत, पुनि तेग लै, भयौ तुरँग-असवार ॥ ४१ ॥  
 बस, गोरा-रण-वीरता‡ लखियौ, पदुमिनि । आज ।  
 रखिहै सीसु चढ़ाय वह तुव सुहाग की लाज ॥ ४२ ॥

\* देखो टिप्पणी—तीसरा शतक, ७४ दोहा । आल्हा साँग और उसका भाई ऊदल तरवार गँधा करता था । साँग बाँधनेवाला तो आल्हा के बाद कोई हुआ ही नहीं । इन दोनों वीर आताओने वावन लड़ाइयो में भाग लिया और शत्रुओं को परास्त किया था ।

† देखो टिप्पणी—तीसरा शतक, ७४ दोहा ।

‡ फिर आगे गोरा तब हॉका । खेलौ, करौ आजु रन-साका ॥  
 हौं कहिए धोलागिरि गोरा । टरौ न दारे, अग न मोरा ॥  
 सोहिल जैस गगन उपराही । मेघ घटा मोहि देखि बिलाही ॥

× × ×  
 गोरै साथ हीन्ह मग साथी । जय मैमत सूँढ़ त्रिनु हाथी ॥  
 मग मिलि पहिलि उठोनी कीन्ही । आवत आइ हॉक रन दीन्ही ॥

× × ×

गोरा, तुव बद्दल बडो नीरसु, निपट कठोर ।  
 बिदा होत हेर्यौ न जा प्रिया-लोचननु ओर ॥ ४३ ॥  
 कहतु कौन 'बद्दल' तुम्हैं, है तुम समर-समीर ।  
 घेरत - निजदल-बद्दलै, रिपु-दल-बद्दल चीर ॥ ४४ ॥  
 अलादीन-दल दारिबे, बद्दल वीर बलन्द ।  
 मेरे मत, मेवाड़ में प्रगट्यौ पारथ-नन्द ॥ ४५ ॥

भई बगमेल, सेल घन घोरा । औ गज-मेल, अकेल सो गोरा ॥  
 सहज कुँवर सहसौ सत बाँधा । भार पहार गूम कर काँधा ॥  
 लगे मरै गोरा के आगे । बाग न मोर घाव मुख लागे ॥  
 जैस पतङ्ग आगि धँसि लेई । एक मुचै, दूसर जित देई ॥  
 दूदहि सीस, अधर धर मारै । लोटहि कधहि कध निरारै ॥

घरी एक भारत भा, भा असवारह मेल ।

जूझि कुँवर सब निबरे, गोरा रहा अकेल ॥

कोपि सिंघ सामुहैं रन मला । लाखह सो नहि मर अकेला ॥  
 लेइ हाँकि हस्तिन्ह कै ठटा । जैमे पवन विदारै घटा ॥  
 जेहि सिर देइ कोपि कगवारु । स्यां घोड़े दूटे अमवारु ॥  
 लोटहि सीस कध निनारे । माठ मजीठ जनहुँ रन दारे ॥

x

x

x

सर्व कटक मिलि गोरहि छेका । गुँजत सिंघ जाइ नहि टेका ॥  
 जिनि जानहु गोरा सो अकेला । सिंघ के मोछ हाथ को मेल ॥  
 सिंघ जियत नहि आपु धरावा । मुण पाउ कोई धिमियावा ॥  
 फरै सिंघ मुण सौहहि दीठी । जा लगि जियै देइ नहि पीठी ॥

रतनमेन जो बाँधा, मसि गोरा के गान ।

जौलगि ररि न घोरों तांगि होइ न राग ॥

[ पदमाग ]

## पद्मिनी-जौहर

वह चितौर की पद्मिनी, किमि पैहौ, सुलतान\* ।  
 कब सिंहनि-अधरान कौ कियौ स्वान मधु-पान ? ॥ ४६ ॥  
 चंचरीक । चितौर में नहिँ पैहै रस-जाल ।  
 ह्वैहै चंपक-माल-लौ तोहि पद्मिनी बाल ॥ ४७ ॥  
 भई भस्म जहँ पद्मिनी आरज-धर्म समोय ।  
 यज्ञ-अग्निहू तें अधिक पावम पावकु सोय ॥ ४८ ॥  
 जा दिन जौहर तें जगी ज्वाल-माल अति चंड ।  
 जन-हीतल-सीतलकरन प्रगट्यौ जग श्रीखंड ॥ ४९ ॥  
 केहि कारन सेवतु सुरुचि नित नवीन समसानु ?  
 जहँ-तहँ जौहर की भसमु ढूँढ़तु संभु सुजानु ॥ ५० ॥  
 क्यों न धारियै सोस पै वह जौहर-व्रत-राख ।  
 भव-तनु-भूषन भसम तें जो पुनीत गुन लाख ॥ ५१ ॥  
 लिखे न केते सुमृति में व्रत-विधान सबिवेक ।  
 पै जग-जाहिर जंग कौ व्रत जौहर वस एक ॥ ५२ ॥

## महाराणा साँगा

लसति जासु पद्मि-देह पै असी घाव की छाप ।  
 सो साँगा† निज साँग तें दलै न काकौ दाप ॥ ५३ ॥

\* अत्यन्त हीन गिलजी से तात्पर्य है ।

† महाराणा संग्रामसिंह ।

है राणा साँगा । तुहीं रण में मरद मलाह ।  
किते न खाँडे-घाट तैं दिय उतारि गुमराह ॥ ५४ ॥

### जयमल और पत्ता

है जयमल राठौरही तुव सुपूत, चित्तोर ।  
भरत-भरत तुव घाव जो दिये प्रान तिहिँ ठौर ॥ ५५ ॥  
पत्ता-लौ अकबर-अनी पत्ताँ दर्द उडाय ।  
दिये फेरि चित्तोर पै प्रान-प्रसून चढाय ॥ ५६ ॥  
लाज आज मेवाड की, बस, तुम्हरेहीँ हाथ ।  
जयमल । पत्ता । फूल-लौ हँसि चढाइयौ माथ ॥ ५७ ॥  
जहँ जयमल, पत्ता तहीँ, एक प्रान द्वै देह ।  
भयौ अमरु मेवाड में, इन दोउनु कौ नेह ॥ ५८ ॥

### महाराणा प्रताप

अणु-अणु पै मेवाड के छपी तिहारी छाप ।  
तेरे प्रखर प्रताप तैं, राणा प्रबल प्रताप । ॥ ५९ ॥  
जगत जाहि खोजत फिरै, सो स्वतलता आप ।  
बिकल तोहि हेरति अजौ, राणा निठुर प्रताप । ॥ ६० ॥

\* वेदनौर-नरेश जयमल राठौर ।

† चन्दावत कुल की जगवत शाखा में उत्पन्न हुआ प्रतापसिंह, जिसे लोग 'पत्ता' या 'पत्ते' कहा करते थे । यह कैलवाड़े का राजा था ।



## पद्मिनी-जौहर

वह चितौर की पद्मिनी, किमि पैहौ, सुलतान \* ।  
 कब सिंहनि-अधरान कौ कियौ स्वान मधु-पान ? ॥ ४६ ॥  
 चंचरीक । चितौर में नहिँ पैहै रस-जाल ।  
 हँहै चंपक-माल-लौं तोहि पद्मिनी बाल ॥ ४७ ॥  
 भई भस्म जहँ पद्मिनी आरज-धर्म समोय ।  
 यज्ञ-अग्निहू तें अधिक पावष पावकु सोय ॥ ४८ ॥  
 जा दिन जौहर तें जगी ज्वाल-माल अति चंड ।  
 जन-हीतल-सीतलकरन प्रगट्यौ जग श्रीखंड ॥ ४९ ॥  
 केहि कारन सेवतु सुरुचि नित नवीन समसानु ?  
 जहँ-तहँ जौहर की भसमु दूँदतु संभु सुजानु ॥ ५० ॥  
 क्यों न धारियै सोस पै वह जौहर-व्रत-राख ।  
 भव-तनु-भूषन भसम तें जो पुनीत गुन लाख ॥ ५१ ॥  
 लिखे न केते सुमृति में व्रत-विधान सबिवेक ।  
 पै जग-जाहिर जंग कौ व्रत जौहर बस एक ॥ ५२ ॥

## महाराणा साँगा

लसति जासु पवि-देह पै असी घाव की छाप ।  
 सो साँगा† निज साँग तें दलै न काकौ दाप ॥ ५३ ॥

\* भलाउदीरा तिलजी मे तात्पर्य है ।

† महाराणा संग्रामसिंह ।

है राणा साँगा । तुहीं राण में मरद मलाह ।  
किते न खाँडे-घाट तै दिय उतारि गुमराह ॥ ५४ ॥

जयमल और पत्ता

है जयमल राठौरही तुव सुपूत, चितौर ।  
भरत-भरत तुव घाव जो दिये प्रान तिहिँ ठौर ॥ ५५ ॥  
पत्ता-लौँ अकबर-अनी पत्ताँ दर्द उडाय ।  
दिये फेरि चितौर पै प्रान-प्रसून चढ़ाय ॥ ५६ ॥  
लाज आज मेवाड की, बस, तुम्हरेहीँ हाथ ।  
जयमल । पत्ता । फूल-लौँ हँसि चढाइयौ माथ ॥ ५७ ॥  
जहँ जयमल, पत्ता तहीँ, एक प्रान द्वै देह ।  
भयौ अमरु मेवाड में, इन दोउनु कौ नेह ॥ ५८ ॥

महाराणा प्रताप

अणु-अणु पै मेवाड के छपी तिहारी छाप ।  
तेरे प्रखर प्रताप तें, गणा प्रबल प्रताप । ॥ ५९ ॥  
जगत जाहि खोजत फिरै, सो स्वतन्त्रता आप ।  
बिकल तोहि हेरति अजौँ, राणा निठुर प्रताप । ॥ ६० ॥

\* वेदनौर-नरेश जयमल राठौर ।

† चन्द्रावत कुल की जयमल शाखा में उत्पन्न हुआ प्रतापसिंह, जिने लोग 'पत्ता' या 'पते' कहा करते थे । यह कैलाश के राजा था ।

है, प्रताप । मेवाड में तुहीं<sup>१</sup> समर्थ सनाथ ।  
 धनि-धनि, तेरे हाथ ए, धनि-धनि, तेरो माथ ॥ ६१ ॥  
 रजपूतनु की नाक तूँ, राणा प्रबल प्रताप ।  
 है तेरी ही मूँछ की, रायथान में छाप<sup>२</sup> ॥ ६२ ॥  
 काँटे-लौं कसकयौ सदा के अकबर-उर माहिँ ?  
 छाँड़ि प्रताप-प्रताप जग दूजो लखियतु नाहिँ ॥ ६३ ॥  
 ओ, प्रताप मेवाड-पति । यह कैसो तुव काम ?  
 खात खलनु तुव खड्ग, पै होत काल कौ नाम ॥ ६४ ॥  
 उमँडि समुद्र-समुद्र-लौ ठिले आपु तं आपु ।  
 करण-वीररस-लौं मिले सक्ता<sup>३</sup> और प्रतापु ॥ ६५ ॥

---

\*बृद्धयौ राज-समाज, दिह्यौ-यवन-समुद्र मे ।  
 भारज-गौरव-राज, इक राखी परताप तुम ॥  
 अकबर परमप्रवीन, गजपूत दागिल किये ।  
 इक मिवार दागी न, सुव प्रताप-बल कारनै ॥  
 क्षल-क्षल नि क्षल, भयौ होत निहचय कवै ।  
 जौ न धरत सिर छल, परम हठी परताप तूँ ॥  
 छै परताप उछंग, जननी जन्म सुफल भयो ।  
 अकबर काल-भुवंग, फुचले फन जिन पग तरै ॥

—राधाकृष्णदास

१ महाराणा प्रतापसिंह के आता शक्तिसिंहजी, जो घर की किसी अनयन के कारण दिही में  
 अकबर के अधीन होकर रहने लगे थे ।



है, प्रताप । मेवाड में तुहीं<sup>१</sup> समर्थ सनाथ ।  
 धनि-धनि, तेरे हाथ ए, धनि-धनि, तेरो माथ ॥ ६१ ॥  
 रजपूतनु की नाक तूँ, राणा प्रबल प्रताप ।  
 है तेरी ही मूँछ की, रायथान में छाप<sup>२</sup> ॥ ६२ ॥  
 काँटे-लौं कसकयौ सदा को अकबर-उर माहिँ ?  
 छाँडि प्रताप-प्रताप जग दूजो लखियतु नाहिँ ॥ ६३ ॥  
 ओ, प्रताप मेवाड़-पति । यह कैसो तुव काम ?  
 खात खलनु तुव खड्ग, पै होत काल कौ नाम ॥ ६४ ॥  
 उमँडि समुद्र-समुद्र-लौ ठिले आपु तं आपु ।  
 करण-वीररस-लौं मिले सकता<sup>३</sup> और प्रतापु ॥ ६५ ॥

<sup>१</sup>बृहद्यो राज-समाज, दिल्ली-यवन-समुद्र में ।  
 आरज गौरव-स्वाज, इक राखी परताप तुम ॥  
 अकबर परमप्रवीन, राजपूत दागिल किये ।  
 इक मिवार दागी न, तुव प्रताप-बल कारनै ॥  
 क्षत-क्षेत नि क्षत, भयो होत निहचय कयै ।  
 जौ न धरत सिर छत, परम हठी परताप तूँ ॥  
 छै परताप उलंग, जननी जन्म सुफल भयौ ।  
 अकबर-काल-भुवंग, कुचले फन जिन पग तरै ॥

—राधाकृष्णदास

<sup>१</sup> महाराणा प्रतापसिंह के भ्राता शक्तिमिहजी, जो घर की किसी अनयन के कारण दिल्ली  
 अकबर के अधीन होकर रहने लगे थे ।

### महाराणा राजसिंह

या औरंग-सिसुपाल तें रूपनगर की बाल<sup>‡</sup> ।  
हरि-ज्यों धाय उधारियों, राजसिंह नरपाल । ॥ ६६ ॥

### चूडावत का प्रेमोपहार

प्राण-प्रिया कौ सीसु लै, परम प्रेम-उपहार ।  
चल्यौ हुलसि रण-मत्त हूँ चूडावत सरदार ॥ ६७ ॥  
पायौ प्रनय-प्रमान में निज प्यारी-सुठिसीस ।  
चूडावत । उर धारि सो हूँहौ समर-गिरीस ॥ ६८ ॥

### छत्रपति शिवाजी

किधौ रौद्ररस, रुद्र कै, किधौ ओज-श्रवतार ।  
साह-सुवन सिक्कराज । तैं किधौ प्रलय साकार ॥ ६९ ॥  
रखी तुहीं<sup>†</sup> सरजा सिवा । दलित हिन्द की लाज ।  
निरवलंघ्य हिन्दून कों तूहीं भयौ जहाज ॥ ७० ॥  
यही रुद्र-श्रवतार है, यही सुभैरव-रूप ।  
एही भीषण भीम है सिवा भौंसिला भूप ॥ ७१ ॥  
औरंगहू तुव धाक तें ताकतु भाभिनि-भान ।  
है लोहा तुव सँग, सिवा । लेनहार फिर कैन ? ॥ ७२ ॥

नित प्रति सेवा' खलनु कौ तोहि कलेवा देत ।  
 पेटु खलावत, काल । तैं तऊ आय रण-खेत ॥ ७३ ॥  
 गरब कस्त कत बावरे, उमंगि उच्च गिरि-शृङ्ग ।  
 जस-गौरव सिवराज कौ इत नभतैं हूँ उतङ्ग ॥ ७४ ॥  
 'करकीं क्यों आपहिँ चुरीं ?' कहति हरम अकुलाय ।  
 'सुन्यौ नाहिँ, आवतु सिवा समर-निसान बजाय ?' ॥ ७५ ॥  
 हूँ हौ विजयी विश्व में, अजित रायगढ़-राज ।  
 गहि कृपान अरि काटिहौ, राखि हिन्द की लाज ॥ ७६ ॥  
 किते न तोपन तैं सिवा दढ़ गढ़ 'दिये ढहाय ।  
 केते सुरंग लगायकै\* दिये न दुर्ग उडाय ॥ ७७ ॥

### महाराजा ब्रजसाल

ब्रजसाल नृप । नामु तुव मङ्गल-मोद-निधान ।  
 सुमिरि जाहि अजहूँ बनिक खोलत प्रात दुकान† ॥ ७८ ॥  
 चपत कौ बच्चा तुहीं, है इक सच्चा शेर ।  
 जब्बर बब्बर-वंस के किये न केते जेर ॥ ७९ ॥  
 रैयत-हित हिय-दानु दिय, हथयारनु-हित हाथ ।  
 ब्रजसाल, धनि । कृष्ण-हित नैन, धर्म-हित साथ ॥ ८० ॥

\* शिवाजी ।

† "छत्रसाल महाशली, करिहैं सय भली भली ।"—ऐसा कह कर आज भी बुन्देलखंड में निरय प्रात साल दूकानदार दूकान खोलते हैं ।

गहि कृपान-कुस नृप छत्ता 'दियौ तोहि नित दागु ।  
 तऊ कृतघ्नी काल । तैं नहि<sup>५</sup> मानत एहसानु ॥ ८१ ॥  
 ग्रसित ग्राह-अवरङ्ग-मुख खडबु<sup>६</sup> दैल-गयन्द ।  
 उमँगि उधार्यौ धाय, धनि, हरि इव चपत-नन्द ॥ ८२ ॥  
 धनि, छत्ता । तुव खग, धनि, रण-अडग पबि-देह ।  
 बहु मूँछनवारेनु के मरदि मिलायौ खेह ॥ ८३ ॥  
 नहि<sup>५</sup> छत्ता । परवाह<sup>७</sup> कछु तोहि शाह के द्वार ।  
 है तूँ बज-दरबार कौ ऐँडदार सरदार<sup>८</sup> ॥ ८४ ॥

\*'छत्ताल' का अपभ्रंश, जिसे तत्कालीन कवियों ने ही नहीं, महाराजों स्वयं भी अपनी कविता में प्रयुक्त किया है ।

† सन् १७६५ में बादशाह बहादुरशाहने महाराज छत्ताल को अपना 'मनसबदार' बनाना चाहा, पर उन्होंने यह पद स्वीकार नहीं किया । बोले—कान किसका मनसबदार होता है ? जिसका नाम विश्वभर है, जिसका यौंका बिरत है, उसी प्रभु के हम मनसबदार हैं—

मनसबदार होइ को काका । नाम विमुम्भर सुनि जग यौंका ॥

( छत्तप्रकाश )

महाराजने इस प्रसंग पर स्वयं यह कविता रचा है—

जाको मानि हुकुम सुभातु तम-नासु करे,  
 चदमा प्रकासु कर नखन दराज को ।  
 कहँ छत्ताल, राज-राज है भँडारी जासु,  
 जाकी कृपा-कोर राज राजे सुर-राज पर ॥  
 जुगम भर जारि-जारि हाजिर सिद्ध रहै,  
 देव परिचार गहँ चाके गृह-नाज बी ।  
 नरकी उदारता में कोन है सुधार, में तो  
 मनसबदार मरदार मज राय का ॥

( छत्तप्रकाश-प्रमाण )



छलसालनृप-धाक ते\* वडे-बड़े थहरायँ ।  
 कहूँ 'छकार' के सुनतही\* छूटि न छक्के जायँ ॥ ८५ ॥  
 असि-भुवंगिनी-अंगना-संग, समर-संयोग ।  
 भोगौ भुज-भुजगेन्द्र तो, छता । छलपति-भोग ॥ ८६ ॥  
 कहूँ विपत, कहूँ भयौ तूँ सपत, चंपत-लाल ।  
 दुष्टनु-हित करवाल भो, अरु इष्टनु-हित ढाल ॥ ८७ ॥  
 चपत\* । खंडबु\*देल की तै\* पत राखनहार ।  
 इवत हम हिन्दूनों तब कुमार कनधार ॥ ८८ ॥

गुरु तेगबहादुर

तेगबहादुर जो किया, किया कौन मुरशीद ?  
 सर दीना, सार न दिया†, साँचा अमर शहीद ॥ ८९ ॥

गुरु गोविन्दसिंह

जय अकाल-आनन्द-भव नव मकरन्द-मलिन्द ।  
 अक्ति-साधना-सिद्धवर, असि-धर गुरुगोविन्द ॥ ९० ॥

\* प्रलय-पयोधि-उमड मे ज्यो गोकुल जदुराय ।

त्यो नुडत बुन्देल-कुल राग्यौ चपतराय ॥

( छलप्रकाश )

† बाहँ जिन्हादी पकड़िण, सिर दीजिण बाहँ न छोड़िण ।

गुरु तेगबहादुर बोलिया, धर पइये धर्म न छोड़िण ॥

पराधीनता-सिधु मधि डूबत हिन्दु हिन्द ।  
 तेरे कर पतवार अब, पतधर गुरुगोविन्द ॥ ६१ ॥  
 धर्म-धुरन्धर, कर्म-धर, बल-धर, बखत-बलन्द ।  
 जयतु धनुर्धर, तेग-धर, तेगबहादुर-नन्द ॥ ६२ ॥  
 असि-व्रत धार्यौ धर्म पै, उमँगि उधार्यौ हिन्द ।  
 किये सिक्ख तेँ सिंह सन्न, धनि-धनि, गुरुगोविन्द ॥ ६३ ॥  
 दसवेँ गुरु के राज में रही हिन्द-पत-लाज ।  
 औरँगशाही पै गिरी बाहगुरू की गाज ॥ ६४ ॥  
 बेटी राखी आर्य-कुल, चोटी राखी सीस ।  
 राखी गुरुगोविन्द कै औरँगशाही खीस ॥ ६५ ॥  
 रहती कहँ हिन्दून की ऐँड, आन अरु बान ।  
 ढाल न होती आनि जो गुरुगोविन्द-कृपान ॥ ६६ ॥  
 सध-शक्ति-व्रत-मिल, कै वृषगत विप्लव-मिल ।  
 कै पवित बलि-चिल-पट गुरुगोविन्द-चरित ॥ ६७ ॥  
 दिखी न दूजी जाति कहँ, सिक्खन-सी मजबूत ।  
 तेगबहादुर-से पिता, गुरुगोविन्द-से पूत ॥ ६८ ॥

सिंह-शावर-बलिदान

“माथ रहौ वा ना रहौ, तजै न मत्य अकाल ।”  
 कहत-कहत ही चुनि गये, धनि, गुरुगोविन्द-लाल ॥ ६९ ॥

\* जोरावरसिंह और पतहसिंह, जो प्रमश ना और सात वर्ष के थे ।

भाई बंदा

मति सोवै सुख-नीद यौ, अब, सूबा सरहिन्द\* ।  
गाजत बंदा सीसे पै पठयौ गुरु गोविन्द ॥ १०० ॥  
करि गुरु गोविन्द-बँदगी बंदा बीर महान ।  
ककरी-लौ काटे किते मरद मारि मैदान ॥ १०१ ॥

खालसा†

सेवै‡ नित गुरु-खालसा, है न लालसा और ।  
वाह गुरु की मेहर सो, फते होय सब ठौर‡ ॥ १०२ ॥



\* इसीने गुरु गोविन्दसिंह के दोनो कुमार जेतावरसिंह और फतहसिंह को शहर-पनाह की दीवार में जिन्दा चुनवा दिया था ।

† खालिस अर्थात् निर्मल । इस पथ की स्थापना गुरु गोविन्दसिंहने की । इसीस शिक्षाएँ इस में मुख्य मानी गई हैं ।

‡ “वाह गुरु का खालसा, वाह गुरु की फते”—अर्थात्, जहाँ वाह गुरु, परमात्मा, का खालसा ( निर्मल ) पथ है, वहाँ फते अर्थात् विजय भी अपश्य है । गीता में लिखा ही है—

यतो कृष्णस्ततो धर्म, यतो धर्मस्ततो जय ।

## पाँचवाँ शतक

शिव-वन्दना

दलौ विशूल विशूल धर । लिभुवन-प्रलयकारि ।  
हर, त्र्यम्बक, त्रैलोक्य-पर, त्रिदश-ईश, त्रिपुरारि ॥ १ ॥

दुर्गादास राठौर

तूँ अठौर\* राठौर-कुल, भयौ ठसक की ठौर ।  
दुर्जय दुर्गादास । धनि, धीर-वीर-सिरमौर ॥ २ ॥  
धनि, दुर्गा राठौर । तूँ दल्यौ मुगल-दल-दाप ।  
लखियतु मरुथल पै अजौँ, तुव निज न्यारी छाप ॥ ३ ॥  
ठौर-ठौर ठुकराय अरि, धनि, दुर्गा राठौर ।  
राखी ठकुराई-ठसक, मारवाड-सिरमौर । ॥ ४ ॥

\* बादशाह औरंगजेबने जब जेधपुर-नरेश महाराज यनवतसिंह को घोड़े से मरवा द्वाग  
र उनकी रानी एवं नवजात बालक अजितसिंह का कोई रक्षक न रहा, तब वीरवर दुर्गादास राठौरने  
अपने बाहु बल से राठौर-वध की मान-मर्यादा अभ्युण्ण रखी थी ।

## धुरमंगद

साहस-सो साहस कियौ धुरमङ्गद\* सतसंध ।

कूदि जरति हथिसार में दिये काटि गज-बंध ॥ ५ ॥

बिकट बाँक बानैत, त्यों उद्भट निपट निसाँक ।

धुरमङ्गद की धाक ज्यों हनुमान की हाँक† ॥ ६ ॥

## लोकमान्य तिलक

ब्रह्मनिष्ठता व्यास की, जामदग्न्य कौ श्रोज ।

दीपत इन दोऊन तें तिलक-सुनैन-सरोज ॥ ७ ॥

जाहि भूलि भटकत फिरे हम कुरंग बन भूरि ।

धन्य तिलक । बोधित करी जन्मजात कस्तरि‡ ॥ ८ ॥

\*यह ओरछा (बुन्देलखण्ड) राज्यान्तर्गत 'पलेरा' जागीर के स्वामी थे । यह बड़े वीर और साहसी थे । एकबार दिल्ली में, जब कि यह ओरछा नरेश के साथ वहाँ थे, बादशाह की हथिसार में आग लग गई । हाथी जलने-भुनने लगे । किसकी हिम्मत, जो जलती हुई आग में कूद कर उनके बधन काटे ? राव धुरमंगद से कहा गया कि, सिवा आप के कोई यह दुस्ताहस का काम नहीं कर सकता । सुनते ही आप हथिसार में कूद पड़े और बावन हाथियों के बधन अदम्य साहस के साथ काट डाले !

†बाँके गढ़-कोटन में, तोपन की चोटन में,  
गोलन की ओटन में बिकट भटन की ।

पोर-पोर पटन में, बाँक की अपटन में,  
ज्वानन के ठटन में फटन है गान की ॥

'एटीराम' ललपत, बुँदेला अलफकड़ है,  
अरखद कहाँलौ कहाँ अकह कहान की ।

बाक बाक यानीजू की, ताक सीतारामजू की,  
धाक धुरमंगद की, हाँक हनुमान की ॥

‡ अर्थात्, 'स्वराज्य हमारा जन्म-सिद्ध अधिकार है' ।

बाल तिलकही में लख्यौ ज्ञान-विकास अवाध ।  
 कारागारहुते\* कियौ प्रगट रहस्य अगाध ॥ ६ ॥  
 भावन भारत-भाल कौ तिलक, तिलकही एक ।  
 व्यक्त भयौ जाते\* सदा शक्ति-भक्ति-उद्रेक ॥ १० ॥

देशबन्धु दास

देसबन्धु । या सत्य कौ तुमहीं दियौ प्रमान ।  
 दीनबन्धुही सों मिलतु दीनबन्धु भगवान ॥ ११ ॥  
 'भयौ दास बिनुगेह तू'— कहतु बावरो कौन ?  
 किते न निज बन्धून के किये हिये निज भौन ॥ १२ ॥  
 किते अँधेरे दृगनु को दियौ न ओज-प्रकास ।  
 कासु न चित-रंजन कियौ तुम, चितरजन दास । ॥ १३ ॥  
 पुलकि असीसंत नहिँ किते लहि मुहँमाँगे दान ।  
 देसबन्धु-बलि-पौरि पै नित दरिद्र-भगवान ॥ १४ ॥

आर्य-देवियाँ

अपनेही बल आपनी रखनहारियाँ लाज ।  
 धनि, आरज-कुल-नारियाँ, जग-नारिनु-सिरताज ॥ १५ ॥  
 जुग-जुग अकह-कहानियाँ कहिहँ कवि-कुल-गाय ।  
 धनि, भारत-भट्ट-नारियाँ, रखौ सुजसु चहुँ छाया ॥ १६ ॥

## कर्मादेवी

कुतुबुदीन-गज-गंजिनी, गहन-गर्जिनी काय ।  
जय कर्मा रण-सिंहिनी, गृह-गृह जनमौ सोय ॥ १७ ॥

## वीरा

धारि पीउ-भुज-माल तब बिलस्यौ प्रेम रसाल ।  
अब हौ वीरा धारिहौ समर शत्रु-सिर-माल ॥ १८ ॥  
हम तौ छत्वानी कहैं, कहौ कोउ बिगरैल ।  
पत राखी मेवाड़ की वाही महल-रखैल ॥ १९ ॥

## पन्ना धाय

निज प्रिय लाल कटाय जो प्रभु-सिसु<sup>†</sup> लियौ बचाय ।  
क्यों न होय मेवाड़ में पूजित पन्ना धाय ॥ २० ॥

## दुर्गावती

धन्य सती दुर्गावती,<sup>‡</sup> कूरि गढ़मंडल राज ।  
रखी गोडवाने<sup>\*</sup> तुही<sup>\*</sup> खडग-धरम की लाज ॥ २१ ॥

\* मेवाड़ के महाराणा उदयसिंह की उपरानी, जिसने विलास-मग्न महाराणा को अकबर के से छुड़ा कर अपने यादु-यल और अद्भुत पराक्रम से मुगल-सेना को परास्त किया था ।

† महाराणा सौंगा का छोटा पुत्र, उदयसिंह, जिसे पन्ना नाम की धायने पृथ्वीराज के श्रासी पुत्र वनवीर की तलवार से अपने पुत्र को कटा कर बचा लिया था ।

‡ यह महोदये के चंदेल राजा की पुत्री और गढ़मंडले के गोह राजा दलपति की रानी थी । दलपति के स्वर्गवामी होते ही अकबर के हुकम से उज्जैन के नयाब आसफने गढ़मंडले पर चढ़ाई कर दी । महारानी दुर्गावतीने यही वीरता से नयाब के साथ युद्ध किया और मुगल-सेना को परास्त कर भगा दिया ।

वज्र-कवच तनु, कध धनु, कर कृपान, कटि ढाल ।  
गढ़मंडल-दुर्गावती रण-दुर्गा विकराल ॥ २२ ॥  
मत्त मुगल-दल दलमल्यौ, गढ़मंडल रण ठानि ।  
धनि, दुर्गा दुर्गावती । रखी तुहीं कुल-कानि ॥ २३ ॥

### चाँदबीबी

मुगलनु पै भूपटी मनो रणसिंहिनि तजि माँद ।  
अकबर-मद-मर्हनु कियौ, धनि, सुलताना चाँद ॥ २४ ॥

### नीलदेवी

या कटारि सुकुमारि कौ प्रथम चूमि मुख, खान ।  
तब नीला-अधरानु कौ मधु-रसु कीजौ पान ॥ २५ ॥

कविवर लाला भगवानदीनजी ने अपनी 'वीर भक्तानी' में दुर्गावती के मुख से क्या ही ओजस्वी शब्द कहलाये हैं । देखिये—

“छलानी हूँ बिन मारे मरे भूमि न दूँगी ।  
दम रहते न रणभूमि में पग पीछे धरूँगी ॥  
मानोगे मेरी बात तो कुछ मैं भी करूँगी ।  
अन्याय करोगे तो निकट रूप धरूँगी ॥  
चढ़ेल की येदी नहीं तलवार में डरती ।  
मैंडल की महारानी नहीं रण में पड़गती ॥”

\* पंजाब के नूरपुर नामक एक छोटे राज्य के स्वामी सूरजदेव की जीरपनी । एक बार मिहमाग्यार अथदुश्शरीफवाँ सूरने सूरजदेव आर उनके पुत्र सोमदेव को गिरफ्तार कर लिया आर परमसुन्दरी नीला पर काम-मोहित हो उसके साथ बलात्कार करना चाहा । नीलदेवीने शरीर-माँ को खूब शराय पिला दी आर आप भाव-भगी दिखाती हुई गाने लगीं । जब शरीर-माँ मशोम्मत हो गया, तब उसकी छाती पर सवार होकर कदार में उसका काम समाप्त कर दाय्य ।



बोलि चूमिहै फिरि कबौं अधर सिंहिनी केर ।  
 सठ । छत्वानी सों कबौं कहिहै 'जानी' फेर ॥ २६ ॥  
 प्रथम कटारि-कपोल कौ लहि चुंबन सरसाय\* ।  
 तब नीला-अधरानु कौ मधु पीजौ उर लाय ॥ २७ ॥  
 यह कटारि-प्याली भरी रुधिर-मद्य सों तोर ।  
 लै निज जानी हाथ सो, खान स्वान बरजोर ॥ २८ ॥  
 लंपट । भेंटन चहत तूँ जिन भुजान तेँ धाय ।  
 क्यों न उखारौं, सठ । तिन्हें धरि तुव छाती पाय ॥ २९ ॥

### लक्ष्मीबाई

तजि कमलासंनु कर-कमलु, गहि तुरंग तरवार ।  
 कुल-कमला\* काली भई, भाँसी-दुरग-दुवार ॥ ३० ॥  
 हौ\* देख्यौ अचरजु अबै, भाँसी-दुरग-दुवार ।  
 दृग-कमलनि अंगार, त्यों कर-कमलनि तरवार ॥ ३१ ॥  
 भई प्रगटि रण-कालिका भाँसी-गढ़ परतच्छ ।  
 सुभट संहारे लच्छमी, लच्छ-लच्छ करि लच्छ ॥ ३२ ॥

\* भारतेन्दु हरिश्चन्द्रने इस ऐतिहासिक वीर घटना पर 'नील देवी' नाम का एक सुन्दर गीति रूपक और कविवर लाला भगवानदीनजी ने एक ओजमयी कविता लिखी है ।

खीचि कटारी निज चोली से, हथपटि शरीफहि दिया पछार ।

मन के देखत आनन-फानन छाती मे धँसि गई कटार ॥

छाती फाड़ रक्त से रजित मुख में दिया कटारहि डाल ।

गेली, इसका घोसा लेकर ले मन का अरमान निकाल ॥

जय भाँसी-गढ़ लच्छमी, राजति त्रिविध अनूप ।  
गति चपला, दुति चट्रिका, समर चडिका-रूप ॥ ३३ ॥

### सिंह-वधू

प्रेमालिंगनु काल सों करिहै सो ततकाल ।  
सिंह-वधू के कंठ जो गेरेंगो भुज-माल ॥ ३४ ॥  
अब कांहे काँपत, अरे सठ । भेंटन में मीच ।  
सिंह-प्रिया को\* लायहे कबहुं फेरि उर नीच ? ॥ ३५ ॥  
हैहै छार मलेच्छ । तै\* छवै छलानी-अग ।  
रमिहै सिंह-किसोर ही सिंह-किसोरी सग ॥ ३६ ॥

### सतीत्व-रक्षा

जो खल चाहै करन तुव, भगिनि । सती-व्रत-भग ।  
ता हिय हूलि कटारि यह, रँगियौ हाथ सुरग ॥ ३७ ॥

### सती-प्रताप

पतनी की पत पालिबे इन्द्रजीत-मृतसीस ।  
हँस्यौ हहरि, "भमप्रिया कौ परखौ सत, जगदीम ।"\* ॥ ३८ ॥

## दृढ़ता

तजिहै मरद न मेंड निज, रहै<sup>०</sup> बकत बदराह ।  
 करत न कूकर-वृन्द की कछु गयन्द परवाह ॥ ३६ ॥  
 सूर न चूकत दाँव निज, कूर बजावत गाल ।  
 दीनों चक्र चलाय हरि, रखौ बकत सिसुपाल ॥ ४० ॥  
 नहिँ यामें अचरजु कछु, नाहिँन नीति-अनीति ।  
 हँसत सदा खल सुजन पै, नई न कछु यह रीति ॥ ४१ ॥

## शिकारी

लुकि-छिपि छरछंदन, अरे, खेलत कहा शिकार ।  
 जियत सिंह की पीठि पै क्यों न होत असवार ? ॥ ४२ ॥  
 लुकि-छिपि मारत, नामरद । पसु-पंछिनु चहुँफेर ।  
 पकरि पूँछ ललकारिकै<sup>०</sup> क्यों न जगावत शेर ? ॥ ४३ ॥  
 अहे अहेरी । यह कहा, कादर करत अहेर ।  
 क्या न लपकि ललकारि तूँ पकरि पछारत शेर ? ॥ ४४ ॥  
 नेक जीभ के स्वादुलगि दीन मीन मृगं मारि ।  
 नाम लजावत सिंह-स्यों, इमि कायरता धारि ॥ ४५ ॥  
 लुकि-छिपि बैठि मचान पै करत मृगनु पै वार ।  
 जियत सिंह की मूँछ कौ क्यों<sup>०</sup> न उखारत वार ? ॥ ४६ ॥

वनत बहादुर बादिही\* दीन मीन मृग मारि ।  
 क्यों न भरत\* -लौ\* बाघ के गिनत दाँत मुख फारि ॥ ४७ ॥  
 हम विनुपद्म पच्छीनु पै कहा उठावत हाथ ।  
 अघ के आखेटक, अहो । भये तुमहुँ, जगनाथ ॥ ४८ ॥  
 ताकत लपट तीय तन, धरे\* धनुष पै हाथ ।  
 कहूँ आजुलौ\* है सुन्यौ मसक भरत कौ साथ ॥ ४९ ॥  
 सहत बादि, कामुक । यहाँ कानन ताप निदाघ ।  
 बारनारि बैठाय संग कहा मारिहै बाघ ॥ ५० ॥

### धीरता और सुकुमारता

वस, काढ़ौ मति म्यान ते\* यह तीछन तरवार ।  
 जानत नहि\*, ठाढे यहाँ रसिक बैल सुकुमार ॥ ५१ ॥  
 बादि दिखावत खोलि इत तुपक तीर तरवार ।  
 सुरमा मीसी के जहाँ वसत बिसाहनहार ॥ ५२ ॥  
 कवच कहा ए धारिहै\* लचकीले मृदुगात ।  
 सुमनहार के भार जे तीन-तीन बल खात ॥ ५३ ॥  
 कै चढ़िलै असि-धार पै, कै बनिलै सुकुमार ।  
 द्वै तुरग पै एकसँग भयौ कौन असवार ? ॥ ५४ ॥

\*शकुन्तला के गर्भ में उत्पन्न महाराज दुष्यन्त का पुत्र ।

किमि कोमल अंग ओढ़िहै\* असहनीय असि-घाय ।  
 जिन पै गहव गुलाब की गडि खरोट परि जाय ॥ ५५ ॥  
 पाँछि-पाँछि राख्यौ जिन्है\* नित रमाय रस-रंग ।  
 समर-घाव ते ओढ़िहै\* किमि किसलय-से अंग ॥ ५६ ॥  
 क्योंकरि डाइन डाकिनी कडकड हाड चवाति ?  
 इत तौ भित्ती अँगूर की ओ'ठनु गडि-गडि जाति ॥ ५७ ॥  
 जहँ गुलाबहू गात पै गडि छाले करि देत ।  
 बलिहारी । बखतरनु के तहाँ नाम तुम लेत ॥ ५८ ॥  
 “भक्तकत हियै\* गुलाब कै\* भँवा भँवैयत पाइ\* ।”  
 या बिधि इत सुकुमारता अब न, दर्ई सरसाइ ॥ ५९ ॥  
 जाव भलै\* जरि, जरति जो उरध उसाँसनि देह† ।  
 चिरजीवौ तनु, रमतु जो प्रलय-अनलु कै गेह ॥ ६० ॥

\* छाले परिये कै\* ढरनु सके न हाथ धुवाह ।  
 भक्तकत हियै\* गुलाब कै\* भँवा भँवैयत पाइ ॥

—बिहारी

† आदे दै आले यसन, जादेहँ की गति ।  
 साहसु कैकै नेह उस, सखी सबै दिग जाति ॥  
 नित संसो हसो बचत, मनौ सु इहि अनुमानु ।  
 बिरह-अगिनि-रूपटनु सकत अपटि न मीचु-सचावु ॥  
 सुनत पथिक-मुहँ माह-भिसि, लुपँ चलति उहि गाम ।  
 बिनु बूझै बिनुहौ सुनै, जियत बिचारी बाम ॥

—बिहारी

होउ गलित वह अंग, जेहि लागति कुसुम-खरोट ।  
चिरजीवौ तनु, सहतु जो पुलकि-पुलकि पवि-चोट ॥ ६१ ॥  
राज-ताज कौ भार किमि सधिहै सिर सुकुमार ।  
डगकु डगत-से चलत जो निज तनुही\* के भार ॥ ६२ ॥

### वीरता और विलासिता

निय-पाइल-रवही तुम्है\* किय घाइल, रति-पाल ।  
सुनि धुकार धौसानु की ह्वैहै कौन हवाल ॥ ६३ ॥  
जिनकौ-जिय-गाहकु बन्यौ अंग-दाहकु गति-नाह ।  
असि-दाहकु क्योंकरि वहै हैहै\* सहित उमाह ॥ ६४ ॥  
कहा भयौ इक दुर्ग जो ढायौ रिपु रणधीर ।  
तुम तौ मानिनि-मान-गढ नित ढाहत, रति-वीर । ॥ ६५ ॥

### कवित्त

मसिमयी सूरि गई तब त\* वृषाकुल भई, बाल्यु विदेमई को पलियो जय कयो ।  
दूध दही श्रीफल हपैया घरि थारी माहि\*, माता मुन भाल जयै गेरि के टीको दयो ॥  
साँदुर बिलरि गयो, वधु सो कला, है आव, तन तें पसीना छुट्या मतन को तयो ।  
साँदुर ल आई तिया, आँगन में ठाढ़ी रही, बरके पमारिबे म भात दाघ में भयो ॥

—राधा

\* मैं घरजी के घर तूँ, इत किन छेति क्याह ।  
द्वैमुखी हूँ गुलाब की परिह गात खरीड ॥

—विद्या

ऐहैं, कहु, केहि काम ए कादर काम-अधीर ।  
 तिय-मृग-ईछनहीँ जिन्हैँ हैँ अति तीछन तीरँ ॥ ६६ ॥  
 छिन मुख देखत आरसी, छिन साजत सिंगार ।  
 कहा कटैहैँ सीस ए बने-उने सरदाग ॥ ६७ ॥  
 अंत न ऐहैं काम ए रसिक छैल सरदार ।  
 रहि जैहैँ दरपनु लियेँ करत साज-सिंगार ॥ ६८ ॥  
 त्यागि सकत नहिँ नैक जे चटक-मटक-अभिमान ।  
 कहा छाँडिहैँ युद्ध मेँ ते अजान प्रिय प्रान ॥ ६९ ॥  
 चटक-मटकही तेँ तुझैँ नाहिँ नेक अवकास ।  
 अवसर पै कगिहौ कहा तुम बिलासिता-दास ? ॥ ७० ॥  
 सुमन-सेज सँग बाल तुम पौँडे करि सिंगार ।  
 को भीषम-सर-सेज की अब पत-राखनहार ॥ ७१ ॥  
 उत गढ़-फाटक तोरि रिपु दीनी लूट मचाय ।  
 इत लंपट । पट तानि तैँ परगौ तीय उर लाय ॥ ७२ ॥  
 उत रिपु लूटत राज, इत दोउ मत्त रति माहिँ ।  
 उन गर नाहीँ नहिँ छुटै, इन गर बाहीँ नाहिँ ॥ ७३ ॥

लागत कुठिल फटाच्छ-सर, वयो न होहिँ बेहाल ।  
 कदत जिहियहिँ दुसाल करि, सऊ रहत नटसाल ॥

मान छुट्यौ, धन जन छुट्यौ, छुट्यौ राजहू आज ।  
 पै मद-प्याली नहिँ छुटी, बलि, बिलासि-मिरताज ॥ ७४ ॥  
 आवतु आपु बिनासु तहँ, जहँ बिलसत बिलासु ।  
 एक प्राण द्वै देह मनु उभय बिलासु बिनासु ॥ ७५ ॥  
 जित बिनासु आवन चहतु, पठवतु पथम बिलासु ।  
 मति बिलासु मुहँ लाइयौ, ऐहै नतरु बिनासु ॥ ७६ ॥  
 नयन-बानही बान अव, भ्रुवही बक कमान ।  
 समर केलि बिपरीतही मानत आजु प्रमान ॥ ७७ ॥  
 निदरि प्रलय बाढ़त जहाँ बिप्लव-बाढ़-बिलास ।  
 टापतही रहि जात तहँ टीप-टाप के दास ॥ ७८ ॥

#### कवि-पतन

बरपत बिषम अँगार चहुँ, भयौ द्वार बर बाग ।  
 कवि-कोकिल कुहकत तऊ नव दपति-रति-राग ॥ ७९ ॥  
 सुख-सपति सब लुटि गयौ, भयौ देस-उर घाय ।  
 कंकन-किकिनि का अजौ सुनत भनक कविराय ॥ ८० ॥  
 रही जाति जठरागि तें भभरि भाजि अकुलाय ।  
 तुहँ परी अभिसार की अजहुँ हाय, रसराय ॥ ८१ ॥  
 तिय-कटि-कृतता कौ कविनु नित बखानु नव कीन ।  
 वह तौ छीन भई नहीं, पै इनकी मति छीन ॥ ८२ ॥



ऐहैं, कहु, केहि काम ए कादर काम-अधीर ।  
 तिय-मृग-ईछनहीँ जिन्हैँ हैँ अति तीछन तीरँ ॥ ६६ ॥  
 छिन मुख देखत आरसी, छिन साजत सिंगार ।  
 कहा कटैहैँ सीस ए बने-ठने सरदार ॥ ६७ ॥  
 अंत न ऐहैं काम ए रसिक छैल सरदार ।  
 रहि जैहैँ दरपनु लियेँ करत साज-सिंगार ॥ ६८ ॥  
 त्यागि सकत नहिँ नैक जे चटक-मटक-अभिमान ।  
 कहा छाँडिहैँ युद्ध मेँ ते अजान प्रिय प्रान ॥ ६९ ॥  
 चटक-मटकही तेँ तुहौँ नाहिँ नेक अवकास ।  
 अवसर पै कगिहौ कहा तुम बिलासिता-दास ? ॥ ७० ॥  
 सुमन-सेज सँग बाल तुम पौँढ़े करि सिंगार ।  
 को भीषम-सर-सेज की अब पत राखनहार ॥ ७१ ॥  
 उत गढ़-फाटक तोरि रिपु दीनी लूट मचाय ।  
 इत लंपट । पट तानि तैँ परचौ तीय उर लाय ॥ ७२ ॥  
 उत रिपु लूटत राज, इत दोउ मत्त रति माहिँ ।  
 उन गर नाहीँ नहिँ छुटै, इन गर बाहीँ नाहिँ ॥ ७३ ॥

आगत फुटिल कटाच्छ-सर, क्यों न होहिँ बेहाल ।  
 कळत जिहियहिँ दुसाळ करि, सऊ रहत नटसाळ ॥

मान छुट्यौ, धन जन छुट्यौ, छुट्यौ राजहू आज ।  
 पै मद-प्याली नहिँ छुटी, बलि, बिलासि-सिरताज । ॥ ७४ ॥  
 आवतु आपु बिनासु तहँ, जहँ बिलमत बिलासु ।  
 एक प्रान द्वै देह मनु उभय बिलासु बिनासु ॥ ७५ ॥  
 जित बिनासु आवन चहतु, पठवतु प्रथम बिलासु ।  
 मति बिलासु मुहँ लाइयौ, ऐहे नतरु बिनासु ॥ ७६ ॥  
 नयन-बानही बान अब, भ्रुवही बक कमान ।  
 समर केलि बिपरीतही मानत आजु प्रमान ॥ ७७ ॥  
 निदरि प्रलय बाढ़त जहाँ बिप्लव-बाढ़-बिलास ।  
 टापतही रहि जात तहँ टीप-टाप के दास ॥ ७८ ॥

#### कवि-पतन

बरपत बिषम अँगार चहुँ, भयौ छार बर बाग ।  
 कवि-कोकिल कुहकत तऊ नव दपति-रति-राग ॥ ७९ ॥  
 सुख-सपति सब लुटि गयौ, भयौ देस-उर घाय ।  
 कंकन-किंकिनि का अजौ सुनत भनक कविराय ॥ ८० ॥  
 रही जाति जठरागि तें भभरि भाजि अकुलाय ।  
 तुलैं परी अभिसार की अजहुँ हाय, रसराय । ॥ ८१ ॥  
 तिय-कटि-कृसता कौ कविनु नित बखानु नव कीन ।  
 वह तौ छीन भई नहिँ, पै इनकी मति छीन ॥ ८२ ॥

ऐहैं, कहु, केहि काम ए कादर काम-अधीर ।  
 तिय-मृग-ईछनही\* जिन्है\* है\* अति तीछन तीर\* ॥ ६६ ॥  
 छिन मुख देखत आरसी, छिन साजत सिंगार ।  
 कहा कटैहै\* सीस ए बने-ठने सरदार ॥ ६७ ॥  
 अंत न ऐहै काम ए रसिक छैल सरदार ।  
 रहि जैहै\* दरपनु लिये\* करत साज-सिंगार ॥ ६८ ॥  
 त्यागि सकत नहि\* नैक जे चटक-मटक-अभिमान ।  
 कहा छाँडिहै\* युद्ध मे\* ते अजान प्रिय प्रान ॥ ६९ ॥  
 चटक-मटकही ते\* तुहै\* नाहि\* नैक अवकास ।  
 अवसर पै कगिहौ कहा तुम बिलासिता-दास ? ॥ ७० ॥  
 सुमन-सेज संग बाल तुम पौढ़े करि सिंगार ।  
 को भीषम-सर-सेज की अब पत राखनहार ॥ ७१ ॥  
 उत गढ-फाटक तोरि रिपु दीनी लूट मचाय ।  
 इत लंपट । पट तानि तै\* परगौ तीय उर लाय ॥ ७२ ॥  
 उत रिपु लूटत राज, इत दोउ मत्त रति माहि\* ।  
 उन गर नाही\* नहि\* छुटै, इन गर बाही\* नाहि\* ॥ ७३ ॥

\* लागत कुटिल कटाच्छ-सर, कयो न होहि\* बेहाल ।  
 कदत जि हियहि\* दुसाळ करि, सक रहत नटसाळ ॥

मान छुट्यौ, धन जन छुट्यौ, छुट्यौ राजहू आज ।  
 पै मद-प्याली नहिँ छुटी, बलि, बिलासि-मिरताज । ॥ ७४ ॥  
 आवतु आपु बिनासु तहँ, जहँ बिलमत बिलासु ।  
 एक प्रान द्वै देह मनु उभय बिलासु बिनासु ॥ ७५ ॥  
 जित बिनासु आवन चहतु, पठवतु पथम बिलासु ।  
 मति बिलासु मुहँ लाइयौ, ऐहै नतरु बिनासु ॥ ७६ ॥  
 नयन-चानही वान अब, भ्रुवही बक कमान ।  
 समर केलि बिपरीतही मानत आजु प्रमान ॥ ७७ ॥  
 निदरि प्रलय बाढ़त जहाँ बिप्लव-बाढ़-बिलास ।  
 टापतही रहि जात तहँ टीप-टाप के दास ॥ ७८ ॥

#### कवि-पतन

बरपत बिषम अँगार चहुँ, भयौ द्वार बर बाग ।  
 कवि-कोकिल कुहकत तऊ नव दपति-रति-राग ॥ ७९ ॥  
 सुख-सपति सब लुटि गयौ, भयौ देस-उर घाय ।  
 कंकन-किंकिनि का अजौ सुनत मनक कविराय । ॥ ८० ॥  
 रही जाति जठराणि तें भभरि भाजि अकुलाय ।  
 तुहँ परी अभिसार की अजहुँ हाय, रसराय । ॥ ८१ ॥  
 तिय-कटि-कृसता कौ कविनु नित बखानु नव कीन ।  
 वह तौ छीन भई नहीं, पै इनकी मति छीन ॥ ८२ ॥

ऐहैं, कहु, केहि काम ए कादर काम-अधीर ।  
 तिय-मृग-ईछनही\* जिन्है\* है\* अति तीछन तीर\* ॥ ६६ ॥  
 छिन मुख देखत आरसी, छिन साजत सिंगार ।  
 कहा कटैहै\* सीस ए बने-ठने सरदार ॥ ६७ ॥  
 अंत न ऐहैं काम ए रसिक छैल सरदार ।  
 रहि जैहै\* दरपनु लिये\* करत साज-सिंगार ॥ ६८ ॥  
 त्यागि सकत नहि\* नैक जे चटक-मटक-अभिमान ।  
 कहा छाँडिहै\* युद्ध मे\* ते अजान प्रिय प्रान ॥ ६९ ॥  
 चटक-मटकही ते\* तुझै\* नाहि\* नैक अवकास ।  
 अवसर पै कगिहौ कहा तुम बिलासिता-दास ? ॥ ७० ॥  
 सुमन-सेज संग बाल तुम पौढ़े करि सिंगार ।  
 को भीषम-सर-सेज की अब पत राखनहार ॥ ७१ ॥  
 उत गढ-फाटक तोरि रिपु दीनी लूट मचाय ।  
 इत लपट । पट तानि तै\* परचौ तीय उर लाय ॥ ७२ ॥  
 उत रिपु लूटत राज, इत दोउ मत्त रति माहि\* ।  
 उन गर नाही\* नहि\* छुटै, इन गर बाही\* नाहि\* ॥ ७३ ॥

\* लागत कुटिल कटाच्छ सर, क्यों न होहि\* बेहाल ।  
 कदत जि हियहि\* दुसाल करि, तरु रहत नटसाल ॥

मान छुट्यौ, धन जन छुट्यौ, छुट्यौ राजहू आज ।  
 पै मद-प्याली नहिँ छुटी, बलि, बिलासि-सिरताज । ॥ ७४ ॥  
 आवतु आपु बिनासु तहँ, जहँ बिलमंत बिलासु ।  
 एक प्राण द्वै देह मनु उभय बिलासु बिनासु ॥ ७५ ॥  
 जित बिनासु आवन चहतु, पठवतु प्रथम बिलासु ।  
 मति बिलासु मुहँ लाइयौ, ऐहे नतर बिनासु ॥ ७६ ॥  
 नयन-बानही बान अव, भ्रुवही बक कमान ।  
 समर केलि विपरीतही मानत आजु प्रमान ॥ ७७ ॥  
 निदरि प्रलय बाढ़त जहाँ विप्लव-बाढ़-बिलास ।  
 टापनही रहि जात तहँ टीप-टाप के दास ॥ ७८ ॥

कवि-पतन

बरपत बिपम अंगार चहुँ, भयौ द्वार बर बाग ।  
 कवि-कोकिल कुहकत तऊ नव दपति-रति-राग ॥ ७९ ॥  
 सुख-सपति सब लुटि गयौ, भयौ देस-उर घाय ।  
 कन-किकिनि का अजौ सुनत भनक कविराय । ॥ ८० ॥  
 ही जाति जठरागि तें भभरि भाजि अकुलाय ।  
 हँ परी अभिसार की अजहुँ हाय, रसराय । ॥ ८१ ॥  
 य-कटि-कूसता कौ कविनु नित बखानु नव कीन ।  
 ह तौ छीन भई नहीं, पै इनकी मति छीन ॥ ८२ ॥

कहत अकथ<sup>१</sup> कटि छीन, कै कनक-कूट कुच पीन ।  
 छीन-पीन के बीच वै भये आजु मति-हीन ॥ ८३ ॥  
 नीति-बिहूनो राज ज्यौ, सिसु उनो बिनु प्यार ।  
 त्यों<sup>२</sup> अब कुच-कटि-कवित बिनु सूनो कवि-दरबार ॥ ८४ ॥  
 जागत-सोवत, स्वप्नहूँ, चलत-फिरत दिन-रैन ।  
 कुच-कटि पै लागे रहै<sup>३</sup> इन कवीनु के नैन ॥ ८५ ॥  
 आज-कालि के नौल कवि सुठि सुंदर सुकुमार ।  
 बूढ़े भूषण पै करै<sup>४</sup> किमि कटाच्छ-मृदु-वार ॥ ८६ ॥  
 वारमुखी मे<sup>५</sup> वार अब, युवति-मान मे<sup>६</sup> मान ।  
 रंग अबीर में बीर त्यों<sup>७</sup> कहियत कोस प्रमान ॥ ८७ ॥  
 कमल-हार, भीने बसन, मधुर बेनु अब छाँडि ।  
 मौलि-माल, बज्जर कवच, तुमुल-सख कवि, माँडि ॥ ८८ ॥  
 तजि अजहूँ अभिसारिका, रतिगुप्तादिक, मन्द ।  
 भजि भद्रा, जयदा सदा शक्ति, छाँडि जग-द्वन्द ॥ ८९ ॥  
 करन किधौ उपहासु, कै ठकुरसुहाती आज ।  
 कहा जानि या भीरु कों कहत भीम, कविराज ॥ ९० ॥

\* बुधि अनुमान, प्रमान धृति किये<sup>१</sup> नीडि ठहराइ ।

सुखन कटि परमण लो<sup>२</sup> अलख, लखी नहि<sup>३</sup> जाइ ॥

अब नख-सिख-सिङ्गार में, कवि-जन । कलु रम नाहिँ ।  
 जूठन चाटत तुम तऊ मिलि कूकर-कुल माहिँ ॥ ६१ ॥  
 मरदाने के कवित ए कहिहै क्यों मति-मन्द ।  
 बैठि जनाने पढ़त जे नित नख-सिख के छंद ॥ ६२ ॥

### व्यर्थ चेष्टा

काहि सुनावत वीररसु, वृथा करत चित खंद ।  
 हैं ए रसिक सिँगार के, सुनत नायिका-भेद ॥ ६३ ॥  
 कहा बकत इत मूढ़ । तूँ, क्यों न रहत गहि मौन ।  
 सुनिहै सरस समाज में निरस युद्ध-रस कौन ? ॥ ६४ ॥

### अनहोनी


बँधवाये सुत सिंह के विनु रद-नख करवाय ।  
 सस-सृगाल-हाथनि, अहो । भलो नाथ, यह न्याय ॥ ६५ ॥  
 चूमत चरन सियार के गज-मद-मर्दन शेर ।  
 झपटत बाजनु पै लवा, अहो । दिननु के फेर ॥ ६६ ॥  
 दर्ई । दिननु के फेर तें भई औरही साज ।  
 हुते सिलहखाने जहाँ, तहाँ मयखाने आज ॥ ६७ ॥  
 भली, नाथ, लीला रची । भलो अलाप्यो गग ।  
 नर ओढ़ी सिर ओढ़नी, नारिन औंधी पाग ॥ ६८ ॥



## दुर्लभ पदार्थ

किम्मत हिम्मत की नहीं, नहिँ बल-वीरज-तोल ।  
 आँक्यो गयौ न आजुलों, बीर-मौलि कौ मोल ॥ ९९ ॥

फरति न हिम्मत खेत में, बहति न असि-व्रत-धार ।  
 बल-विक्रम की बोरियाँ बिकति न हाट-बजार ॥ १०० ॥



## छठा शतक

नाद-वन्दना

सहस-फनी-फुङ्कार    औ    काली-असि-भङ्कार ।  
बन्दों    हनु-हुङ्कार,    ल्यौं    राघव-धनु-टङ्कार ॥ १ ॥

वे और वे

जिनकी आँखन तें रहे बरसत ओज-अँगार ।  
तिनके बंसज भोंप तें दृग भौँपत सुकुमार ॥ २ ॥  
रहे रँगत रिपु-रुधिर सों समर केस निरवारि ।  
तिनके कुल अब हीजरे काढ़त माँग सँवारि ॥ ३ ॥  
धारत हे रण-भूमि जे अरि-मुंडनु कौ हार ।  
तिनकं कुलके करत अब सरस सुमन-सिंगार ॥ ४ ॥  
रह्यौ सदा जिन हाथ कौ यार एक हथियार ।  
लखियतु अब तिन करनु में रमन-बाल-हित हार ॥ ५ ॥  
भूमत हे जहाँ मत्त हूँ सहजसूर दिन-नैन ।  
लटकि लजीले बैल तहाँ मटकि नचावत नेन ॥ ६ ॥

कितना भारी अंतर ।

मरत पूत उत दूध बिनु, बिलपत विकल किसान ।  
 इत बैठ्यौ, सठ । करत तैं सँग कामिनि मद-पान ॥ ७ ॥  
 वृष-रवि-आतप-तपि कृषक मरत कलपि बिनु नीर ।  
 इत लेपत तुम अरगजै, बिरमि उसीर-कुटीर ॥ ८ ॥  
 उत हाकिम रैयत-रकत करत पान उर चीर ।  
 इत पीवत तैं मद, अरे नृपति मनोज-अधीर ॥ ९ ॥  
 उत आतप अरु तपत भू, इत उसीर घनसार ।  
 रैयत राजा में, कहौ, हूँहै किमि सहकार ॥ १० ॥  
 उत भूखे ऋदन करत कलपि किसान मजूर ।  
 इत मसनद पै मद-छके सुनत अलाप हुजूर ॥ ११ ॥

निर्जीव राजपूत

दलित सीस पै बाँधिकै रजपूती की पाय ।  
 कियौ, निलज । नट-लौं तऊ बल-विक्रम कौ स्वाँग ॥ १२ ॥  
 तुम रजपूतनु तैं कहा रजपूती की आस ?  
 प्रभदा-मदिरा-माँस के भये आजु तुम दास ॥ १३ ॥  
 कुल में दाग लगाय, धिक । बन्यौ फिरत रजपूत ।  
 गरि-गरि गिर्यौ न गर्भ तैं कादर ॥ १४ ॥

मजबूती तौ कहूँ नहीं, है सब काम निकाम ।  
 कहिये कौ बस रहि गयौ रजपूती कौ नाम ॥ १५ ॥  
 लखि जिनके मजबूत भुज काँपत ह यम-दूत ।  
 भारत-भू पै अब कहाँ वै बाँके रजपूत ॥ १६ ॥  
 कहा तुम्हैं तरवार सों, है सब सूखी शान ।  
 मूठ सुनहरी चाहिए, और मखमली म्यान ॥ १७ ॥  
 कुल-कलंक कादर कुटिल व्यभिचारी बिनलाज ।  
 करत दुष्ट दावा तऊ रजपूती कौ आज ॥ १८ ॥  
 चाटत जग-पग खान-ज्यौ, फिरत हलावत पूँछ ।  
 बनत कहा अब मरद तै, यौ मरोरिकैं मूँछ ॥ १९ ॥

### धिक्कार

तो देखत तुव भगिनि के खँचत पामर केस ।  
 जानि परत, या बाहु में रखौ न बल कौ लेस ॥ २० ॥  
 रे निलज्ज । जिनके अछत, अरिहिँ भुकायौ माथ ।  
 अब तिन मूँछनु पै कहा पुनि-पुनि फेरत हाथ ॥ २१ ॥  
 निज चोटी-बेटीन की सके राखि नहिँ लाज ।  
 धिक धिक, ठाढ़ी मूँछ ए, धिक धिक, डाढ़ी आज ॥ २२ ॥  
 भखत माँसु, मदिरा पियत, ताकत पर-तिय-द्वार ।  
 धिक, तेरो जीवन-मरन, लपट चोर लवार ॥ २३ ॥

मरिहै नहिँ कबहुँ कहा, धँसत न जो रण माँझ ।  
 उपज्यौ कूख कुपूत तैं, रही न क्यों बिधि बाँझ ॥ २४ ॥  
 भाज्यौ पीठि दिखाय यौ, धँस्यौ न जूझन माँझ ।  
 तो सम कादर-जनन तैं, भलि छलानी बाँझ ॥ २५ ॥  
 जरति जाति जठरागि तैं, जहँ-तहँ हाहाकार ।  
 देत भोज तैं नित तऊ साजि साज-दरबार ॥ २६ ॥  
 देखि दीन दुर्दलनहुँ उठत न जाकौ बाहु ।  
 प्रसतु तासु सरबसु-ससिहिँ पर-प्रताप-बल-राहु ॥ २७ ॥  
 निजमुख निज कथनी कथत, नितप्रति सौ-सौ बार ।  
 भट तैं भाट भये भले बिरद-पुकारनहार ॥ २८ ॥  
 अछत कर्ण, कृप, द्रोण ल्यों भीष्म, पार्थ अरु भीम ।  
 खिँचि पंचाली-पटु रह्यौ, धिक बल-वीरज-सीम ॥ २९ ॥

### आज कहाँ

पराधीनता-जलधि में वृडत सुकृत-समाज ।  
 कहाँ उधारक धरम कौ, तारक आज जहाज ॥ ३० ॥  
 दै हाँके हाँके हठी, रण-थल सुभट अजैत ।  
 निपट निसाँके अब कहाँ, बल-बाँके बानैत ॥ ३१ ॥  
 कहँ अब रण-सरि-पैरिबो, कहँ बल-विक्रम-तेज ।  
 रवि-मंडल-भेदनु कहाँ, कहँ पौढ़नु सर-सेज ॥ ३२ ॥

कहँ प्रताप, कहँ दाप वह, कहाँ आन कहँ बान ?  
 कहाँ ऐँड, कहँ मेंड अब, है सब सूखी शान ॥ ३३ ॥  
 नहिँ बल, नहिँ बिक्रम कहूँ, जहँ-तहँ दीन अधीन ।  
 भई भूमि यह आजु का साँचेहुँ वीर-बिहीन ॥ ३४ ॥  
 अब, कोयल । वह ऋतु कहाँ, कहँ कृजन तरु-डार ?  
 वह रसाल-रस-बौर कहँ, वह बन-बिहँग-बिहार ॥ ३५ ॥  
 धीर वीर-वर वै कहाँ, हठ-हमीर जग-बीच ।  
 अब तौ इत नित बढि रहे निलज नराकृति नीच ॥ ३६ ॥

#### परशुराम-स्मरण

जित देखौ तित बढि रहे कुल-कुठार भुवि-भार ।  
 क्यों न होत पुनि आजु वह परसुराम-अवतार ॥ ३७ ॥  
 देखि-देखि मद-चूर ए कादर, कूर कुसाज ।  
 जामदग्न्य के परमु की आवनि सुधि पुनि आज ॥ ३८ ॥

#### भावी इतिहास

देखि दास-ही-दास चहुँ, इमि क्यों होत निरास ।  
 पढ़िहौ तुम कछु औरही या युग कौ इतिहास ॥ ३९ ॥  
 हैंहँ पुनि स्वाधीन तुम, सदा न रहिहौ दास ।  
 या युग के बलि-दान कौ लिखियौ तब इतिहास ॥ ४० ॥

• व्यर्थ युद्ध

नाहिँ धर्म, नहिँ देस-हित, नाहिँ जाति कौ हेत ।  
 निज-निज स्वारथ पै, अहो । रँगत रक्त सों खेत ॥ ४१ ॥  
 करत शक्ति-व्यय व्यर्थ जे बिनु बिबेक, बिनु हेतु ।  
 भेटत ते सुख-सान्ति कौ सहज सनातन सेतु ॥ ४२ ॥  
 परधरती परतीय पै चेतहुँ भये अचेत ।  
 कटे न केते सूरमा, रंगे न केते खेत ॥ ४३ ॥

फूट

फूट्यौ, पै टूट्यौ न जो, भयौ कौन अस मर्द ।  
 जुग के बिलगेहूँ कहूँ रही खेल में नर्द ॥ ४४ ॥  
 राजपूत, सिख, मरहटे नठे बुंदेल, बघेल ।  
 अरी फूट ! या देस मेँ रच्यौ कौन यह खेल ॥ ४५ ॥  
 मेरु-दंड या देस कौ कुलिस-खंड अति चंड\* ।  
 सहजै, हा । गृह-फूट तेँ भयौ टूटि सतखंड ॥ ४६ ॥

\*जग में घर की फूट बुरी ।

घर की फूटहि सो बिनसाई सुमरन-लक पुरी ॥  
 फूटहि सो सब कौरव नासे भारत-युद्ध भयौ ।  
 जाकी घाटो या भारत में अबलौ नहि पुज्यौ ॥  
 फूटहि सो जयचन्द बुलायौ जवनन भारत-धाम ।  
 जाको फलअथलौ भोगत सब भारत होइ गुलाम ॥  
 फूटहि सो नवनद गिनासे, गया मगध कौ राज ।  
 चन्द्रगुप्त को नामन घाही आपु नये सहसाज ॥

भर्यौ बिभीषण-पुंज तेँ यह भारत-ब्रह्माण्ड ।  
 क्यों न होय गृह-भेद तेँ गृह-गृह लंका-काण्ड ॥ ४७ ॥  
 है जहाँ 'आठ कनौजिया नौ चूल्हे' की रीति ।  
 तहाँ परस्पर प्रीति की कहा पढ़ावत नीति ॥ ४८ ॥  
 हैँ ठाढ़े जा डार पै, काटत सोइ मतिमंद ।  
 घर-घर भारत-भाग तेँ भरे भूरि जयचढ़ ॥ ४९ ॥

### विजया दशमी

जहाँ पराजयही विजय मानत सम्य-समाज ।  
 कहा जानि आयौ तहाँ फेरि दसहरो आज ॥ ५० ॥  
 नीलकण्ठ\* तन पेखि धरु नीलकण्ठ-सुभध्यान ।  
 तुमहूँ परहित-हेतु यौँ करौ हलाहल-पान ॥ ५१ ॥

### अब समय कहाँ ?

लियौ तोरि दृढ़ गढ़ जबै, कहा सोचि तब जात ?  
 दीप सँजोवत अब कहा, जब हैँ गयौ प्रभात ॥ ५२ ॥  
 आजु-कालि कब तेँ करत, भये न कबहुँ तयार ।  
 घलाघली उत हैँ रही, इत माँजत हथियार ॥ ५३ ॥

जो जग में धन मान और बल आपुन राखन होय ।  
 तो आपुने घर में भूलेहूँ घट करो मति कोय ॥

—भारतेन्दु हरिश्चन्द्र

\* विजयादशमी के दिन 'नीलकण्ठ' पपी का दर्शन शुभ और सांगति माना जाता है ।



अब-अब तौ कब तैं कहत, सध्यों ने अबलों तंत ।  
वह अब कब ऐहै, जबै हैहै सिद्ध सुमंत ॥ ५४ ॥

### गीता-रहस्य

अनासक्ति सों जोरिये कार्यकर्म-अनुरक्ति\* ।  
ज्यों-त्यों करि आराधिये, सुचित साधिये शक्ति ॥ ५५ ॥  
'अद्वैतामृत-वर्षिणी' मानत विज्ञ-समाज ।  
जानत गीता अज्ञ हम केवल राष्ट्र-जहाज ॥ ५६ ॥

### अयोग्य नरेश

अपनेही तनु की न जौ तुम पै होति सँभार ।  
भूठमूठ फिरि बनत क्यों प्रजा-राज-रखवार ? ॥ ५७ ॥  
रैयत-भार सँभारिहैं किमि सुकंध सुकुमार ।  
जीवनद्व जब हैरह्यो नितही\* भार पहार ॥ ५८ ॥  
जिमि आँधर-कर आरसी, जिमि बानर-कर बीन ।  
तिमि रैयत अवरखिये नृपति-प्रमत्त-अधीन ॥ ५९ ॥  
नहि\* चाहक अपनेनु के, नहि\* गाहक-रखवार ।  
ए तौ मधुप बिदेस के रसिक रिभावनहार ॥ ६० ॥

\* तस्मादसक्तः सततं कार्यं कर्म समाचर ।

या बसुधा कां भाग भरि भोगत भुज मजबूत<sup>\*</sup> ।  
 कहा भोगिहैं भूमि ए कादर कर कुपूत ॥ ६१ ॥  
 शायर औध-नवात्रा की करूँ कहा तारीफ ।  
 राज काजु को पीठि दै सोचत बैठि रदीफ ॥ ६२ ॥  
 नहि<sup>†</sup> बाँधतु बटपार, जे रैयत करत खरात्र ।  
 बाँधतु बैठ्यौ काफिया, वाजिदग़ाली नवात्र ॥ ६३ ॥  
 भूलेहुँ कबहुँ मदान्ध को जनि दीजौ अधिकार ।  
 मतवाले के हाथ कहुँ सोंपत कोउ हथियार ॥ ६४ ॥

### स्वदेश-विद्रोह

भूलेहुँ कबहुँ न जाइये देस-विमुखजन पास ।  
 देस-विरोधी-सग ते<sup>‡</sup> भली नरक कौ बास ॥ ६५ ॥  
 सुख सो करि लीजै सहन कोटिन कठिन कलेम ।  
 विधिना । वै न मिलाइयौ, जे नासत निज देस ॥ ६६ ॥  
 सिव-विरंचि-हरि-लोकहुँ विपत सुनावै रोय ।  
 पै स्वदेश-विद्रोहि को मरनु न देह कोय ॥ ६७ ॥

\* धीरभोग्या यमुधरा ।

† एतन्तु के सुप्रसिद्ध रसिक भगवत वाजिदग़ाली शाह जो कविता में भगवत नामधेय

‘आपत्तर’ रखते थे ।

## गो-नाश

गो-धन, गोवर्द्धन-धरन, गोकुलेस, गोपाल ।  
 रँगत-रँगत गो-रक्त सों भई भूमि तुव लाल ॥ ६८ ॥  
 लाल । तिहारी लाडिली, -तुव गोकुल की गाय ।  
 कटति आजु गोपाल । हा । क्यों न बचावत धाय ॥ ६९ ॥  
 चोरि-चोरि चारुख्यौ जहाँ माखन, गोकुल-राज ।  
 टुक, देखौ गो-रुधिर की बहति धार तहँ आज ॥ ७० ॥  
 गेरत हे, गोपाल । तुम जहँ केसर घनसार ।  
 टुक, देखौ तहँ आजु हरि । बहति गो-रुधिर-धार ॥ ७१ ॥  
 दंडक-वन मुनि-अस्थि लखि दैत्य-दलन-घन-कीन\* ।  
 देखत गो-बध नाथ । क्यों आजु मौन गहि लीन ? ॥ ७२ ॥

## क्या से क्या ?

जहँ कीनों, गोपाल । तुम निज गो-रस-झिरकाव ।  
 देखि आजु मरुभूमि-सो क्यों न होत हिय घाव ? ॥ ७३ ॥

\* अस्थि-समूह देखि रघुराया । पूछ मुनिन्ह लागि अति दाया ॥  
 जानतहु पृच्छिय कस स्वामी । सबदरसी तुम अतरजामी ॥  
 निसिचर-निकर सकल मुनि खाये । मुनि गधुनाथ नयन-जल छाये ॥

निसिचर हीन करउँ महि\* भुज उठाइ पन कीन ।

सकल मुनिन्ह के आश्रमन्ह जाय-जाय सुख दीन ॥

जहँ लुढ़कायौ, लाल । तुम नित गो-रस, गोपाल ।  
मिलै न जलहू आजु तहँ, न्वाल-नाल बेहाल ॥ ७४ ॥

### जगत् का अमिष्यात्व

परखतु जीवन-जौहरी प्राण-रत्न जहँ गूढ़ ।  
ता साँचे संसार कों कहत असाँचो मूढ़ ॥ ७५ ॥  
जा जग की रोटीन तें स्रभतु अलख अनत ।  
मिथ्या ताकों कहत ए निलज निठल्ले संत ॥ ७६ ॥

### कादर साधु-सत

कनक-कामिनी में पगे, रंगे राग में आज ।  
इन सठ मठधारीनु पै तौहू गिरति न गाज ॥ ७७ ॥  
कथत मथत वेदान्त, पै रचत मंद छर-छद ।  
कहु, किमि कामानद ए हैहै रामानद ॥ ७८ ॥  
कनक-कामिनी-दास ए साधु स्वाग्यानन्द ।  
रामदास बिरले कहँ, आजु आतमानन्द ॥ ७९ ॥  
फुँकत जे गाजो, अभख भवि, भभूतिया भूत ।  
लोलुप लंपट धूत ते बने फित्त अवसूत ॥ ८० ॥

### त्याग और आत्मानुभूति

‘त्याग-त्याग’ कत बकत, रे, राग त्याग अति दूर ।  
 त्याग-तागही ते\* बँधे यती सती अति सूर ॥ ८१ ॥  
 लेत आत्म-अनुभूति-रस सूर सबल स्वाधीन ।  
 सके न करि कबहूँ कहूँ आत्म-लाभु बलहीन\* ॥ ८२ ॥

### अछूत

अपनावत अजहूँ न जे अपने अंग अछूत ।  
 क्यों करि हूँहै\* छूत वै करि कारी करतूत ॥ ८३ ॥  
 जिन पायनु ते\* जान्हवी भई प्रगटि जग-पूत ।  
 तिनही ते\* प्रगटे न ए तुम्हरे अनुज अछूत ? ॥ ८४ ॥  
 सुर-सरि औ अत्यज दुहूँ अच्युत-पद-संभूत ।  
 भयौ एक क्यों छूत, औ दूजो रह्यौ अछूत ? ॥ ८५ ॥  
 जौ दोउनु कौ एकही कह्यौ जनक जग-बन्द ।  
 तौ सुर-सरि ते\* घटि कहा यह अछूत, द्विज मन्द ॥ ८६ ॥  
 महा असिव हूँ सिव भयौ जाहि सीस पै धारि ।  
 छुअत न तासु सहोदरनु, रे द्विज । कहा विचारि ॥ ८७ ॥

## मगला और अमगला

हाट-घाट नित बैठि निज जोबनु बेचनवारि ।

कही जाति या देस मेँ आजु 'मगला' नारि ॥ ८८ ॥

बिधवा तरुन-तपस्विनी असि-व्रत-पालनहारि ।

कही जाति या जाति मेँ, हा । 'अमगला' नारि ॥ ८९ ॥

## बाल विधवा

जहाँ बाल-विधवा-हियेँ रहे धँधकि अगार ।

सुख-सीतलता कौ तहाँ करिहौ किमि सचार ? ॥ ९० ॥

भलेँ सुधा सीँचौ तहाँ, फलु न लागिहै कोय ।

जहाँ बाल-विधवान कौ अश्रु-पात नित होय ॥ ९१ ॥

सुग-तरुह के फरन की मति कीजौ उत आस ।

जाय बाल-विधवा निकसि जित हूँ भरति उसाँस ॥ ९२ ॥

## श्वेत और श्याम

उन प्यारे गोरेनु कौ गाहकु सबु ससार ।

हम न्यारे कारेनु कौ कारो कान्ह अधारु\* ॥ ९३ ॥

\* गोरी को गोरे लागत जग अतिही प्यारे ।

मो कारो कौं कारे तुम गननु के तारे ॥

उनको तो संसार है, मो दुखिया कौं कोन ।

बहिमे कछा विचार है, जो तुम माधी मौन ॥

तन कारो, कारो कुदिन, कारो कुल, गृह, गोत ।  
 पै कुरूप कारेनु कौ हियो न कारो होत ॥ ६४ ॥  
 कौन काम के सेत घन, नीरस निपट निसार ।  
 कारेही घन स्याम-लौ<sup>५</sup> बरसावत रस-धार ॥ ६५ ॥

### व्यर्थे गर्व

अहे । गरब कत करत तूँ खरब पाइ अधिकार ।  
 रहे न जग दसकंध-से दिग-बिजयी जुग चार ॥ ६६ ॥  
 कनक-पुरी जब लंक-सी भुरी अछत दसकंध ।  
 तुव भोपरियाँ काँस की कौन पूछिहै, अंध । ॥ ६७ ॥

### दीन और दीनबन्धु-शरण

चूसि गरीबनु कौ लुहू किये गुनाह दराज ।  
 गहत गरीब-निवाज के कहा जानि पग आज ॥ ६८ ॥  
 दीननु देखि घिनात जे, नहि<sup>५</sup> दीननु सेां काम ।  
 कहा जानि ते लेत हैं दीनबन्धु कौ नाम ॥ ६९ ॥  
 दीन-हीन जानै<sup>५</sup> कहा सेइ राज दरबार ।  
 उनकै<sup>५</sup> तौ आधार बस दीनबन्धु कौ द्वार ॥ ७० ॥



## सातवाँ शतक

केसरी-वन्दना

गौरी-कर-लालितु सदा, पसुपति-पालितु जोय ।  
दनुज-दमनु दारुन दरौ दुरित केसरी सोय ॥ १ ॥

चिविध

किये भीष्म पै अनल-लौ क्यों हरि, नैन रिसाय ?  
जानत हौ, ब्रज-दौ वहै दियौ दृगनि दरसाय\* ॥ २ ॥  
जाव भलै कुरुराज पै धारि दूत-वरवेस ।  
जइयौ भूलि न कहँ वहाँ, केसव । द्रौपदि-केस ॥ ३ ॥  
व्योम-नान सररात, औ तडकि तोप तररात ।  
सुथिर अथिर थहरात त्यौ दुर्ग दीह अररात ॥ ४ ॥

\* 'दावानल-पान' के सर्वथ की महाकवि मिशरी की रूपे —

सखि, मोहति गोपाल के उर गुजन सौ ॥ १ ॥

बाहर लमति माँ पिये दावानल की ॥ २ ॥



काम न आये आजुलौं है अनाथ-रखवार ।  
 दिये तोहि भुजदंड ए, कहा जानि करतार ॥ ५ ॥  
 लेखेंहीं ऋतु लेखियतु, नितप्रति ग्रीष्म साथ ।  
 जठर-ज्वालतें जरि रहे हम अनाथ, जगनाथ† ॥ ६ ॥  
 कोरी भोरी भावना ऐहै काम न आज ।  
 बिनु साधै\* सुचि साधना नहि\* सरिहै कछु काज ॥ ७ ॥  
 बलु साँचो निज बाहु-बलु, सीस-दानु सतदानु ।  
 ल्यो\* साँचो सुठि ध्यानु इक पारथ-सारथि-ध्यानु ॥ ८ ॥  
 बिनामान तजि दीजियौ स्वर्गहुँ सुकृत-समेत ।  
 रहौ मान तौ कीजियौ नरकहुँ नित्य निकेत ॥ ९ ॥  
 अंतहुँ अरिहि न सौंपियौ, करियौ प्रन-प्रतिपाल ।  
 निज भावँरि की भामिनी, निज कर की करबाल ॥ १० ॥  
 वीरवधू । तुव सौत वह बिजय-वधू नवबाल ।  
 तासु गरे\* गेरति तऊ कहा जानि रति-माल ॥ ११ ॥  
 भ्रमित भीत अरि-नारियाँ सगबग भाजति जाहिँ ।  
 आगे देखति नाहिँ, ल्यौ\* पाछे हेरति नाहिँ ॥ १२ ॥

† पलाही तिथि पाइयत, वा घर के चहुँपास ।

नितप्रति पून्योही रहति, आनन ओप उजास ॥

दनुज-दलन सौमिलि-सर, मारुति-मुष्टि-प्रहार ।  
 भीष्म-अतुल विक्रम, तिहूँ ब्रह्मचर्य-व्रत-सार ॥ १३ ॥  
 दृगनि ओज-लाली लसै, रुधिर-पियाली हाथ ।  
 काल-नटी काली-किलकि नटति कपाली साथ ॥ १४ ॥  
 साधतु साधनु एकही तजि अनेक बुधि-सीम ।  
 धनुष-सिद्ध अर्जुन भयौ, गदा-सिद्ध भो भीम ॥ १५ ॥  
 छुद्र वातहू वृहत की हे जग जानन-जोग ।  
 बन-सिहन के खाँद\* हू खोजत-नापत लोग ॥ १६ ॥  
 चित्त आर्य-साम्राज्य कौ सक्यौ न कोउ उतारि ?  
 चीन-ग्रीसहू के गये चतुर चितेगे† हारि ॥ १७ ॥  
 हूँ सबलनु कों सूल जो करतु निबल-प्रतिपाल ।  
 वीर-जननि कौ लाल सो अहै धर्म की ढाल ॥ १८ ॥  
 करै जाति स्वाधीन जो, साँचो सोइ सुपूत ।  
 यौतौ, कहु, केते नहीं‡ कायर कूर कुपूत ॥ १९ ॥  
 होयँ न, हरि । जा देस में बज्रपानि बलि-सीस ।  
 लावनिता ललनान को तहँ न दीजियौ, ईस । ॥ २० ॥

\* बुन्देलखण्डी शब्द, पैरो के चिह्न ।

† ह्वेनसांग् फाहियान, इस्तिज़ इत्यादि चीन के एवं मेगास्थनीज आदि ग्रीक के यात्री ।

ऐहै<sup>\*</sup> याही ठौर हम, कहा फिरे<sup>\*</sup> जग होत ।  
 जैसे पंछी पोत कौ उडि आवतु पुनि पोत<sup>\*</sup> ॥ २१ ॥  
 देस रसातल जाय किन, इत नित नौल बसत ।  
 इन कवीनु की कामिनी रही लाय उर कत ॥ २२ ॥  
 जिन समसेरन ते<sup>\*</sup> कबौ<sup>\*</sup> कटे दुवन-सिर, हाय ।  
 तिन ते<sup>\*</sup> काटत घासु तुम अब हँसिया गढ़वाय ॥ २३ ॥  
 को न अनय-मग पगु धर्यौ लहि इहि कुमति-कुदानु ?  
 न्याय-भूष्ट भे भीष्महू भखि दुर्योधन-धानु ॥ २४ ॥  
 अथयौ सो अथयौ, न पुनि उनयौ भीषम-भान ।  
 आर्य-शक्ति-जय-पद्मिनी परी तबहि<sup>\*</sup> ते<sup>\*</sup> म्लान ॥ २५ ॥  
 तिथि-संवत पुरखानु के सुनि चौंकत चकराय ।  
 मनु गाथा सस-सृङ्ग की तुहँ सुनाई आय ॥ २६ ॥  
 भीरु छिपावतु जीव ज्यौं, कृपनु छिपावतु दासु ।  
 सूर छिपावतु शक्ति त्यों, चतुर छिपावतु नामु ॥ २७ ॥  
 यथा राम-रावण-समर वारिद-नाद-बिहीन ।  
 भारत-युद्ध अपूर्ण ल्यौ बिना कर्ण प्रण-पीन ॥ २८ ॥  
 'जराधीन, अँगळीन हौं, दीन, दत-नख-हीन ।'  
 नहि<sup>\*</sup> ऐसी चिंता कहुँ कबहुँ केहरी कीन ॥ २९ ॥

\* मेरो मेनु धनत कहाँ सडुपावै ।

जैसे उडि जहाज कौ पछी पुनि जहाज पै आवै ॥

या कलि में बलि-धर्म कौ कियौ दोड़ उद्धार ।  
 गहिरवार पचम\* बली, अरु जगदेव पवार ॥ ३० ॥  
 रचि-रचि कोरी कल्पना बहुत जल्प ना मूढ़ ।  
 सहज सती अरु सूर कौ गति-रहस्य अति गूढ़ ॥ ३१ ॥  
 निबल, निरुद्यम, निर्धनी, नास्तिक, निपट निरास ।  
 जड, कादर करि देतु है नरहिं अधविश्वास ॥ ३२ ॥  
 रक्त-माँसु सब भखि लियों, पंजर डार्यौ तारि ।  
 कहा मिलैगो तोहि अब, निर्दय । हाड चिचोरि ॥ ३३ ॥  
 भाजत भग्गुल भभरि जहँ, खुलि खेलत तहँ बीर ।  
 जरत सुरासुर जाहि लखि, पियत ताहि सिव धीर ॥ ३४ ॥  
 कठिन राम कौ काम है, सहज राम कौ नाम ।  
 करत राम कौ काम जे, परत राम सौं काम ॥ ३५ ॥  
 मतवारे मब हूँ रहे मतवारे मत माहिँ ।  
 सिर उतारि सतधर्म पै कोउ चढावत नाहिँ ॥ ३६ ॥

\* काशीधर जीरभद्र गहिरवार का सज्जे छोटा पुत्र जगदास था । इसे पचम भी कहा है । जगदासने अपने भाइयो से अपमानित होकर विष्णु-वासिनी देवी को अपना सिर चढ़ाता चाहा, पर देवीने प्रकट हो तलवार पकड़ ली और इसे बर-डा दिया कि "जा, तेरी जय होगी और तरे बादपर मध्यभारत पर राज्य करेगे ।" पचमने जो रक्त अपना सिर काटन के लिये उड़ाया था, वह उसके सिर पर लगा और उसने रक्त की गूँथ गूँथी पर सिर पकौ । इसी गूँथ के गिरा के पररण पचम के वंशज 'उ देहा' कहे जाते हैं ।

| जगदेव पंचारने अपने स्वामी का प्राण बचाने के लिये स्वयं अपना सिर देवी को चढ़ा दिया था ।

तजि देती जौपै कहूँ, कोइल । काग-कुठौर ।  
 तौ होती पच्छीनु में सँचेहुँ तैं सिरमौर ॥ ३७ ॥  
 सिंह-शावकनु के भये शिकक आजु शृगाल ।  
 एइ सिखैहैं अब इन्है गज-मर्दन कौ ख्याल ॥ ३८ ॥  
 हम गंगोदक, हम गगन, हम दीपक, हम भान ।  
 यही तुम्हैं लै बृडिहै कुल-कोरो-अभिमान ॥ ३९ ॥  
 जदपि रोष दोऊ करति लखि-लखि परदग लाल ।  
 तदपि कहाँ खल-खंडिनी, कहाँ खडिता बाल ॥ ४० ॥  
 चूसि गरीबनु कौ रकतु करत इन्द्र-सम भोग ।  
 तउ 'गरीब पगवर' उन्हें कहत अहो, ए लोग ॥ ४१ ॥  
 उत ते\* तौ हाडा\* हठी, इत बु\*देला\* बलवान ।  
 अरि-अनीक की गेद\* कै रच्यौ चारु चौगान ॥ ४२ ॥

\* बुँदी के महाराज हाडा छलसाल । कविवर भूपण, मतिराम और लालने इनकी वीरता के कई पद्य लिखे हैं । कविवर मतिराम—ओरंगजेब-दारा-शुद्ध के अवसर पर—इनकी वीर-गति पर लिखते हैं—

ओरँग दारा जुरे दोउ जुद्ध, भये भट क्रुद्ध विनोद बिलासी ।

मारु बजै 'मतिराम' वरानैं भई अति अखन की धरखा-सी ॥

नाथ-सैन तिहि ठौर भिरयौ, जिय जानिकै छलिन को रन कामी ।

सीस भयौ हर हार-सुमेरु, छात्रा भयौ आपु सुमेरु कौ ग्रासी ॥

चले चढ़वान धनयान औ ऊहुकवान, चलत कमान धूम आसमान छवै रहो ।

चली जमडाई बाइवारे तरवारै जहाँ लोह आँच जेठ के तरनिमान वै रहो ॥

ऐसे समे फौजें बिचलाई छलसालमिह अरि के चलाये पायें बीरगस चवै रहो ।

हय चले हाथी चले संग छोड़ि माथी चले, ऐसी चलाचली में अचल हाडा है रहो ॥

—भूपण

† बुँदेला-केसरी महाराज छलसाल ।

दोनों वीरश्रेष्ठ छलसालों के सन्ध में महाकवि भूपण कह गये हैं—

बनत क्रोध-जित निबल नर धारि छमा अभिराम ।  
 करत कलंकित क्लीव ज्यो<sup>॥</sup> ब्रह्मचर्यव्रत-नाम ॥ ४३ ॥  
 उपमा भट-भुजदंड की तो संग जा दिन दीन ।  
 तबही ते<sup>॥</sup>, गज-सुण्ड । ते<sup>॥</sup> थिरता पलहु<sup>॥</sup> गही न ॥ ४४ ॥  
 धर्म-निरत संग द्वेष कै कहाँ बचैहै प्रान ?  
 दुर्वासा-हरि-चक्र को गयो भूलि उपखान । ॥ ४५ ॥  
 कह<sup>॥</sup> गूलर-बासी यहै, कह<sup>॥</sup> वह विश्व-बिहार ।  
 कह<sup>॥</sup> यह पोखरि-मे<sup>॥</sup>ढुकी, कह<sup>॥</sup> वह पारावार । ॥ ४६ ॥  
 बिन सी<sup>॥</sup>चे<sup>॥</sup> निज हीय ते<sup>॥</sup> सद्य रक्त-रस-धार ।  
 कह<sup>॥</sup> स्वधर्म की लहलही रही डहडहो डार ॥ ४७ ॥  
 आयो, बलि, रति-गुह ते<sup>॥</sup> भाजि, भीरु । है पीठि ।  
 अब काहे असि-बाल पै फिरत लगाये<sup>॥</sup> डीठि ॥ ४८ ॥  
 पावसही मे<sup>॥</sup> धनुष अब, सरित-तीरही तीर ।  
 रोदनही मे<sup>॥</sup> लाल दृग, नोरसही मे<sup>॥</sup> वीर ॥ ४९ ॥  
 टेक-टेक केते कहत, हठहू गहत अनेक ।  
 पै कह<sup>॥</sup> वह हम्मीर-हठ<sup>॥</sup>, कह<sup>॥</sup> प्रताप की टेक ॥ ५० ॥

इक हाथ बूँदी घनी, सरद महेवाला ।

मालत नारंगजव का ये दोनों छलमाल ॥

ये देखो छप्पा पत्ता, ये देखो छप्पा ॥

ये दिल्ली का हाल, ये दिल्ली बादनपाल ॥

—भूषण

\* तिरिया सेल हमीर-हठ, पद न दूनी बार ।

'सुई-नोक भरि भूमि, हरि । नहिँ दूँगो बिनुयुद्ध\* ।'  
 धनि, दुर्योधन-पैज वह, यद्यपि धर्म-विरुद्ध ॥ ५१ ॥  
 नेननि नित किन राहिये, तिनकी पायन-धूरि ।  
 पूरि पैज जे मरद की भये युद्ध मधि चूरि ॥ ५२ ॥  
 दिन-दूनी लागी बढै बल-वीरज की माँग ।  
 छैल-चिकनियाँहू रचै\* धीर वीर के स्वाँग ॥ ५३ ॥  
 भयौ रक्त नहिँ जिन दगनि देखि आत्म-अपमान ।  
 क्यों\* न बिधे तिन मे\*, बिधे । सूल विषम विष-वान ॥ ५४ ॥  
 नभ जिमि बिन ससि सूर के, जिमि पंछी बिनपाँख ।  
 बिनाजीव जिमि देह, तिमि बिनाओज यह आँख ॥ ५५ ॥  
 लखि सतीत्व-अपमानहू भये न जे दग लाल ।  
 नीबू-नौन निचोरिये, छेदि फोरिये हाल ॥ ५६ ॥  
 देखि दीन-दुर्दलनहू दहत न जाके अग ।  
 ता कुचालि कौ भूलिहूँ कबहुँ न कीजै संग ॥ ५७ ॥  
 केत गाल फुलायकै\* तमकि तरेरत नैन ।  
 लखि प्रचड भुजदंड पै कछुवै करत बने न ॥ ५८ ॥  
 ७ 'है स्वदेस मख-बेदिका, अरु आहुति मम प्रान' ।  
 कोटि जन्महूँ, नाथ । जनि जावै यह अभिमान ॥ ५९ ॥

\* सुख्या नैव दास्यामि विना युद्धे

नहिँ चाहत साम्राज्य-सुख, नाहि स्वर्ग, निर्वान ।  
 जन्म-जन्म निज धर्म पै हरषि चढ़ावौ प्रान ॥ ६० ॥  
 गये दिवस अब बिभव के, तजि दै बिषय-बिलास ।  
 होय देस स्वाधीन कब, करि वा दिन की आस ॥ ६१ ॥  
 इन नैननि किन राखिये दुखित दूबरे दीन ।  
 कीजै निज बलि-दान दै दलित देस स्वाधीन ॥ ६२ ॥  
 काम न ऐहैं अंत ए, बादि बजावत गाल ।  
 वैही सीसु चढ़ायहै, जे गुदरी के लाल ॥ ६३ ॥  
 रण-अगन अरि-अगना अंग-सुहाग सबारि ।  
 तनु की ज्वाल सिरावतीं ज्वाल-माल तनु धारि ॥ ६४ ॥  
 सहमि तमकि भाजत भजत, तुरत अधीर सुधीर ।  
 पीत अरुण परि जात मुख, लखि रण कादर बीर ॥ ६५ ॥  
 कहा मरोरत मूँछ उत बाँधि तुबक तरवार ।  
 सेवत जा दरबार कों नर्तक भाँड लवार ॥ ६६ ॥  
 छिन छाँडत, छिन गहत क्यों, रहत न एकहु ढंग ।  
 पल-पल पलटत नीच तैं नित गिरगिट-ज्यों रग ॥ ६७ ॥  
 जीवन-नवलनिकुंज रमि जो चाहौ रस-पान ।  
 जाय छुड़ावौ प्रेम सों मृत्यु-मानिनी-मान ॥ ६८ ॥  
 देखतहीं रण-भूमि वै क्यों न जायँ छुपि गेह ।  
 चिल-लिखित लखि खड्ग जब थरथर काँपति देह ॥ ६९ ॥



भये न जो पढ़ि सत्यव्रत, सबल, सूर • स्वाधीन ।  
 तौ विद्या लगि बाढ़ि धन, समय, शक्ति व्यय कीन ॥ ७० ॥  
 देखि सती-व्रत-भंगहूँ आवत जाहि न रोष ।  
 ता कादर के कदन में मानिय नैक न दोष ॥ ७१ ॥  
 कीजै किन कीरति अचल, दीजै दुकृत बिडारि ।  
 क्यों न बीर-सुर-सरित में लीजै अंग पखारि ॥ ७२ ॥  
 कियौ राज सुर-राज ज्यौँ जहाँ यवन-सम्राट ।  
 सो वह दिल्ली हाट-लों लई लूटि ब्रज-जाट\* ॥ ७३ ॥  
 स्वर्ण-दान-हित कर्ण तूँ, केशवराय-अनन्य ।  
 अबुलफ़ज़ल-करि-केहरी बीरसिंह† नृप धन्य ॥ ७४ ॥  
 नहिँ बढलु दल-बलु यहै, तडित न यह किरपान ।  
 नहिँ घन गाजत, गहगहे बाजत तुमुल-निसान‡ ॥ ७५ ॥

\* भूतपुराधिप वीर वर सुरजमल के पुत्र महाराज जवाहरसिंहजी द्वारा की हुई दिल्ली की लूट ।

† देखो टिप्पणी—तीसरा शतक, ६८ दोहा ।

‡ निम्नलिखित कवित्त के आधार पर—

बहल न होहिँ दल दखिन घमह माहिँ,  
 घटाहूँ न होहिँ दल सिवाजी हँकारी के ।  
 दामिनी दमक नाहिँ खुले खग बीरन के,  
 वीर सिर छाप छसु तीजा असवारी के ॥  
 देखि-देखि मुगलो की हरमैं भवन ल्यागै,  
 उझकि-उझकि उठै बहन बयारी के ।  
 दिल्ली मतिभूली कहै वान घन घोर घोर,  
 बाजत नगारे जे सितारे गढ़-धारी के ॥

—भूषण

है पानिप तरवार कौ कौन उतारनहार ?  
 कौन उखारनहार है मरद-मूँछ कौ वार ? ॥ ७६ ॥  
 कलपावत कव ते हमैं धारि निठुरता-रूप ।  
 करुनाघन । तुमहूँ भये आजु-कालि के भूप । ॥ ७७ ॥  
 बिनु अगनु कीनो हमै, बिनुबल, बिनुहथियार ।  
 क्याँ, निरदर्द दर्द । दर्द बिपत एकई वार ॥ ७८ ॥  
 कटत खटाखट मुड, त्यों पटत रुंड पर रुंड ।  
 जहँ-तहँ हल्दीघाट पै लहरत लोहित-कुंड ॥ ७९ ॥  
 तौलगिहीँ तूँ गरजि लै, गो-घातक । बनमाहिँ ।  
 जौलगि मत्त मृगेन्द्र । यह दबी लबलबी नाहिँ ॥ ८० ॥  
 पेशकब्ज, हृद गुर्ज त्यों बरछी, बाँक, कटार ।  
 हैं आभूषण बीर के तुबक, तीर, तरवार ॥ ८१ ॥  
 आँजि ओज-आँजनु दगनि दर्द अनी बिचलाय ।  
 क्यों न तोहि, रण-बाँकुरे । मसक गयन्द लखाय ॥ ८२ ॥  
 आसव एतो ओज कौ लीजै दगनि उडेलि ।  
 मर्दि मीजिये मसक-ज्यों रिपु-गयन्दहूँ पेति ॥ ८३ ॥  
 सरनागत, मद-मत्त, तिय, क्लीब, निरख, अनाय ।  
 इन्हें घालिबे नहिँ कबौँ मरद उठायौ हाथ ॥ ८४ ॥  
 हृदय-जीत-सी जीत नहिँ, भरम-भाति-सी-भीति ।  
 धर्म-नीति-सी नीति नहिँ, कृष्ण-प्रीति-सी प्रीति ॥ ८५ ॥

रण-अन्हान सों नहिँ तुलै सहसतीर्थ कौ न्हान ।  
 अभय-दान पै वारिये अमित यज्ञ कौ दान ॥ ८६ ॥  
 लिखे हमारे भाल पै अंक न अर्थ-अधीन ।  
 ज्यों पानीपत पै भये हम पानी-पत-हीन ॥ ८७ ॥  
 'आये रण में जूझिकै लला लाड़िले काम ।'  
 सुनि, छाती फूली, फटी, गई जननि सुर-धाम ॥ ८८ ॥  
 सुमन-सेज सर-सेजही, रण रति-रीति रसाल ।  
 सुभट-लाल-हित हित-रंगी रमण-बाल करबाल ॥ ८९ ॥  
 'कारण कहूँ, कारज कहूँ, अचरज कहत बने न ।  
 असि तौ पीवति रक्त, पै होत रक्त तुव नैन ॥ ९० ॥  
 वर्म चर्म असि तून धनु सजे सूर सरदार ।  
 वह मव मुख मेचक किये वा दिन बिन हथियार ॥ ९१ ॥  
 मुक्ति-हेतु इक करत तप, अपर दान, मख, ध्यान ।  
 पै छिति छलिहि छाँडि रण नाहिँन साधन आन ॥ ९२ ॥  
 सुने कवित पजनेस-कृत जिनसों मजुल मन्द ।  
 तिन श्रवननु सों अब कहा सुनिहौ भूषण-छन्द ? ॥ ९३ ॥  
 कथनी तौ औरै कछू, पै करनी कछु और ।  
 हम-से कादर कूरहूँ बनत सूर-सिरमौर ॥ ९४ ॥  
 ज्ञात धर्म, यस-कौमुदी, कृष्ण-रूप-रुचि-राग ।  
 होउ हरे । संगसु सदा यहै सुहाग-प्रयाग ॥ ९५ ॥

मन-मोहिनि वै सतसई<sup>३</sup> हिरनी सी सुकुमारि ।  
 कहा रिझैहै रसिक-मन यह सिहिनि भयकारि ॥ ६६ ॥  
 नहि<sup>४</sup> रस या सतसई में, नाहि<sup>५</sup> सुपद-लालित्य ।  
 भूषितहूँ दूषित भयौ परसि याहि साहित्य ॥ ६७ ॥  
 वै कुरगिनी सतसई<sup>६</sup>, सबै राखिहै<sup>७</sup> लालि ।  
 को लैहे सिर बिपत मो भूखी बाधिन पालि ॥ ६८ ॥  
 उर-प्रेरक श्रीहरि भये, भई प्रगटि लाहौर ।  
 सतसइया पूगन भई पदुमावती<sup>८</sup> सुठौर ॥ ६९ ॥  
 चैल-सुदी-सुभ-पचमी, वेद सिद्धि निधि इन्द्र ।  
 करी समापत सतसई हरी सुमिरि गोविन्दु ॥ १०० ॥



१ पन्ना नगरी का प्राचीन नाम । परिणामी पय के तो पन्ना को आज भी 'पन्नामी' पुरो कहते हैं ।

---

मुद्रक—के० पी० दर, इलाहाबाद लॉ जर्नल प्रेस, इलाहाबाद

प्रकाशक—साहित्य भवन लिमिटेड, प्रयाग ।

---



साहित्य-विहार का यह है। कोई कोई निग्रह नही बहुत ही हृदयग्राही और चमत्कारपूर्ण है।  
— प्रताप

यह एक गद्य काव्य है। इसके लेखक हैं हिन्दी के प्रसिद्ध गद्य-मर्मज्ञ श्रीविद्योगी हरि-  
जी, जो कि एक गद्य-विद्वान् हैं। उनमें अधिष्ठाता, सार्वभौम आदि, मासिक पत्रिकाओं में  
लेखन और एतद् रूप में जाने के पहले ही काफी श्रमिता प्राप्त कर चुके हैं। प्रत्येक  
मास में एक नया एक निश्चित प्रकरण के भाग में हुये जाता है। लेखन-शैली सुन्दर, भाषा  
साफ़ लची और विचार प्रादुर्भाव है। हमारी समझ में हिन्दी गद्य में यह सर्वोत्तम निबन्धमाला है।  
— गृहलक्ष्मी

## साहित्य-विहार

( नवीन संस्करण )

[ प्रयाग-विश्व-विद्यालय के वी० ए० के पाठ्यक्रम में नियत ]

श्री विद्योगी हरिजी की लेखनी में हिन्दी-संसार भली भौति, परिचित है। यह साहित्य-  
विहार, आप की एक मौल्य-कृति है। भूमिका-लेखक श्रीमान् प्रेक्षित जगन्नाथ प्रसादजी चौबेजी का यह  
लिखना कि साहित्य-विहार में विहार करने में प्रजभाषा की सदा-आपों के आगे आजाती है, अक्षरशः  
सत्य है। भाव, भाषा, और लेखन-शैली की दृष्टि में यह साहित्य की एक असमृद्ध गजपा है। इसके  
समर्थ में अधिक न लिख कर इस पर आधी हुई कुछ सम्मतियाँ उद्धृत की जाती हैं —

### सम्मतियाँ

“साहित्य-विहार के लेखक हिन्दी-साहित्य-रसिकों के चिरपरिचित, सम्प्रेक्षन-पात्रिका के  
संपादक श्री विद्योगी हरिजी हैं। आप हिन्दी-साहित्य का मधुर रसास्वादन कराने में कौन सिद्धहस्त  
हैं, यह हिन्दी साहित्य-प्रेमियों से छिपा नहीं है। आप के ही कई विद्यार्थी, मरते लेखों का सगह  
‘साहित्य-विहार’ है। साहित्य-प्रेमियों के लिये विद्योगी हरिजी का यह ‘विहार’ अवश्य ही विहार  
करने योग्य है।”

[ वंकरेश्वर लामाचार पत्र ]

“गमिर श्रमों को इस साहित्य-रत्न में रमन से साहिब की अपूर्व चान्दनी चरने की  
सिलेगी, इसमें संदेह नहीं।”

[ अग्रगुण्य ]

“विद्योगी हरिजी ने एक नवीन मनीषित पाई है। प्रस्तुत पुस्तक क्या है, हरिजी के दिव्य-  
की एक वदकन है। प्रजभाषा के कवियों को आपने इसमें एक झुंटे डँग में पेश किया है।

प्राचीन तथा अर्वाचीन कवियों की उक्तियों पर हरिजी की चुभती हुई आलोचना-चिन्त को  
लुभा लेता है। पुस्तक हिन्दी-साहित्य में एक अनोखी-पस्तु है।”

[ प्रभा ]

श्री विद्योगी हरिजी का साहित्य-विहार पौनी आलोचनामयी कृति है। पढ़ते पढ़ते तनीरत  
बढ़क उठती है। हरिजीको प्यार सुझती है। जिनके दिव्य हैं वे इस एलक को पढ़ सकते हैं।

[ प्रताप ]





रविंद्र ने 'अपराध' के अन्तर्गत लिखे गये 'अपूर्व आने' का चरित्र है। प्रजभापा के धुरंधर कवि पं० रविंद्र पाठक ने तो 'रही नव' लिख डाला है कि "हरिश्चन्द्रीय 'चन्द्रावली' की सहोदरा यह 'अनन्यता' है, प्रेम-प्रतिष्ठा के लिये अनिर्वचनीय आनन्द-सुधा की सतत-वाहिनी खोज रहा है।" हिन्दी-संसार के विद्वत्-प्रसिद्ध पत्र-पत्रिकाओं तथा हिन्दी साहित्य-संस्थानों ने इस पुस्तक की मुद्रा के लिये 'प्रसन्न' होकर समन्वित रूप पाठकों के समक्ष उपस्थित करते हैं, जो साहित्य-संस्थानों में प्रार्थना की जाती है कि इस छोटी-सी पुस्तक का ध्यान खान करें। ५८ पृष्ठों की पुस्तक का मूल्य केवल १० है।

### सम्मनितियाँ

इस पुस्तक में विद्युत् साहित्य की छटा है। यह एक मन-प्रलाप है, इसे समझनेवाले पसन्द पढ़ने हैं, देखने वाले देख सकते हैं। इसके लिये अधिकारी होने की जरूरत है।

[शिक्षा]

यह छपयोगिनी नाटिका इस युग की सीज नहीं है, किन्तु सहृदयों के लिये देश-काल का रंजन सहो रह जाता। वे तो उड़ान भरते हैं। हरिजी की यह उड़ान दर्शनीय और पठनीय है।

[प्रताप]

श्रीविद्योगी हरिजी की यह नाटिका है, बिल्कुल नया ढंग है। इसका विषय सामाजिक या ऐतिहासिक नहीं, बल्कि श्रीकृष्णजी की छत्र-लीला है। नायक स्वयं श्रीकृष्ण हैं जो छपयोगिनी बन कर नायिका श्रीराधा को 'ज्ञान-मार्ग' का उपदेश देते हैं। पर 'राधाजी' उन्हे कहती हैं कि इस ज्ञान के रहे भी जो आनन्द है वह 'प्रेम' है। यह संवाद बहुत ही मनोहर है ज्ञान के रसिकों के लिये पढ़ी अच्छी चीज है। विद्योगी हरिजी की कवि-शक्ति इसमें अच्छी प्रस्फुटित हुई है। उन्होंने सुलधार और पारिवर्जिक के संवाद में अपना परिचय भी बड़े अच्छे ढंग से दिया है। [भारत मित्र]

इस नाटिका का भाषा-सौष्टव और भाव-व्यञ्जन बहुत ही सुन्दर है। प्रेम और योग का निपटारा लेखक ने पढ़ी चतुरता से किया है। प्रजभापा की कवितायें भी यही मरस हैं। इस छपयोगी युग में विद्योगीजी की 'प्रेम-चर्चा' समझनेवाले बिरले ही मिलेंगे। फिर भी जिन्हें भगवान के द्वारा प्रेम हो वे अवश्य ही इस गोप्य रहस्य को पढ़ें और समझें। [अभ्युदय]

श्रीयत् कन्नोमल पम० प०, जेजु धौलपुर, लिखते हैं—

श्रीविद्योगी हरिजी हिन्दी के एक सुप्रसिद्ध और सिद्धाहन्त लेखक हैं। आप श्रीकृष्ण-भगवान के अनन्य भक्त हैं और आप के लेखों में उच्च अन्ति-भावों की भरमार होती है। श्रीछपयोगिनी में इन भावों की अभिव्यक्ति करने का अच्छा अवसर मिला है। इस पुस्तक में श्रीकृष्णचन्द्रजी ने नकली योगिनी के रूप में श्रीरात्रिजी, जो योग साधन सिखाने की चेष्टा की है, पर रात्रिजी के अगाध प्रेम के सामने इन्हीं हार माननी पड़ी हैं। सुयोग्य लेखक ने यह 'विषय' नाटक रूप में लिखा है और इस कार्य में बड़े पूर्ण सफल हुए हैं। यह नाटक पढ़ने योग्य है और श्रीकृष्ण के भक्तों के लिए एक अपूर्व और असूय्य वस्तु है।

श्रीगुन लखियर प० श्रीधर पाठक लिखते हैं—

"श्रीछपयोगिनी", भक्ति-पथ-परिचय, प्रेम-रस रसिक श्रीविद्योगी हरि—पिताचिता, हरि



“कवी कीर्तन” कृती, लखत बलिना राम सुन्दर ।

रहन अमित आनन्द जितलि जाकी, मन-स रखर ॥

कविबर देवीप्रसाद ‘प्रीतम’ लिखते हैं—

नाभाजी वृत्त रत्नमाल पत्रकर भारत ही सुभ होना था कि इस तरह गांधार में, सागर  
जल में डूबे, परन्तु कवि-कीर्तन देश का इस शक्ति का दूसरा उदाहरण मिला ।

श्रीराम २० शुकदेव त्रिहारी मिथ लिखते हैं—

८० प्रश्नों का यह अच्छा ग्रन्थ है जिसमें २५५० उक्तों द्वारा १०१ हिन्दी कवियों का यश  
लिया गया है । उनमें १२० प्राचीन कवि हैं और भारतेंदु से लेकर शेष कवि नवीन हैं । प्राचीनों  
में अपेक्षा नवीनों की सराया तथा कथन कुछ अधिक है । रचयिता ने प्राचीन तथा नवीन कवियों के  
विषय में मुख्य-मुख्य असली नाम लिखे हैं तथा वे कहने का यथावश्यक प्रयत्न किया है और हममें  
बहुत-बहुत सफरता भी पाई है । ग्रन्थ उपयोगी है ।

### योगी अरविन्द की दिव्य वाणी

अरविन्द भानु माता के उन सुपुत्रों में से हैं, जिन्होंने भारत की स्वाधीनता के लिये ही जन्म  
लिया और उसी के लिये प्राण निजकर, करना अपने जीवन का उद्देश्य मान रखा है । आप के, वैद्य  
आध्यात्मिक और सामाजिक भावों से भरे रहते हैं । यह प्रसूत पुस्तक आप के आध्यात्मिक विचार,  
योग, सद्गुरु, और ज्ञान-मधुमयी दिव्य उद्गारों का संग्रह है । आदि में योगी अरविन्द का संक्षिप्त परिचय  
भी दे दिया है । इसमें पुस्तक और भी उपयोगी बन गई है । हिन्दी-सेनार ने इस पुस्तक को अच्छा  
आंख दिया है । इसके पहिले सम्पूर्ण की थोड़ी ही प्रतियाँ शेष हैं, पाठकों को जल्दी करनी चाहिए,  
नहीं तो उन्हें दूसरे सम्स्करण की प्रतीक्षा करना पड़ेगी । पुस्तक की छपाई, सफाई और बागज सुन्दर  
गल्प है ।

### उत्तरसाल-ग्रन्थावली

चन्द्रलखण्ड केमरी महाराज उत्तरसाल के स्मरणीय नाम से कांत भारतीय परिचित न होगा ।  
यह महाराज अदभुत योग और पराक्रमी तो थे ही, एक डेचे कवि भी थे । स्वयं कवि थे और कवियों  
के आश्रयदाता भी थे । इनकी खलि और भावपूर्ण कविताएँ अगाध थीं ही रही थीं । हाल में इनके  
का ग्रन्थ मिले हैं, जिनका श्री विद्योगो हरिजी द्वारा सम्पादन करा के पत्रा राज्य की श्री उत्तरसाल  
स्मारक-समिति ने उत्तरसाल ग्रन्थावली के नाम से प्रकाशन किया है । इस पुस्तक का मोल पच्चेन्ट  
सालिय भजन है । प्र १३२, बागज-छपाई सुन्दर । मुख्य १।

मनेजर,

साहित्य-भवन, लिमिटेड,

हलाहाबाद

